



B

e:33

B. e. 33.

*Sc. J. 25*

3: 1.

Q. i. 16.





BERNARDINI  
BALDI VRBINATIS


GVASTALLÆ AB-  
BATIS

I N

MECHANICA ARISTOTE-  
LIS PROBLEMAT

EXERCITATIONES:

ADIECTA SUCCINCTA NAR-  
ratione de autoris vita & scriptis.



MOGENTIAE,  
Typis & Sumptibus Viduæ Ioannis Albini.

M. DC. XXI.

*Ur*





NOBILISSIMO AC GENE-  
ROSO DOMINO

D. ADAMO PHILIP-  
PO BARONI A CRON-  
BERG, EQVITI, SACRÆ CÆSA-  
RÆ MAIESTATIS, ET SERENISSIMI  
Principis Archiducis Alberti Camerario intimo &c.  
Domino meo gratiosissimo.




Pportune sub hoc ipsum tem-  
pus, quo in Belgium ad Sere-  
nissimos Principes iter ador-  
nat. Nobilissima & Generosa  
Dom. V.<sup>ra</sup>, prodit nostris for-  
mis in publicum editus Com-  
mentarius Bernardini Baldi Vrbinatis Gua-  
stallæ Abbatis in Aristotelis Mechanica. Is  
vir in omni scientiæ genere, at maxime in Ma-  
thematicis disciplinis fuit versatissimus, quod  
multa ab eo præclare scripta testantur opera,  
ex quibus paucula edita, reliqua vero spera-  
mus

## EPISTOLA

mus suo tempore in publicam lucem produ-  
cenda. Cum vero nemini sit obscurum Nobilissimæ ac Generosæ Dom. V.<sup>rx</sup> id semper  
extitisse familiarissimum, vt tum domesticum  
otium, tum maxime peregrinationes, quibus  
totam pæne Europam summa cum laude  
circumscripsit, tum variarum linguarum per-  
fecto vsu, tum Mathematicarum disciplina-  
rum notitia & exercitio redderet iucundiores,  
nulla me tenet dubitatio quin & Baldum Vr-  
binatem nostris typis loquentem in hoc iti-  
nere, quod à Deo felicissimum Nobilissimæ  
ac Generosæ Dom. V.<sup>rx</sup> precor, in suum comi-  
tatum ac tutelam beneuolo animo sit admis-  
sura. Id rogo humillime simulque precor, vt  
hanc meam typographiam plurimis iam re-  
tro annis de inclytæ familiæ Cronbergicæ tu-  
tela gloriantem, suo fauore prosequatur, vi-  
duæque afflictæ fortunis beneuole adspiret.  
Sic Deus Nobiliss. & Generosam Dom. V.<sup>ram</sup>  
illustret omnibus bonis, eamque R.<sup>mo</sup> & Ill.<sup>mo</sup>  
Principi ac Domino meo Clementissimo, D.  
Ioanni Suicardo Archiepiscopo Mogunti-  
no Principi Electori ac per Germaniam Ar-  
chican-

DEDICATORIA

chicancellario &c. patruo suo optatissimo  
saluo florentique redhibeat saluum simili-  
ter florentem ac incolumem. Moguntiaë è  
typographeio Viduæ Albinianæ, honori No-  
bilissimæ ac Generosæ Dom. Vestræ perpe-  
tuum dicato. Anno 1621. 28. Martij.



## P R Æ F A T I O.

**D**iligenter legenti mihi quaestiones illas, in quibus ea quæ ad Mechanicam facultatem pertinent, explicantur, multa in mentem veniebant; & primum quidem eorum, quæ ibi disputantur, utilitatem, subtilitatem, copiam admirabar: Tum ex animo dolebam, aureum hunc libellum propè negligi, & ab iis qui pulcherrimis hisce studiis dant operam, assidue præ manibus non haberi: Multas autem Auctori ipsi habendas referendasq; esse gratias, qui tam egregiam, utilem & probe instructam supellectilem Architectis, Mechanicis, & omnibus ferè Artificibus suppeditauerit. Aristotelis nomini ascribitur Commentarius, licet nonnulli, sitne Philosophi illius præclarissimi & acutissimi labor, an non, adfirmare subdubitaerint. Aristotelis tamen esse omnes ferè meliores consentiunt: Idque tum ex phrasi, & explicatione, quæ Aristotelem sciunt, tum iudicio subtilitatis & rationum, quibus

## P R Æ F A T I O.

*bus quaestiones ipsa ingeniosissimè diluuntur. Videtur autem mihi, rem accuratius exploranti, satis verisimile ( nullum enim habeo opinionis huius assertorem ) sectionem esse hanc, & partem quandam eius operis nobilissimi, quod idem auctor De Problematibus edidit, & hanc, nescio quam ob causam; nisi fortè quod tractatio merè Physica non sit, à reliquo corpore distractam atque reuulsam. Id certè quod ad rem facit, probè nouimus, Diogenem Laërtium inter cetera Aristotelici ingenij monumenta Mechanica quoque adnumerasse. Quibus consideratis magnopere subit mirari, cur ij qui post Aristotelem floruerè atq; vixere, Mechanici, Archimedes, Athenæus, Heron, Pappus, & ceteri, nullam huius libelli fecerint commemorationem: & sanè debuerunt; neq; enim à vero est dissimile, ipsos per hunc aliquatenus profecisse. Verum enimvero cum ingenui illi fuerint homines, & nullatenus obrectatores, credendum potius est, Commentariolum istud, eorum auo, paucis cognitum, alicubi in Bibliothecis latuisse: etenim cetera quoq; Aristotelis scripta, post vetusta illa tempora, ante Alexandrum Aphrodisiensem, à multis fuisse igno-  
rata*

## P R Æ F A T I O

*rata non dubitamus. Habemus siquidem, Strabone teste, lib. 13. Aristotelis, & Theophrasti bibliothecam, post ipsius Theophrasti decessum, ad Neleum quendam Scepsium, Corisci filium, qui eius fuerat auditor, peruenisse; post hæc libros, blattis olim, & humore corruptos, Apelliconi Teio venditos, & ab eo Athenas translatos, tum Athenis captis in Sylla potestatem devenisse, eosque tandem à Sylla acceptos, Tyrannionem Grammaticum, ut potuit melius emendatos, promulgasse. Ex quibus colligimus, mirum non esse, Archimedi, Heroni, & alyis qui ante Syllam vixere, fuisse incognitos. quicquid sit, illud certum est, Aristotelem eorum omnium qui de Mechanicis commentaria edidere, esse longè vetustissimum. Pappus enim Herone iunior, Athenæus Archimedi equalis, uterque enim sub Marcello, cui Athenæus suum de bellicis Machinis libellū dedicavit. Archimedes verò circa CXL. Olympiadem floruit, quamobrem post Aristotelem Olympiadas XL. hoc est, annos ferè CLX. Istæ autem considerantibus facile est cognoscere facultatis huius nobilitatem, atque dignitatem; quippe quod summus Philosophus non modo eam  
 pro-*



probauerit, sed etiam suis acutissimis lucubrationibus illustrauerit. Hanc porro tractationem subiecto quidem Physicam esse, demonstrationibus verò Geometricam, ipsemet nos docuit Aristoteles, cuius etiam naturæ sunt Perspectiua, Specularia, Musica, & cetera eiusdem modifacultates, quas quidem subalternas Peripatetici appellant. Vitruuius Architecturæ membrum, ut ita dicam, & portionem quandam facit, ait enim Architecturæ partes esse tres, Ædificationem, Gnomonicam, Machinationem. Est autem Architecturâ quidem inferior, paret enim Architecto Mechanicus; attamen si ceteras artes spectes, Architectonica; hac enim omnes ferè sedentaria, sellulariæue, quas banau-sas Græci appellant, ordine subiiciuntur, & sanè latissimos isthac habet fines; præcipuè autem circa eam versatur cognitionem, eamque inter ceteras ferè principem, quam dixere Centrobaricam, quæ quidem ad Centri grauitatem, eiusque speculationem pertinet: qua in specie inter veteres primum sibi vindicauit locum Archimedes, mox Heron, deinde Pappus; inter neotericos au-

):( ):( tem

## P R Æ F A T I O


tem Commandinus, qui librum de Centro gravitatis solidorum scripsit, & post eum G. Vbal-  
 dus à Marchion. Montis, qui non modò ab-  
 solutissimum Mechanicorum librum cum maxi-  
 ma ingenij sui laude conscripsit, sed & Paraphra-  
 sin in librum Æqueponderantium Archimedis  
 egregiè concinnauit Centrobaricam hanc, igno-  
 tam fuisse Aristoteli, satis patet. nunquam enim  
 in Mechanicis demonstrationibus, quod tamen  
 est potissimum, gravitatis centrum nominat, e-  
 iusque naturam atque vim speculatur. Diuidi-  
 tur autem Mechanice tota, teste Herone apud  
 Pappum libro octavo, in Rationalem, hoc est,  
 Theoricam & Chirurgicam, id est, manu ope-  
 ratricem, quam Praxim aptè dicere valemus.  
 Rationalis, speculationi & demonstrationibus, ex  
 Geometricis, Arithmeticis & Physicis rationi-  
 bus, dat operam; Chirurgica vero materiam  
 tractat, & sese in varias artes diffundit, Æra-  
 riam, Lignariam, Sculptoriam, Pictoriam, Æ-  
 dificatoriam, Machinariam & Thaumaturgi-  
 cam, ceterasque eiusmodi. Machinatorie au-  
 tem sunt partes Manganaria, qua ingentia  
 trans-

transferuntur pondera, tum ipsa Poliorcetica,  
 quæ bellicas Machinas ad urbium expugnatio-  
 nes, quod vel ipso nomine profitetur, adificat. At-  
 qui hac de re plura scribere supersedemus, ne a-  
 ctum agamus: quisquis enim minutè magis hac  
 cognoscere desiderat, is Pappum adeat libro cita-  
 to, & Guidum Vbaldum in Prefatione quam  
 suo Mechanicorum Operi preposuit. Ut autem  
 ad Aristotelis, de quo egimus, libellum reuertamur,  
 pauci sunt qui ei ante nos stilum & operam  
 commodauerint: Leoniceus Latinum fecit &  
 figuris tum breuissimis, & parui sane ponderis,  
 marginalibus adnotatiunculis, instruxit. Post  
 hunc Alexander Picolomineus luculentissima  
 Paraphrasi illustrauit. Nôdo, ut audio, Simon  
 Sticinus Hollandensis quadam edidit, quæ ad  
 nos minime peruenere. Nos demum, omnium,  
 tum scientia, & ingenio, tum atate, postremi huic  
 operi manum admouimus; Considerantes enim  
 Aristotelem alijs principijs usum, ac probatissi-  
 mi post eum fecerint Mechanici, demonstrassè,  
 morem huiusce facultatis studiosis gesturos nos  
 fore arbitrati sumus, si easdem illas quæstiones

*Mechanicis, hoc est, Archimedeis probationibus confirmaremus; dum per latissimos facultatis huius campos vagantes, alias quoque istis affines dubitationes introducentes solueremus. quicquid autē fecerimus profecerimusue, Lector optime, boni consule, & quia fax per manus traditur, tu interim de me accipe, ut alijs tradas.*

DE VITA ET SCRIP-  
TIS BERNARDINI  
BALDI VRBINATIS

EX LITERIS FABRITII SCHAR-  
loncini ad Illustrissimum & Reuerendissimum  
Dominum Lalem Ruinum Episcopum Bal-  
neoregiensem ex-Nuntium Apostolicum  
ad Polonia Regem &c.

atus est Bern. Baldus Urbini nobilibus pa-  
rētibus postridie Non. Iunij anno MDLIII.  
Genus traxit, quod me sæpè ab eo memini  
audire, à familia Cantagallina, quæ inter  
Perusinas illustris: hoc autem cognomen,  
Baldi accepto, ut in varietate temporum fit,  
Abauus reliquit, à teneris vnguiculis pietatē erga Deum  
præfetulit; nam ut mater eius narrabat, sanctorum imagi-  
nes & Altariola non cum lætitia solum, sed cum venera-  
tione anniculus intuebatur. Præceptoribus in adolescen-  
tia vsus fuit laudatissimis Io. And. Palatio, & Io. Antonio  
Turoneo, qui altero doctior, & Paulo Manutio maxime  
carus ob latinæ & græcæ linguæ peritiā propè singula-  
rem: ad illorum autem sedulitatē tantum animi ardo-  
rem attulit, tantam ingenij ac iudicij vim, ut non tantum  
æqualis sed omnium vicerit expectationem. Puer adhuc  
Arati apparitiones Italico carmine reddidit. Parens hac  
filij laude & gloria motus anno 1573. eum ad maiorem in-  
genij cultum capeffendum Patauium misit. Hic in Ema-  
nuelis Margunij familiaritatem statim venit, cui porro  
( ) ( ) 3 fuit

fuit in amoribus. Homeri Iliad. illo Doctore & interprete diligentius quam fecisset antea, euoluit. priuato autem studio Anacreonti, Pindaro, Æschyli, Euripidi, Sophocli operam dedit, sed præ cæteris Theocriti Bucolica triuit, ad quod scriptionis genus natura magis ferri videbatur: centenos græci alicuius poëtæ versus memoriter tenebat, sæpeque habebat in ore, in oratoribus græcis versandis laborem se aliquem sentire, in poëtis nullum. Scripsit Patruij libellum de Tormentis Bellicis, & eorum inuentoribus, & cum in Transalpinorum amicitias incidisset, sibi ducebat dedecori ipsos sua lingua loquentes non intelligere. quare incredibili celeritate Gallicam & Germanicam didicit. Pestilentia ex eo Gymnasio exactus in Patriam redijt, vbi quinquennium integrum Federico Commandino affixus omnes Matheseos partes perdidicit, cui viro in delineandis figuris ad Euclidis, Pappi, & Heronis monumenta manum commodauit: ex eiusdem obitu dolorem vix consolabilem sustinuit, susceptoque eius vitam scribendi consilio, subinde ad omnium Mathematicorum vitas conscribendas animum adplicuit, quod & duodecim annorum spatio præstitit felicissimè. cum vero Mathematicarum disciplinarum amore torqueretur, amisso Commandino Præceptore, amicum nactus fuit præstantissimum & symmystam Guidum Vbaldum è Marchionibus Montis, in cuius se consuetudinem daret: quantum profecisset, ostendunt ij commentarij quos anno 1582. in Arist. Mechanica scripsit. Vt postea à grauioribus studijs ad amœniora animum abduceret, de re nautica poëma Italicè confecit. quo absoluto Paradoxa multa Mathematica explicauit. Fama de Baldi virtutibus dissipata Ferrandus Gonzaga Molfettæ Princeps & Guastallæ Dominus cœpit de illo in suam familiam aliscendo cogitare, vt qui ijsdem caperetur artibus, quibus excellere Baldus incipiebat:

piebat: Itaque opera Curtij Arditij honorifice fuit in aulam euocatus, dum vitam non aulicam viueret totus in litteras abditus precibus Vespasiani Gonzagæ Sabloneræ Ducis ad explanandos Vitruuij libros adactus fuit. quare tunc natus de Verborū Vitruuiianorum significatione commentarius; in quo minime mirandum si minuta quædam prosequutus fuit, quæ viro magno minus esse digna videantur: illi enim Principi morem gessit. scio dixisse aliquando Adrianum Romanum è Polonia reuersum, vbi Vitruuium Palatino cuidam explicauerat, si commentarium Baldi in Polonia adhibere potuisses, aurum quod mecum attuli emunxissem, quia satisfecissem muneri labore nullo. Cum Ferrando herō suo obuenuisset necessitas Hispanias adeundi, illud iter sine Baldo facere se posse non putabat, non tam vt haberet, qui erudito eloquio viæ tædium leuaret, quam cui posset arcana committere, atque adeo à quo iuuaretur consilio. Vix viæ se dederant cum Baldus grauem in morbum delapsus itinere cogitur desistere: Mediolanum proinde diuertit, vbi à S. Carolo Borromæo & benignè exceptus, & tamdiu detentus donec valetudinem recuperaret. Guastallam postea se recepit, vbi cum absente Domino liberiori otio frueretur, libros sex de Aula eruditissimos methodo analytica conscripsit. alios non commemoro, quod cum otium erit, omnium syllabum dabo. Anno 1586. ipso nihil postulante eligitur Guastallæ Abbas, à quo tempore luri Can. Concilij, & SS. Patribus totum se dedit. Hebrææ & Chaldææ linguarum discendarum triennium posuit. Anno 1593. nouæ Gnomonices libros quinque composuit. insequenti Chaldæam Onkeli paraphrasin in Pentateuchum vertit & commentarios adiunxit; quo exantlato labore in Iob ex Heb. fonte paraphrasin texuit, quam & scholijs illustrauit. Tabulam Etruscam Eugubinam interpretatus fuit:



fuit: in ea autem diuinatione, vt aiebat, subcisiuas vnus mensis horas consumpsit. De Firmamento & aquis egregie scripsit. Oeconomiam Tropologicam in S. Matthæum Card. Baronius, qui non alia Baldi vidit, vehementer probabat. Romæ dum viueret, fere nesciuit quid gereretur in Aulis: Arabicæ enim linguæ cum Io. Baptista Raimondo diligentissime studuit, & arcana industria Slauonicæ, quam perfecte callebat. Ex Arabico vertit Hortum Geographicum Anonymi, quem ante sexcentos annos floruisse arbitrabatur. Hunc vero extrussisset, vt alios Baldi libros, Marcus Velserus Ilvir Aug. si eo paulo longior huius lucis vsura contigisset. Composuit & Dictionarium Arabicum. atque cum beatissimam illam vbertatem ingenij assidue diffundi necesse esset, anno 1603. orbem vniuersum describere aggressus fuit; atque ita quidem, vt tam quæ ad Historiam, quam quæ ad Geographiam pertinerent complecteretur: Neque illustrare solum voluit quæ nouerunt antiqui, quemadmodum visum Ortelio, sed vel oppidula omnia & pagos, de quibus aliqua in postremis scriptoribus mentio. & profecto totum opus ad vmbilicum perduxit: non digessit tamen vniuersum. quatuor aut ni fallor quinque tantum Tomi fuerunt ordine Alphabetico dispositi: superessent septem aut octo disponendi, quantum ex chartarum & fasciculorum mole conijcere licet. Anno 1617. quarto Idus Octob. posteaquam dies 40. vehementi destillatione vexatus fuisset, spiritum Deo reddidit Sacramentis Ecclesiæ omnibus rite munitus. Statura procerus fuit, facie oblonga & acribus oculis, colore subfusco. Membrorum ei fuit decens habitudo, & compactum corpus. Diebus festis omnibus sacrum faciebat, ieiunabat bis in hebdomada, eleemosynisque pauperes subleuabat. Instudijs sic assiduus fuit, vt sæpe & legeret & comederet. S. Augustini libros de Ciuitate Dei ter inter



ter prandium euersit. Statim à noctis meridie dum ei vires firmiores essent ad lucubrandum surgebat. à prandio Euclidem Arabicè editum, vel libellum aliquem germanicum aut gallicum in manus sumebat. Suauitate morum & modestia, etiam si ceteræ dotes abfuissent, quemlibet ad amorem sui allicere potuisset. Sermo modicus ei fuit, itemque cultus. Nullos vnquam honores petijt, qui à Clem. 8. amplissimi promissi fuerant; nullum emolumentum quæsiuit suo centu contentus. facile parcendum esse dicebat, ijs maxime qui in re leui impegissent, quoniam si quos censemus optimos, nudos conspiceremus, nullum eorum non iudicarem multis dignum verberibus. Bibliothecam habuit non locupletem, sed selectis instructâ codicibus. Verum ire per singula longum esset. Satis mihi de incomparabili Baldi doctrina, & summa innocentia, ô rarum connubium, pauca dixisse, quæ forsitan ad imitandum nimis multa.

## SYLLABVS LIBRORVM omnium B. Abb. Baldi.

**A** Rati apparitiones è gr. in Ital. vertit.  
De Tormētis Bellicis & eorum Inuentoribus lib.  
Heronis automata vertit.  
Vitas omnium Mathematicorum scripsit, & trib. in Tom.  
2. 1. P.<sup>o</sup>. à Thalete ad Christum. 2. à Christo ad sua tempora.  
Earumdem vitarum Epitomen Chronologicum confecit.  
In Aristot. Mechan. Commentar.  
De Re nautica Poëmaton.  
Paradoxorum Mathematicorum liber.  
Descriptio Palatij Ducum Vrbinarum quod est Urbini.  
Poema cui titulus, Lamus.

S C R I P T A

Carmina pia, quæ inscribuntur, Anni Corona.

De Verborum Vitruvianorum significatione.

Carmina varia & eclogæ mixtæ.

Apologi centum, quos scripsit æmulatus Leonem Bapt.  
Albertum.

De Humanitate Dialogus qui inscribitur Gofelinus.

Comparatio Vitæ Monasticæ cum seculari,

De Aula libri sex.

De felicitate Principis Dialogus.

De Dignitate Dial.

Carmina Romana.

Musæi fabulam vertit.

De Italici carminis natura Dial. qui inscribitur Tassus.

De vniuersali Diluuiio poemation.

Nouæ Gnomonices lib. quinque.

Hieremix Threnos vertit, & ex Heb. fonte annotat. ad-  
iecit.

Poemation inscriptum, Deiphobe, quod scripsit æmula-  
rus Lycophonem in Cassandra.

Scala cœlestis. i. Sermones pij & carmina.

Onkeli paraphrasin Chaldaeam in Pentateuchum ver-  
tit & vberes commentarios adiecit.

In Iob Paraphrasis latina ex fonte Heb. additis Scholijs.

De scamillis imparibus Vitruuij.

De firmamento & aquis.

Quincti Calabri Paralipomena vertit.

Tabulæ Etruscæ Eugubinæ Interpretatio.

Oeconomia Tropologica in S. Matthæum.

Urbini encomium.

Horti geographici ex Arab. versio.

Aduersus Aulam Carmina.

Luciani de miserijs Aulicorum versio.

Oratio ad Romæ conseruatores pro antiquitatum eius-  
Vrbis custodia.

Vni-

A V T H O R I S.

Vniuersi orbis geographica & Historica descriptio contexta ex septingentis & eo amplius scriptoribus.

Federici Urbini Ducis Vita.

Guidi Vbaldi Urbini Ducis Vita.

Epigrammaton & Odarum libri tres.

Aliorum Carminum liber.

Sententiarum moralium liber.

Diſtionarium Arabicum.

Pro Procopio contra Flauium Blondum.

Horographium vniuersale.

Epigrammata alia.

Heronis lib. de Ballistis conuersio.

Exercitationes in Aristotelis Mechan.

Templi Ezechielis noua descriptio.

Antiquitatum Guastallensium liber.

Historiz scribendæ leges.

Et alia quædam.





IN MECHANICA ARISTOTE-  
LIS PROBLEMATA  
EXERCITATIONES.

*Mechanices descriptio, natura, finis.*

**M**ECHANICE, facultas quædam est, quæ naturali materiâ, Geometricisq; demonstrationibus vfa, ex centrobaricâ, & eorû quæ ad vectem & libram rediguntur, speculatione humanæ consulens necessitati, commoditatique, suapte vi, Naturam ipsam vel secundans, vel superans, varia, eaquæ mirabilia operatur. Hac diffinitione descriptioneue breuiter ea ferre omnia complexi sumus, quæ fusissimè ab Aristotele, Pappo, Guido Vbaldo, & alijs hac de re tradita fuere.

*Mechanices Obiectum.*

Considerat autem Mechanicus Graue & Leue.

Graue duplex, Naturâ, Violentiâ.

Graue Naturâ dicitur, quod insita propensione in centrum mundi fertur. Graue autem Violentiâ, quod impulso extrinsecus pondere ab impellente pellitur.

Leue contrâ, quod Naturâ à centro fertur.

Cæterum quicquid graue est, secundum punctum est, quod Grauitatis centrum dicitur, & hoc duplex, vt duplex est grauitas, Naturæ, Violentiæ.

Gravitatis centrum in triplici magnitudine considerari potest, lineari, planâ, solidâ.

De centro gravitatis linearum nemo scripsit, simplicissimi enim illud est contemplationis.

De centro gravitatis linearum egregiè tractavit Archimedes in libro *Æqueponderantium*, & de quadratura Parabolæ, tum in eo quem de his quæ vehuntur inscripsit.

De centro gravitatis solidorum ipsemet olim scripserat Archimedes, sed ea quæ protulit, temporis iniuriâ deperdita, suâ diligentia restituit Iedericus Commandinus,

Esse autem & Levitatis centrum in rerum natura, palam est. Punctum enim illud est, secundum quod levia rectâ à centro sursum feruntur. Huius autem non meminere Mechanici, propterea quod aut nihil, aut parum ad eorum rem faciat.


Porro Gravitatis centrum ita definit Heron, & qui ab Herone Pappus 1. 8. *Collectionum Mathematicarum*.

Centrum gravitatis uniuscuiusque corporis est punctum quoddam intra positum, à quo si graue, mente appensum concipiatur, dum fertur, quiescit, & seruat eam quam in principio habuit positionem; neque in ipsa latitudo circumuertitur. Commandinus verò in lib. de centro gravitatis solidorum hoc pacto: Centrum gravitatis uniuscuiusque solidæ figuræ, est punctum illud intra positum, circa quod vndique partes æqualium momentorum adsistunt. Si enim per tale centrum ducatur planum, figuram quomodolibet secans, in partes æquè ponderantes eam diuidit. Nos verò quàm breuissimè dicimus: Centrum gravitatis, uniuscuiusque magnitudinis punctum esse intra extraue magnitudinem positum, per quod si plano linea punctoque diuidatur, in partes secatur æqueponderantes.

Dixi



rá, Violentiâ: affirmamus modò, hæc re quidem vnum esse, & ratione solum, non autem re ipsa ac si duo essent considerari.



Esto enim gravitatis naturalis centrum B, corporis A, secundum quod dimissum, suapte naturâ cadet in C, si verò corpus violenter impellatur in D, aliud acquireret centrum gravitatis ex violentia secundum quam fertur, motum, in D, idē autem sunt re, nempe vnum B,

duo autem si violentia & natura seorsum considerentur.

Hæc centra, duo motus sequuntur, rectus uterque, Naturalis videlicet, & Violentus. Tertius ex his mixtus, & is quidem non rectus, sed curvus.



Proijciatur enim violentè corpus graue A superante igitur violentia, rectâ feretur in B, ea autem elanguescente paulatim per curvam & mixtam lineâ secetur in C, quatenus enim ad anteriora fertur, violentia est: quatenus vero

ad inferiores partes, naturæ. Vbi verò peruenit in C, violentiâ cessante, naturâ verò manente, rectâ deorsum fertur D C D.


Cæterùm hæc centra, hiq̃ue motus, naturalis nempe, & violentus diuersimode se habent adinuicem. Si enim graue corpus externâ vi adhibita, centrum mundi vertus impellatur, adiuvabunt se inuicem Natura, Violentia. Si autem contra, altera alteri resistet, in motibus  
autem



autem ad latus, eo magis pugnabunt, quo magis ab inferioribus ad superiora fiet motus.

*Mechanices precipua instrumenta.*

His ita constitutis dicimus, instrumenta, quibus ad varias operationes Mechanici utuntur, esse inter se quidem diuersa, multiplicia, & si varietatem spectes, penè innumerabilia; quod quàmuis verum sit, ea omnia Aristoteles ad vectem reducit, & libram: quod etiam G. Vbaldus in libris Mechanicorum fecit. Cæterum qui post Aristotelem floruerunt Mechanici, omnia ad quinque, quas appellant, Potentias, redege're. Sunt autem ex Herone, Pappe, Guido Vbaldo, qui eos secutus est, Vectis, Trochlea, Axis in Peritrochio, Cuneus, Cochlea. Videtur autem ipse G. Vbaldus sextam addere, nempe Libram, de qua & primus ipse Mechanicorum tractatum instituit. Verum enimvero idem ferè sunt Vectis & Libra, nisi forte quod Libra tunc dicitur, cum brachia sunt æqualia. Vectis vero quomodocunque ea se habeant; quinque harum Potentiarum imagines ita ob oculos ponimus. Vectis A. Trochlea B, Axis in Peritrochio C. Cuneus D. Cochlea vero E.



Porro, Cuneum ad libram reducere conatur Aristoteles, quod facit & G. Vbaldus, qui eò refert & Cochleam, quippe quod nihil aliud sit Cochlea, quàm Cuneus Cylindro inuolutus. Nos autem duas tantùm Potentias ad vestem reduci, posse arbitramur, Trochleam nempe, & Axem in Peritrochio. Nequaquam autem Cuneum & Cochleam. quod latius quidem ostendemus, cùm de Cuneo erit nobis sermo peculiaris.

*De Veste & Libra secundum Aristotelem.*

Aristoteles in ipso Mechanicorum ingressu ita scribit, Mirum videri ab exigua virtute magnum pondus moveri,

ueri, addito nimirum ponderi ponderè, siquidem & vectis est pondus. Duplex ergo illi admiratio, scilicet quòd exigua potentia moueat ingens pondus, id què etiam addito vectis ipsius pondere, fiat. Hoc secundum adieciſſe videtur, amplificationis alicuius gratiâ. Etenim quatenus ad rem pertinet, si mouendis ponderibus vectis ipsius pondus compares, nullius ferè eſſe momenti proculdubio affirmaueris. Sed & illud quoque notandum, aliquando vectis pondus mouenti auxilium ferre, quod fit vbi fulcimento inter potentiam mouentem, & pondus ipsum collocato, vectis pars quæ à fulcimento ad potentiam eſt, premitur. Tunc enim, vt dicebamus, vectis pondere ſuo potentiam adiuuat. Contra verò accidit, cum pondus ipsum inter fulcimentum eſt & potentiam vel potentia ipsa inter fulcimentum & pondus. tunc enim vectis vnâ cum pondere attollitur, quæ licet vera ſint, non tamen inde ſequitur, vectis pondus, quicquam quod curandum ſit, in operatione efficere, aut impedire.


Porro vectem ita finire poſſumus, longitudinem eſſe quandam inflexibilem, quæ fulcimento dato, datâ potentia datum pondus mouetur.

Ipsa quoque Libra, vt diximus, vectis eſt: eius autem naturæ, vt ſemper fulcimentum medium obtineat locum inter pondus & pondus. Statera autem merus eſt vectis, ſi ſparſum pro fulcimento; appendiculum verò currens pro potentia mouente deputaueris.

### *De Circulo eiusque natura Aristotelis doctrina examinata.*

Aristoteles, quicquid mirum in Mechanicis operatur, id totum admirabili circuli naturæ eſſe tribuendum arbitratur. Ait autem, absurdum nullatenus eſſe, ſi exremirabili mirandum quippiam oriatur. In circulo autem qua-

quatuor inueniri qualitates admiratione dignas. Primā, quod ex contrarijs constituatur, mouente videlicet & moto. Secundam, quod contraria in eius circumferentia inueniantur, quippe quæ cum vnica linea sit, concaua simul est & conuexa. Terriam, quod contrarijs feratur motionibus, antrosum nimirum, retrorsum, sursum, atque deorsum. Quartam, quod vnica existente semidiametro, nullum in ea punctum sumi possit, æqualis alteri, in latitudine, velocitatis. Sit enim circulus A B, cuius centrum C, semidiameter A C, sumatur autem in ea punctum D, itemque punctum E. Erit itaque in ipsa circulatione D tardius E, ipsum verò E tardius A, & ita citius id feretur semper, quod remotius à mouente termino accipitur.



Hæc ex illo, quibus ne vltro assensum præbeamus non vnica de causa cohibemur. Dicimus igitur, videri nobis, circulum non ex contrarijs constitui, puta ex manente & moto, sed ex moto simpliciter. Nulla est enim semidiametri pars, quæ non moueatur. Punctum autem, quod stat, semidiametri pars nulla est. Et sanè cur moto

semidiametro fiat circulus, non ideo accidit, quod alterum extremum stet, alterum verò moueatur: sed ideo quod semidiameter perpetuò eandem seruet longitudinem. Ellipsis sanè centrum habet, sed ab eo ad circumferentiam, quatuor tantum semidiametri quomodolibet sumpti ducuntur æquales. Si quis igitur semidiametrum daret proportionem crescentem & decrescentem, stante altero extremorum Ellipsis describeretur. Præterea & spiralis linea, quæ mixta est, altero semidiametri extremo manente, altero vero moto producitur. Legem itaque circulo præ-

præscribit, non quidem quòd hæc extremitas ster, illa vero moueatur, sed quod sua circulatione semper semidiameter eandem seruet longitudinem, quod vel ex ipsa circuli definitione colligitur.

Ad secundum miraculum, scilicet, quòd in circulo circumferentia, quæ vacua linea est, concaua simul sit, & conuexa. Diceret quispiam id, si modò mirabile est non circulari tantum, sed cuilibet curvæ lineæ primo competere, etenim & Ellipsis & Hyperbole, & Parabole, & spiræ, tum Cyllois, Conchois, & infinitæ aliz irregulares concauæ simul sunt & conuexæ. Sed & hæc in superficiebus quoque desiderantur.

Ad tertium, quod contrariis feratur lationibus, antrosum, retrorsum, sursum & deorsum. Dicimus, facile solui. Nullus enim, re bene perspectâ, affirmauerit circulum contrariis lationibus moueri.



Est enim circulus A B C D, circa centrum E; ponamus rotari, & A versus B, exempli gratiâ, antrosum, mouebitur autè & B versus C, & C versus D, tum D versus A. Non puto quenquâ dicturum, circulum hunc antrosum eodem tempore, & retrorsum ferri nec sursum aut de-

orsum, si enim quispiam per eius circuli circumferentiam ambularet, is certè centrum ipsum semper ad dexteram haberet, vel ad sinistram, si ad dexteram, antrosum ibit, si ad sinistram, retrorsum. Sed nec sursum vel deorsum, est manifestum. Nihil autem prohibet eundem motum vario respectu contrarium dici posse, id tamen profectò fieri nequaquam potest, nempe A moueri versus B, hoc est,

B


antro-

antrosum, & eandem eodem tempore versus B, id est, retrorsum; repugnat enim naturæ.

De quarto circuli miraculo, ibi erit nobis sermo, ubi ea perpenderimus primò, quæ Philosophus de Circuli productione differens in medium profert. Sunt autem eiusmodi:

Circulum quidem duplici notione produci, Naturali videlicet altera, & altera quæ est præter naturam; & ideo circularem lineam in ter mixtas computari.

Motus mixtus ait, vel proportionem seruata sit, aut non; Si proportionem seruata, rectam lineam; ea verò non seruata, circularem lineam produci,



Esto enim rectangulum  $ABCD$ , cuius latera in datâ sint proportionem,  $AD$  cum  $AB$ . Moueatur  $A$ , duplici motu, Altero quidem tendens in  $B$ , altero verò ad motum lineæ  $AB$ , feratur versus  $D$ , seruata inte-

rim laterum proportionem. Itaque ponatur ex motu ab  $A$  versus  $B$ , peruenisse in  $E$ , ex motu autem quo proportionaliter fertur cum lineâ  $AB$ , facta ipsa  $AB$ , in  $F$ , peruenisse in  $G$ , &  $E$   $G$  connectatur. Erit igitur Parallelogrammum  $AEGF$ , Parallelogrammo  $ABCD$  proportionale simile, & circa eandem diametrum  $AGC$ . Semper igitur punctum  $A$  si duabus lationibus feratur, laterum proportionem seruata, lineam producet rectam, diametrum nempe  $AGC$ . Et hoc sanè nullam habet dubitationem, exijs quæ docet Euclides 1. 6. prop. 24.

His ita demonstratis hac uti videtur Philosophus argu-

argumentatione : Si mixtus motus proportionē semotā, rectam producit, si nunquam semota, efficiet circulum; si enim modo seruetur, modo non, partim recta partim non recta produceretur. Ingeniosa quidem argumentatio, ni vitium contineret. non enim mixtus motus, qui nunquam seruata proportionē fit, semper circulum producit, sed & Ellipsis potest, & quamlibet aliam lineam, cuius nulla pars sit recta. Hanc difficultatem vidit Pico-  
lomineus in sua Paraphrasi, & eam soluere conatus est, sed quā bene, aliorum esto iudicium. Ceterū falsum est, asserere circulum ex mixto motu nunquam seruata proportionē produci. seruat enim assidue mixtus motus quo producitur (si eū mixto motu producere velimus) aliquam proportionem, sed non eandem.

Est enim recta AB, cui ad rectos angulos AC. Moueatur autem A, versus C per lineam AC, & eodem tempore lineam AC, versus B, ita tamen, vt semper ipsi AB, sit perpendicularis. feratur autem ea lege, vt quam proportionem habet motus lineæ AC versus B, ad motum puncti A versus C, eandem habeat ipse motus ab A versus C, ad residuum lineæ AB, demptā nempe ea parte quam peragrauit lineam AC mota versus B. Sit autem, cum AC suo motu peruenerit



in D, punctum A, similiter suo motu per eam latum peruenisse in E. erit ergo ex mixto motu, non quidem in D, nec in E, sed in F, eritque punctum F in circumferentia circuli, cuius est diameter ipsa linea AB, quod quidem demonstratur ex conuersa propos. 13. lib. 6. Elem. Est enim AE hoc est DF media proportionalis inter EF, hoc est, AD, & DB. Iterum si fiat motus AC in GH, ad motum H per







ri circulo, & rursus ab eodem L ipsi AB, parallela ducatur LS, Ab S verò eidem perpendicularis ST, & ab F item FX. Sunt ergo qL, ST, quidem æquales, nempe illæ, per quas, secundum naturam, mouentur puncta BM Motu verò retractionis ad centrum, hoc est, præter naturam, plus motum est M quàm B. Maior enim est Mq, ipsa BT, quod, ceu notum, supposuit Aristoteles. nos autem inf à demonstrabimus. Si igitur fiat vt motus præter naturam ad motum præter naturam, ita motus secundum naturam, ad motum secundum naturam, punctum B; cum M fuerit in L, non erit in S, sed in F. tunc enim, vt est FX motus secundum naturam ad XB, præter naturam, ita est qL secundum naturam ad qM præter naturam; sed BF maior est ML, ergo proportionē seruata, velocius mouetur B quàm M circa idem centrum A. Hæc autem summa est eorum quæ præfert Aristoteles. Cæterum nos parallelogrammum, quod in figura eius habetur prætermisimus, quippe quod nihil ad eam quæ assertur, demonstrationem faciat.

Modò quod pollicebamur, nempe minorem esse BT, quàm qM, ita demonstramus. quoniã ST, ex prop. 13. l. 6. media proportionalis est inter BT & TE, erit quadratum TS æquale parallelogrammo seu rectangulo BT, TE, item, quoniam qL media proportionalis est inter Mq, & qO. erit quadratum qL æquale rectangulo Mq, qO, æqualia ergo sunt rectangula BTE, MqO, itaque reciprocalatera habent proportionalia. quare, vt TE, ad qO, ita Mq ad TB, sed TE maior est ipsa qO, quippe quod pars sit qO ipsius TE, maior ergo & Mq ipsa TB, quod ostendendum fuerat.

Cæterum subtilia & ingeniosa isthæc esse non negamus, & longè faciliiori & explicatori modo veritas hæc demonstrari potest, reiectis nempe illis, secundum, & præ-

ter naturam motibus, qui quidē in simplici circulo neceſſario non cadunt: caderent autem fortasse, ſi de circulo res eſſet à pōderibus circumlatis ex ſtabili centro deſcripto; qua de re agit G. Vbaldus in Mechanicis tractatu de libra. tunc enim dici poteſt, pondus quod aliàs rectā ad mundi centrum tenderet, à circuli centro in circulatione retrahi, ſed hæc ad circuli naturam, quatenus circulus eſt, nequaquam ſpectant.



Esto igitur circumferentia AFBH, cuius centrum C, diameter ACB, ſemidiameter AC. ſumatur in AC punctum quodlibet, D, & centro G, ſpatio CD, circumferentia deſcribatur DGEI. Dico punctum A velocius moueri puncto D eādē circulatione rotato. etenim vt

diameter ad diametrum, & ſemidiameter ad ſemidiametrum, ita circumferentia ad circumferentiam: igitur vt AC ad CD, ita circumferentia AFHB ad circumferentiam DGEI. At mora linea GA circa centrum C mouetur ſimul & CD, eodē igitur tempore rotationem complent puncta A D, maius ergo ſpatium eodē tempore metitur A, ipſa D, quare velocior. Ita igitur ſe habet velocitas ad velocitatem, vt circumferentia ad circumferentiam, & diameter ad diametrum, quare id quod mouetur in puncto à centro remotiori, velocius illo mouetur quod ab eo diſtat minus, quod fuerat demonſtrandum.

# QVÆSTIONES MECHANICÆ.

## QVÆSTIO I.

*Cur maiores libra exactiores sint minoribus?*

**P**Rioribus, cū fundamentis quibusdam iactis, opportunè ad quæstiones proponendas, easque diluendas se confert Aristoteles. Porro in proposita quæstione videtur prima fronte causam quæri de re quæ non est: etenim quis affirmauerit vnquam, lances quibus Apothecarij & Macellarij vtuntur, magnas eas quidem, illis exactiores esse quibus Gemmarij, atque Argentarij siliquis, & scrupulis minutissima appendunt, quæ tamen per exiguæ sunt, & si illis comparentur minimæ? Veruntamen, ita prorsus res habet, vt asserit Aristoteles. Non enim propterea quòd illæ magnæ sint, hæ verò exiguæ, hæ sunt illis exactiores; sed quoniam magnæ, rudes sunt, minores verò exquisita diligentia elaboratæ, & à materiæ pertinacia liberriores. Cæteris ergo paribus, exactiores esse maiores, ex Philosophimènte, ita docebimus.




Esto libra maior AB, cuius fulcimentum C. Minor verò libra DE, circa idem fulcimētum C, vnā cum maiori, imaginatione conuersa. Apponatur quoduis pondus maiori libræ in A,

declinetq; exempli gratiā in F, eritque minor libra in G, in eadem enim linea sunt C G F. Vtraq; igitur ex eodem cen-

centro C portionem circuli describet GD, AF, eritque ACF sector circuli, cuius diameter AB, sed DCG sector circuli, cuius diameter DE. Itaque ut diameter ad diametrum, ita portio ad portionem: maior autem diameter AB diametro DE: maior ergo portio AF, portione DG. quod autem maius est, minus obtutum fallit, exquisitius itaque tractum ex maiori AB quam ex ipsa minori DE cognoscemus, quod fuerat ostendendum.

Ceterum hac eadem de causa, Astronomica instrumenta, puta Astrolabia, Armillæ, & alia eiusmodi, quo ampliora eò exquisitiora, & certiora probantur.



Esto enim Astrolabium magnum, cuius diameter AB, paruum autem CD, circa idem centrum E. Ducatur à centro recta EF tangens maiorem circulum in F, minore vero secans in G, ut igitur GD ad totum circulum GCD, ita FB. ad totum circulum FAB, ut ergò GD ad FB, ita gradus

signati in GD, ad eos qui signantur in BF, maiores ergo sunt qui in FB, & minutarum partium capaciores. Hinc itaque apparet, instrumenta quælibet quò maiora fuerint, eò esse & exquisitiora, quod proposuerat Aristoteles, in hac quæstione de Libra.

Quod autem addit de fraudibus Purpurariorum, inquires, quamobrem machinantur ij qui purpuram vendunt, ut pendendo defraudent, dum ad medium, spartum, non

non ponentes tum plumbum in alterutram libræ partem infundentes, aut ligni quod ad radicem vergebat, in eam quam deferri volunt partem constituentes, aut si nodum habuerit, ligni enim grauior ea est pars, in qua est radix, nodus verò radix quædam est. Hinc quæri posset:

*Vtrum libra quæ ponderibus vacuæ æquilibrant, omni prorsus careant fraude?*

Videri cuiquam posset, libras, quæ ponderibus vacuæ, æquilibrant, omni prorsus fraude carere, verumtamen ita non est, quod diligentius (res enim magni momenti est) disquiremus.

Est enim libra AB, ita diuisa in C, vt AC sit partium 15, CB verò earundem sit 10. apponatur parti A lanx ponderans 10, parti vero B lanx ponderans 15. ex permutata igitur proportione libra suspensa in C, æquè ponderabit; si autem appo-

natur lanci B sacoma vnciarum 6, & in lance A constitutur purpura, quæ ita se habeat ad vncias 6, vt 10 ad 15, iterum æque ponderabit, sed vt 10 ad 15, ita 4 ad 6. Purpurarius ergo fraudulentus, ponens in lance A vncias purpuræ 4, factò æquilibrio petet pretium vnciarum 6, & ita emptorem decipiet, quod sanè innuerat, non autem demonstrauerat Aristoteles. Hæc autem faciliora fient ex ijs, quæ in sequentibus quæstionibus, vbi de vecte agetur, explicabuntur.

Detegitur autem fraus, si alternatim sacoma in ponderando, modo huic, modò illi lanci apponatur. Si enim in lance A constitutur sacoma, in B verò purpura non fit æquilibrium.

C

QVAE-

## QVÆSTIO II.

*Cur, si sursum libra fulcimentum sit, apposito ad alteram partem pondere, descendat libra, & eo amoto, iterum ascendat, & ad æquilibrium reuertatur Si verò deorsum fulcimentum fuerit, depresso ad æquilibrium non reuertatur?*


**B** Imembrem proponit Philosophus quæstionem, quam trimembrem debuit, triplici liquidem loco fulcimentum aptari potest, superiori, medio, inferiori. Nos de omnibus verba faciemus.

Prima Quæstionis pars.

*De Libra sursum fulcimentum habente.*

Aristoteles primam quæstionis partem ita soluit: An quia sursum parte quidem existente, plus libræ extraperpendiculum sit? Spatium enim perpendiculum est: quare necesse est deorsum ferri id quod plus est, donec ascendat qua bifariam libram diuidit ad ipsum perpendiculum, cum onus incumbat ad libræ partem sursum raptam.

Sit libra recta (hoc est, in æquilibrio constituta) B C,




spatium autem A D, fulcimentum autem D, de super: spatio autem deorsum proiecto ad M perpendicularis erit vbi A D M. Si igitur in ipso B ponatur onus, erit B quidem vbi E, C autem vbi H, quamobrem ea quæ bifariam librâ

secat, primo quidem erit D M, ipsius perpendiculi; incumbente auté onere, erit D G. quare libræ ipsius E H, quod  
extra

extra perpendicularum, est  $AM$ , vbi est  $qP$  maius est dimidio. Si igitur amoveatur onus ab  $E$ , necesse est deorsum ferri  $H$ , minus est enim  $E$ : siquidem igitur habuerit spatium sursum, propter hoc ascendit libra.

Pessimè omnes schema hoc lineârunt, ita vt difficilimum sit auctoris inde sensum assequi. Nos autem clarius rem ob oculos ponimus. Id ergo sibi vult Aristoteles, propterea quòd pars iugi  $HDG$  maior est parte  $EDq$ , eam eleuatam necesse est descendere, & iterum à perpendiculari  $ADM$  bifariam diuisam ad æquilibrium reuer-  
ti. Possumus nos idem simpliciori figura demonstrare.



Esto libra  $AB$ , bifariam diuisa in  $C$ , fulcimentū verò sursum vbi  $D$ , producat perpendicularis  $DC$  in  $E$ . Stante igitur libra  $AB$ , in æquilibrium æqualis est pars  $CH$ , ipsi parti  $CB$  apponatur pondus in  $B$ . Declinabit igitur

libra mota circa centrum  $D$ , fiat autem in  $FG$ , secetque perpendicularem in  $I$ . Punctum vero  $C$  eodem motu circa idem centrum  $D$  erit in  $H$ . amoveatur pondus appositum: Dico libram à situ  $FG$  declinaturam & iterum reuersuram in situm pristinum  $ACB$ . quoniam enim parti  $GH$ , quæ æqualis est parti  $HF$ , additur pars  $IH$ , quæ à perpendiculari est vsque ad  $H$ , ipsi verò  $HF$  eadem pars detrahitur, erit  $IF$  minor  $GI$ . Superabitur itaque  $IF$  à  $GI$ , descendetque  $F$ , ascendet verò  $I$ , donec iterum li-



bra in partes æquales, vt antea, diuidatur in C, fiatque æquilibrium.

Hæc Philosophi demonstratio est vera illa quidem, sed non ex Mechanicis principijs, hoc est, ex centri grauitatis speculatione; nos igitur clariùs rem exponemus, his quæ sequuntur consideratis.

Si pondus circa stabile centrum conuertatur, dimissum non stabit, nisi secundum grauitatis centrum fuerit in perpendiculari, quæ per centrum, circa quod conuertitur, ad mundi centrum cadit. Stabit autem in ea perpendiculari in duobus punctis, altero à centro mundi remotissimo; altero verò eidem quantum licuerit proximo.




¶ Est corpus A, cuius grauitatis centrum B, nixum lineæ inflexibili BC, cum qua liberè conuertatur circa centrum C. Ducatur autem per mundi centrum perpendicularis BCD. Sic igitur primò pondus A secundum gracilis B centrum, in perpendiculari ipsa supra centrum C, puta in B. Moueatur & descēdat in E. Post hæc verò in F, hoc est iterum in ipsa perpendiculari infra centrum C. Describet ergo circulum ex centro C, nempe BEF secantem perpendicularē in duobus punctis oppositis BF, dico, pondus liberè dimissum



monstrum in duobus tantum punctis suapte naturâ perman-  
surum,  $BF$ , in  $B$ , primò, quoniam cum corpus ipsum  $A$  à  
perpendiculari, quæ superfici ei loco intelligitur  $ABCD$   
per centrum grauitatis diuidatur, in partes diuiditur æ-  
queponderantes, quare in neutram partem inclinabit.  
Stabit igitur erectum, lineæ ipsi fultum, inflexibili  $BC$ ,  
quæ nititur puncto  $C$ . In  $E$  verò non stabit, quippe quod  
eo situ centrum ipsum grauitatis sit extra perpendicula-  
rem, & ideo extra fulcimentum stabile  $C$ . In  $F$  verò ite-  
rum stabit, pendens à centro  $C$ , propterea quòd & ibi ab  
eadem perpendiculari diuidatur per grauitatis centrum  
in partes æqueponderantes. Est igitur respectu  $B$ , ipsum  
punctum  $C$ , fulcimentum deorsum, respectu verò  $F$ , ful-  
cimentum sursum. At quia linea  $DFCB$ , à centro mundi,  
quod est extra circulum,  $BEF$ , circulum ipsum per cen-  
trum  $C$  secat, erit pars eius  $DF$  quidem breuissima, ipsa  
vero  $DB$  longissima, ex propof. 8. lib. 3. Elem. Pondus igitur  
 $A$  conuersum seu liberè motum circa centrum  $C$ , in  
duobus tantum locis perpendicularis lineæ stabit remo-  
tissimo altero, vt est  $B$ , altero verò eidem quam proximo,  
vt est  $F$ .

Hoc idem egregiè demonstrauit G. Vbald. in suis  
Mechanicis, Tractatu de Libra prop. 1.

Ad hæc autem dubitare quis posset, cur experienciâ  
docente, pondera quæ infra fulcimentum habent, vt lan-  
cea sarissæ ad planum horizontis perpendiculariter e-  
recta, licet eo casu grauitatis centrum in ipsa perpendicu-  
lari constituitur, non stet quidem, sed altrinsecus ca-  
dat?



Sit enim horizontis planum  $AB$ , cui in puncto  $C$  perpendiculariter erecta statuatur sarissa  $DC$ , cuius grauitatis centrum  $E$ , in ipsa perpendiculari. Stabit ergo, ex præmissis, & certè stare debuit, staretque, ni vitium obstarer materię; non stat autem, quia difficillimum est gra-

uitatis centrum, suapte naturâ indiuisibile, ita ad amissim sistere, vt in neutram partem à perpendiculari decliner. Hęc igitur ex ijs speculationibus est, quę ad praxim, materię vitio impediēte, aut vix aut nunquam rediguntur.

Hinc autem ea quęstio soluitur, Cur ij qui sarissam erectam digito summo sustinere conantur, non stent quidem, sed digiti motu, sarissę motum sequantur.

Id certè agit, qui nutantis sarissę digito, motum sequitur; vt in ipso motu digitum assiduè centro grauitatis sarissę supponat, vnde fit vt nunquam extra fulcimentum permanens, nunquam cadat.


Similis huic alia quoque dubitatio soluitur: Nempe, Cur turbines, quibus pueri ludunt, dum quidem rotantur, stent erecti, rotatione vero cessante, cadant.



Esto enim Turbo  $AB$ , cuius grauitatis centrum  $C$ , planum horizontis  $DE$ , linea Horizonti perpendicularis  $ABC$ , transiens per centrum grauitatis  $C$ , sit autem fulcimentum in  $B$ . Itaq; cum centrum grauitatis  $C$  sit in ipsa perpendiculari, stabit ex demonstratis,

stratis, at ex vicio materiæ non stabit. Modò, vt affolet, rapido motu rotetur. Dico, Turbinem, motu seu rotatione durante stare. ea autem paulatim elanguescente in casum vergere; cessante verò penitus cadere. fit enim ex inæqualitate materiæ, vel operis ruditate, vel aliâ quauis ex causa, grauitatis centrum non esse in C, sed exempli gratiâ vbi F, notentur autem hinc inde Turbinis latera notis G H. Vtique cum F extra perpendicularem fuerit, cadet Turbo ad partem G; at id ne fiat, efficitur velocitate motus, quo centrum F transfertur in contrariam partem, vbi I. non autem cadit versus H, quoniam eadem velocitate iterum transfertur in F, quamobrem cum huiusmodi centri assidua circa perpendicularem fiat translatio, ad nullam partem Turbo cadere potest; elanguescente verò motu rotans, paulatim incipit inclinari, donec eo penitus cessante, ad eam partem cadit, ad quam à perpendiculari grauitatis centrum vergit. Describit autem in rotatione grauitatis centrum, quod in medio non est paruum circulum, per cuius centrum ipsa perpendicularis pertingit.

Modò redeuntes ad libram, cuius fulcimentum est sursum, alio principio, nempe Mechanico, cur depressa ad æqualitatem reuertatur, demonstrabimus,



Sit igitur, ut superius, libra AB, cuius centrum gravitatis C, fulcrimentum, verò sursum in D libræ quidem in C perpendiculariter coniunctum. Perpendicularis verò quæ per fulcrimentum, & gravitatis cœtrum transiens ad mundi cen-

trum tendit DLE, stante igitur librâ in sua æqualitate, erit centrum gravitatis C in ipsa perpendiculari infra quidem fulcrimentum D. Loco verò, mundi centro quàm proximo. Pondus posthæc apponatur in B, Declinabit autem pars CB, in HF, eleuatâ interim parte AC, in GH. Mota igitur libra tota, circa fulcrimentum D movebitur circa idem centrum, & gravitatis centrum C, describens portionem circuli CH, fietq; C in H, & quoniam H, hoc est C, extra perpendicularem fit, amoto pondere, ex lance B, cuius pressione libra declinaverat, centrum gravitatis per eandem circuli portionem HC, ad perpendicularem descendet, donec iterum in ea quiescat, quo casu libra AB ad æquilibrium reuertetur: quod fuerat demonstrandum.


His ita declaratis, ostendemus, (quod nullus ante nos animadvertit) harum librarum, quæ fulcrimentum habent sursum, eam esse naturam, ut non à quovis pondere appposito moveantur, vel penitus declinent.

Iisdem enim stantibus, addatur quodvis pondus lanci B; Itaque si tale fuerit quod superet resistantiam, quam illi

illi facit centrum grauitatis contra naturam elatum in H mouebitur quædam libra. Sin autem tam parui momenti sit, vt eam resistantiam non vincat, stante circa locum infimum centro C, non mouebitur aut saltem parum, ipsa libra.

Hinc colligimus fieri posse, libras illas, quæ non quouis, quantumuis paruo pondere declinant, eas fulcimentum habere sursum.

His addimus, cæteris paribus, resistantiam eò esse maiorem, quo minus grauitatis centrum distat à fulcimento sursum, circa quod ipsa libra aduertitur.



Esto libra A B, cuius grauitatis centrum C, & primò quidem eius fulcimentum sursum sit vbi D, itaque si appposito pondere declinauerit libra ad partes B, punctum C, dum ascendet describet

portionem circuli C E. fulciatur iterum sursum puncto F, & iterum declinet ad partes B, & iterum punctum C, dum ascendet, circuli portionem describet C G. Est autem minor angulus contactus A C E, angulo A C G, magis ergo sursum, hoc est, ad naturam sui feretur C, per C G, ex centro F, quàm per C E, ex centro D, quod fuerat demonstrandum.

Hæc autem resistantia ex eodem fulcimento & eodem pondere eo facilius superabitur, quo longius brachium librarum fuerit.

Esto enim iterum libra A B, cuius fulcimentum D, centrum grauitatis C, sit & alia libra, cuius brachia breuiora E F, idem habens centrum C, & eidem puncto suspensa D. Dico igitur, eodem pondere appposito, facilius

D

decli-





vestes D G, D H, quorum quidem commune fulcimentum D, pondus verò C, potentia vbi H G. Sunt autem hi vestes eius naturæ, in quibus pōdus est inter fulcimentum & potentiam, itaque vt se habet D C, ad D G, ita potentia in G

ad pondus in C, item vt D C ad D H ita potentia in H ad idem pondus C, sed minor est propositio D C, ad D G quàm D C ad D H. minor ergo potentia requiritur in G, hoc est, in B, quàm in H, hoc est in F. Data igitur ponderis æqualitate facilius superabitur resistentia C in B, quàm in F: quod ostendendum fuerat.

Ad huius libræ naturam illæ quoque rediguntur, quarum iugum non rectum quidem, sed curuum, vel ex rectis sursum in angulum ad fulcimentum detinentibus, nec refert vtrum curuitas sit circuli portio quælibet, aut ellipsis secundum alterum diametrorum; quod ita demonstramus.



Esto libra, cuius iugum curuum angularitue ABC, cuius fulcimentum B, æqualia autem brachia AB, B C, & pondera item vtrinq; appensa æqualia. Demittatur ex puncto B ad mundi centrum perpendicularis B D. Stante igitur libra ABC in æquilibrio, erit eius grauitatis



tatis centrum in ipsa perpendiculari  $BD$ , puta in  $E$ . Apponatur pondus in  $C$ , declinabit autem libra, sit autem iuxta positionem  $FBG$ . Centrum igitur gravitatis  $E$  per portionem  $EH$ , erit in  $H$ . Ascendit ergo centrum gravitatis in  $H$ , hoc est, sursum, id est, contra eius naturam; amoto igitur pondere ex  $C$ , gravitatis centrum extra perpendicularem constitutum rursus descender, & iterum libra  $ABC$  ad æquilibrium reuertetur. Hoc idem egregiè ostendit  $G. Vbald.$  in tractatu de libra, propos. 4.

Hinc ratio pendet earum imaguncularum, quas ex contusa papyro ligneave leui materia compingunt, perque manus earum ambas, ferreum filum trajicientes, utrinque plumbea appendunt pondera æqualia, ea quidē lege, ut centrum gravitatis infra pedes imaguncula statuatur. Tunc enim extenso filo imponentes ceu funambulos per illud, vtrò citroq; decurrere faciunt, imaguncula interim erecta & in neutram partem cadente, quod ut figurâ clarius fiat;




Esse imaguncula  $AB$ , per cuius manus trajiciatur filum ferreum curvum cū æqualibus ponderibus hinc inde appensis  $C, D$ . Nitatur autem pedibus filo  $HI$  in  $B$ , sitq; totius machinæ gravitatis centrum  $E$ , sitque perpendicularis per gravitatis centrū transiens  $ABE$ . Itaque inclinata imaguncula, & conversa circa punctum  $B$ , si declinet



cliniet ad partes I, centrum grauitatis eleuabitur in F. Si vero ad partes H eleuabitur in G. quare cum FG loca sint remota à mundi centro, quàm sit E, non stabit grauitatis centrum in punctis FG, sed ad infimum locum reuertetur, hoc est, in ipsa perpendiculari in E, & imaginacula ad perpendicularum ipsi HBE filo, hoc est, ipsi horizonti reuertetur.

Hinc etiam Arietum, Testudinumque demolitoriarum Machinarum vis pendet, nempe ex ratione librarum, quæ fulcimentum habent sursum.



Est enim Aries AB funi appensus CD, cuius grauitatis centrum, D, perpendicularis verò quæ ad mundi centrum ipsa CDE. Stante igitur in æquilibrio machina, centrum grauitatis erit in ipsa perpendiculari.

Applicetur alicubi potentia retropellens, eleuabitur igitur centrum grauitatis per circuli portionem DF, cuius semidiameter est CD, fietque iuxta positionem CF. Arietis verò in GFH. Dimissa itaque Machina centrum F utpote graue, non stabit, sed suapte naturâ reuertetur in D. Quadruplici autem de causa motus Arietis violentissimus est ex vi naturalis ponderis, quo deorsum fertur, tum velocitate naturalis motus in descendendo auctæ, tum ex vi potentiz impellentis, & naturalem motum adiuuantis, tum ex velocitate ex motu violento deorsum & antrosum impellente acquisitâ. Id etiam addimus, eo validiores fore ictus, quò grauior fuerit Machina, & maius spatium, quo retrotra-

hitur, grauitate ipsa & spatio tum virium vnione operationem mirum in modum adiuuantibus.


Hæc nos de Libra sursum fulcimentum habente, dicta volumus, nunc de ea, cuius fulcimentum deorsum est, verba faciemus.

Altera quæstionis pars:

*De Libra cuius fulcimentum deorsum est.*

Si deorsum fuerit, inquit Aristoteles, id quod substat, contrarium facit illi quæ sursum habet, nempe ad æquilibrium non reuertitur. Plus enim, ait, dimidio sit libræ, quæ deorsum est pars, quàm quod perpendiculum secet, quapropter non ascendit, eleuata enim pars leuior est.

Hæc ille, qui schemate quoque rem aperit, at eo apud interpretes, & Picolomineum Paraphrastem, ita mēdosè lineato, vt inde obscuritas lucis loco, legentibus confundatur. Nos, quod & supra quoque fecimus, nostra figurâ, sole ipso clariorem, ex Aristotelis ipsius mente rem totam efficiemus.



Sit libra recta, (hoc est, in æquilibrio constituta) vbi N G. Perpendiculum autem (id est, perpendicularis quæ ad mundi centrū) K L M. Bifariam igitur secatur N G. imposito posthæc onere in ipso N, erit quidem N, vbi O. ipsum autem G vbi R. K L autem vbi L P. quare




Cur autem huius libræ, quæ aliàs inutilis est, meminerit Philosophus, ea videtur causa, quòd inde vectis virtutem eliciat, ut suo loco videbimus. Id autem valde mirum, hominem acutissimum nihil prorsus de ea librâ egisse, quæ fulcimentum nec sursum habet, nec deorsum, sed in ipso exquisitè medio, ita ut centrum gravitatis in ipso met fulcimento consistat. Nos igitur de hac quod operæ pretium fuerit, & ad rem, quæ de agimus, utile, in medium proferemus.

*De libra cuius fulcimentum est in medio.*

Dicimus itaque, librâ, cuius fulcimentum nec sursum est, nec deorsum, sed prorsus in medio, nempe in ipso gravitatis centro, ubi brachia & pondera utrinque apposita fuerint æqualia, si ab æquilibrio mouentur, quomodo-  
docunque posita, stare nec ab eo, quem ad epta est, situ dimoueri.

Quæstionem hanc perperam tractârunt recentiores quidam, Hieron. Gardanus, Nicolaus Tartalea, & alij nonnulli, qui Iordani Nemoracii assertiones sunt secuti, quorum demonstrationes vel parallosimos potius egregiè confutavit in libr. Mechanicor. Tractatu de libra propos. 4. Guid. Vbald. ad eum probatissima scripta Lectori ablegamus. fidelissimè enim ibi hac de re & absolutissimè agit. Nos autem quidem paucis ea, quæ ad hanc cognitionem pertinent, explicabimus.



Esto enim libra *AB*, cuius brachia æqualia, & centrum gravitatis in *C*, brachijs verò *AC*, *CB* æqualibus, æqualia pondera hinc inde apponantur. Tum fulci-

fulcimento in medio, hoc est, ubi gravitatis centrum  $C$  applicato per centrum ipsum  $C$  ducatur perpendicularis, quæ ad mundi centrum,  $DCE$ , sitque primum libra æquedistans horizonti, constituta. Tum ex altera parte pressa moveatur & fiat iuxta positionem  $FCG$ . Dico eam dimissam permanere, etenim cum gravitatis centrum sit in ipsa perpendiculari, in neutram partem verget, sed nec vergere potest, quippe quod non circa fulcimentum seu centrum motus, moveatur gravitatis centrum, sed in ipso sit fulcimento; situm ergo non mutat. Præterea cum perpendicularis  $DCE$  per gravitatis centrum ducatur, corpus ipsum ex ponderibus & libra constans ab ea in partes æque ponderantes secatur, & ideo ex centri gravitatis definitione, quam protulit Pappus, corpus ipsum centro gravitatis appensum, dum fertur quiescit, & servat eam, quam à principio habuit positionem. Et sanè si partes quomodolibet libræ per gravitatis centrum diuisæ, sunt æque ponderantes nec trahent inuicem, nec trahentur, stabit ergo libra, & quam adepta fuerat positionem, eam servabit. Id tamen non negamus, difficile esse libras eiusce modi ex materia fabricare, quippe quod non omnia quæ vera sunt, & euidētissimis demonstrationibus patent, commodè ad praxim, ex artis & materiæ imperfectione, reducuntur.


Cæterum harum librarum ea est virtus, ut vel minimo pondere alitrinsecus apposito, declinet; quod illis quæ centrum sursum habent, non evenire, demonstrauimus.

Circa hæc posset cuipiam oriri Dubium, num chordæ, quibus lances appenduntur, variationem aliquam circa ea quæ demonstrata sunt, inducere valeant.

Dicimus nullam inde fieri: Est enim libra  $AB$ , cuius centrum & fulcimentum  $C$ , ab cuius extremitate  $A$  dependeat, funiculus  $AD$ , ab alia verò  $B$ , funiculus  $BE$ ,

E

qui-



quibus appensæ sint æqualis ponderis lances DE. Moueatur libra, fiatque in ICH, funiculi verò in lancibus in IK, HL. fecer autem funiculus IK libram AB, in M, LH verò producat & eandem fecer in N. quoniam igitur IC, æqualis est CH, pa-

parallelæ autem KI, LN æquales erūt alterni anguli MIC, NHC, sed & anguli ad verticem ICH, BCH æquales sunt, quare triangulum IMC, æquale triangulo HNC, & latera lateribus, quæ æqualibus angulis subtenduntur. Æqualis est igitur linea MC lineæ NC. Itaque si pondera lancesue, KL mente concipiantur appensæ in punctis MN, ex brachiorum & ponderum æqualitate æque ponderabunt. quod fuerat demonstrandum.

### QVÆSTIO III.

*Cur exigua vires (quod etiam à principio dixerat) vecte magna mouent pondera, vectes in super onus accipientes, cum facilius sit, minorem mouere grauitatem, minor est autem sine vecte?*

**A**ristoteles ita quæstionem proponit, vt eam Rhetorico quodam fuco admirabiliorem faciat. Soluit autem hoc pacto, inquit, fieri posse eam esse causam, quod vectis sit libra, eius nempe generis quod fulcimentum habet deorsum, atque idcirco in ipsa pressione in partes inæquales vectem diuidi.

Figur-




Figura quam exhibet, vix ferè quid sibi velit explicat. Nos ad eius mètem aliam proponemus eamq; longè clariorem.

Esto vectis  $AB$ , cuius fulcimentum deorsum in  $C$ , pon-

dus  $D$ , potentia ex vecte, pondus sustinens  $E$ . Perpendicularis per fulcimentum  $FCG$ . Itaque quoniam potentia in  $E$  non superat pondus  $D$ , nec ab eo superatur, stat vectis cum potentia Horizonti æquidistans, hoc est, in æquilibrio, vectis autem in puncto  $C$  diuiditur in partes æqueponderantes. Modo præualeat potentia ponderi, & vectem deprimat, fiat autem in  $LCH$ , erit igitur  $B$ , in  $L$ ,  $A$  in  $H$ ,  $D$  in  $K$ , &  $CF$ , quæ vectem in partes æqueponderantes diuidebat, in  $CL$ . Iam igitur non æqueponderant partes, siquidem pars vectis  $FCI$ , aufertur parti  $HCI$ , & adiungitur parti  $ICL$ , quæ ideo fit ponderosior, vnde & potentia ad ponderis eleuationem adiuuatur. Eadem igitur vititur hic demonstratione, quam in explicando effectu libræ, cuius fulcimentum deorsum est, adhibuerat. Nec alia de causa, vt supra notauimus, videtur eius libræ in superiori quæstione, considerationem introduxisse. Et sanè verum est quod concludit, Veruntamen minimi est momenti ad tantam vim parua illa adiectio, quæ parti vectis depressæ in ipsa depreSSIONE adiungitur. Aliunde igitur tantæ rei causa est petenda, quod & nos deinceps faciemus. Videtur autem ipse quoque Aristoteles non sibi prorsus in assignata ratione satis fecisse, & ideo subiungit: quoniam ab æquali pondere celerius mouetur maior earum quæ à centro sunt: duo verò pondera; quod mouet &




quod mouetur. quod igitur motum pondus ad mouens longitudo patitur ad longitudinem, semper autem quantum ab hypomochlio (id est, fulcimento) distabit magis, tanto facilius mouebit. Causa autem est, quæ retro commemorata est, quoniam quæ plus à centro distat maiorem describit circulum. quare ab eadem potentia plus superabitur id quod mouetur, quæ plus à fulcimento distat. Hæc ille, qui asserit duos pondera in vecte considerari, Pondus nempe motum, & mouentem Potentiam (hanc enim ponderis habere vim atque rationem certum est) Vires autem potentiam acquirere ex brachij longitudine, & ex inde consequenti velocitate, quo enim brachia longiora, eo in extremitate velociora, atque idcirco ita se habere motum pondus ad potentiam mouentem, ut brachij longitudo ad brachij longitudinem: brachia autem vocamus, partes illas vectis, quæ à fulcimento ad utranque vectis extremitatem pertingunt, & ideo quantum à fulcimento potentia distabit magis, eo facilius pondus mouebit.

Vera utique & exploratissima hæc assertio est: Veruntamen, causam huiusce mirabilis effectus, esse velocitatem, quæ brachij longitudinem consequitur, non affirmamus. quæ enim velocitas in re stante? Stant autem vectis, & libra dum manent in æquilibrio, & nihilo secius parua potentia ingens sustinet pondus.

Dicit ad hæc quispiam, velocitatem in longiori brachio si non actu, saltem potentiam esse maiorem. At quæso quid in re quæ est actu, momenti habet potentia? actu enim sustinet, sustinens. Consequitur, (id utique fatemur) necessario velocitas maior motu brachij maioris; non tamen causa est cur vis loco ubi velocitas maior sit, apposita magis moueat. Sanè ex velocitate, dum mouentur, pondus acquirere corpora, tum proiecta, tum cadentia certum est, quod etiam in quaestione 19. cum Philosopho confide-




siderabimus. Sed hoc ex velocitate & motu fit, quæ sunt actu. At brachia in ipso æquilibrio sustinent actu quidem, sed non mouentur. Cæterum videtur Aristoteles id subodorasse, quod postea Archimedes, Mechanicorum princeps, in propof. 6. primi Æqueponderantium explicite protulit & probauit: nempe in æquilibrio ita esse pondus ad pondus, vt brachium ad brachium, ratione permutata.



Estoenim vectis A B, quomodolibet fulcimento diuifus in C. appēdatur autem in A, pondus D, in B verò pondus E, ita se

habens ad pondus D, vt ipsa A C ad C B. Stabit igitur vectis, & neutram in partem verget, erit enim centrum grauitatis in C, diuifo nempe ibi vecte in partes æqueponderantes. Hoc post Archimedes, & insignes illos veteres Mechanicos præclarissimè demonstrauit G. Vbaldus in Mechanicis, Tractatu de Libra propof. 6. nec non de Vecte propof. 4.


Cæterum vt aliquid interim, quod nostrum sit, afferamus, liceat nobis egregios illos viros interrogare, quænam mirabilis eius effectiōnis sit causâ? Dicent permutatam proportionem. Teneo, at nondum acquiesco: petam enim, Cur ea rationis permutatio mirabilem illum effectum pariat. Hoc quod illi non docent, puto nos, ignorantiz somno sepultos, somniaſſe.



Æqualitatem status esse causâ, nemo, vt puto, inficiabitur. res est enim per se clara. Estofiquidem linea quæpiam A B, applicetur extremitati A po-

centia quædam quæ lineam ad se trahat ad partes nempe A, Tum in B quædam alia potentia ipsi quæ in A potentie, æqualis, quæ lineam trahat simili modo ad partes B. Datâ igitur harum potentiarum æqualitate, linea A B, nec ad partes A, nec ad partes B transferetur, sed prorsus immobilis stabit.


His ita constitutis, Dico vecte quomodolibet diuiso, ponderibusque vtrunque apposis, permutatâ proportionem sibi inuicem respondentibus, rem esse redactam ad æqualitatem, & inde statum fieri, hoc est, æquilibrium.



Esto enim vectis A B, quomodolibet diuisus in C, & ipsi quidem C fulcimentum supponatur. Appendantur quoque vtrunque pondera ex ratione brachiorum A C, C B, sibi inuicem permutatim respondentia, sintq; D E. Dico vectem ex æqualitate, in neutram partem inclinaturû, sed permansurum in æquilibrio. quoniam enim Pôdus D idem potest quod brachium C B, addatur in directum ipsi A C, recta A F æqualis ipsi C B, item quoniam Pondus E id potest quod brachium A C, recta C B addatur in directum B G, ipsi A C æqualis. Igitur cum partes C A, A F totius F C, æquales sint partibus C B, B G, totius C G, erit totum F C, toti C G æquale. Diuisus itaque

que erit vectis FG in partes æquales FC, CG in puncto fulcimenti C. Et quoniam æquale in æquale non agit, stabit vectis & in neutram partem inclinabit. Rursum quoniam ad partem FC, duæ sunt brachiorum potentiz FA, HC, appendantur puncto F, duo pondera H, I, ipsis DE æqualia, item puncto G, alia duo pondera iisdem DE æqualia KL, iterum æqueponderabit, quippe quod æqualibus brachijs FCCG æqualia appensa sint pondera HI KL. Cur igitur seruata permutatim brachiorum & ponderum proportionem fiat æquilibrium, ex his quæ demonstrauimus, clarè patet.

Sed forte dicet quispiam, si brachia, pondera sunt, vel ponderibus æquipollentia, sustinenti duplicabitur pondus.



Esto enim vectis AB, ita diuisus in C, vt pars maior CB minori AC sit in proportione quintupla. Appendatur autem in A pondus D, quintuplū ponderi E appenso in B. Si igitur brachio AC, quod est vnum, addatur pondus

D, quod est quinque, fient sex, item si brachio CB, quod est quinque, addatur pondus E, quod est vnum, fient sex. Fulcimentum igitur sustinebit duodecim, quod est absurdum ex ijs quæ clarè demonstrauit G. Vbi d. in Mechan. tractatu de Libra propos. 5. His respondemus, brachia quidem operari non pondere, sed potentiâ, quæ vis quædam est, non autem pondus. Et si illud verum sit, dato vecte ponderoso, fulcimentum tum ponderum appensorum, tum vectis ipsius pondus sustinere.


Iacta huiusmodi, quam diximus, æqualitate, sequitur

quitur necessariò, centrum grauitatis ipsius vectis cum appensis ponderibus, ac si vnum idemque esset corpus cadere in perpendiculari quæ per centrum ipsum & fulcimentum transiens ad mundi centrum pertingit.

#### QVÆSTIO IV.

*Querit hic Aristoteles, cur ij qui in nauis medio sunt remiges maximè nauem moueant?*

**A**It, ideo fortasse fieri, quòd remus vectis sit, fulcimentum verò scalmus, stat enim. Ponderus autem mare ipsum, quod à remo propellitur, mouens verò ipsum remigem, semper autem plus mouere ponderis qui mouet, quo magis distat à fulcimento. Ita enim maiorem fieri quæ ex centro; Scalmum verò centrum esse. Cæterum in medio nauis plurimum remi intus esse. Ibi enim nauem esse latissimam. Moueri autem nauim, quoniam appellente mari remo, extremū illius quod intus est antèrius promouetur, cuius motum nauis sequitur, cui scalmus alligatur. Vbi autem plurimum maris diuidit remus, eo maximè necesse esse propelli. Plurimum autem diuidi vbi plurima pars remi à scalmò est. Rem facilem, eo quod verbis poterit, schemate non declarauit, nos autem apponemus.




Esto enim nauis AB, mare CD, remorum alter, qui ad proram EF, cuius scalmus G, alter verò in medio nauis, HI, circa scalmum K. Ait igitur, remos esse vectes, scalmos verò fulcimenta, pondus quod remo, ceu vecte, mouetur mare ipsum. Itaque quoniam nauis lata est in medio vbi Scalmus K maior pars KH intra nauim est, minor verò KI, extra. Contra autem remi ad proram, nempe EF pars minor EG intra

intra nauim, pars verò maior G F extra nauim est. Pondus autem cò facilius mouetur, quo maior est vectis pars, quæ à fulcimento est ad mouentem potentiam.

Acutè sanè Philosophus. Ego autem si per modestiam liceret, dicerem, non quidem esse fulcimentum scalmū, sed mare ipsum, pondus vero nauim, ad locum scalmi, nēpe inter mouentem potentiam, & fulcimentum positum, etenim & eo pacto possumus vti vecte, quod obseruat & demonstrat G, Vbaldus tractatu de vecte propos. 2. Erunt igitur in descripta figura puncta F I, quæ in mari sunt, fulcimenta, quibus remorum extrema in ipsa impulsione nituntur, pondera verò seu pondus pluribus vectibus & potentijs impulsū nauis ipsa, quæ scalmis est annexa. Resistente igitur mari, cedente autem impulsione scalmi, nauis eo transfertur, quo scalmi ab ipsa potentia mouente in anteriorem partem pelluntur. quoniam autem vt F G ad F E ita potentia mouens in E ad pondus motum in G. item vt I K ad I H ita potentia mouens in H ad pondus motum in K, maior autem est proportio F G ad F E quàm proportio I K ad I H. Maiori indiget potentia vt pellatur pondus in G quàm pondus in K.

Hæc certè vti diximus ita se habent. Philosophi autem ratio tunc procederet, si stante naui immobili, vt sit vbi à Remoræ occulta vi aut ab alio impedimento retinetur, remiges in ipso remigandi actu mare pulsarent, Tunc enim verè scalmus fieret fulcimentum, mare autem pondus, remex verò ipse mouens.

Addimus, falsum videri quod asserit Aristoteles, nempe illos qui in media naui sunt, remiges, maximè nauim mouere; facilius, melius dixisset. Si enim maximè, quod ait, denotat, maximo spatio, & velocius prorsus falsum, etenim tardius mouent & minori spatio, quod nos ita demonstramus.



Esto enim Remus AB  
qui mari fulcitur in B, Scal-  
mus remi qui ad prorā pup-  
pimue C, qui in media naui  
D, maior autem remi pars  
est à scalmo D ad A quam i-

psius G ad A, Pellantur remi & stante ceu centro B A, in  
E. eodem igitur tempore C erit in F, & D in G, sed maius  
est spatium CF spatio D G. Ergo vnica impulsione, plus  
mouit scalmum, hoc est, nauim, potentia ad puppim pro-  
ram ueremigans, quā in ea quæ operatur in media naui vt  
sentire videbatur (si modo is est eius sensus) Aristoteles.  
Necessarium igitur est, quod ait, maximè intelligendum,  
facilius, Veritatem hanc cognoscentes Triremium præ-  
fecti robustiores quidem remiges ad prorā & puppim,  
inualidiores verò circa mediam triremem collocant.

#### QVÆSTIO V.

*Dubitatur, Cur paruum existens gubernaculum, & in extremo  
nauigio tantas habeat vires, vt ab exiguo temone, & ab hominis  
vnius viribus alioqui modici mentis magna nauigiorum  
moueantur moles?*

**A**N, inquit, quoniam gubernaculum vestræ est, onus  
autem mare, Gubernator vero mouens est? Non au-  
tem secundum latitudinem veluti remus, mare accipit  
gubernaculum; non enim in ante nauigium mouet, sed i-  
psū commotum mare accipiens inclinat obliquè. quo-  
niam enim pondus est mare contrario innixum modo na-  
uem inclinat. fulcimentum enim in contrarium versatur,  
mare verò interius, & illud exterius. illud autem sequitur  
nauis quæ illi est alligata & remus quidem secundum la-  
titudinem onus propellens & ab eodem repulsus in re-  
tūm

Etum propellit, Gubernaculum verò, vt obliquum iacet hincinde in obliquum motionem facit. in extremo autè, non in medio iacet, quoniam mouenti facillimum est motum mouete: prima enim pars celerrimè fertur, & quoniam, quemadmodum in ijs quæ feruntur in fine deficit latio, sic ipsius continui in finem, imbecillima est latio. Imbecillima autem ad expellendum est facilis. Propter hæc igitur in puppi gubernaculum ponitur, nec minus, quoniam parua ibi motione facta, multo maior fit in vltimo, quia æqualis angulus semper maiorem adspèctat, tãtoquæ magis, quanto maiores fuerint illæ, quæ continent. Ex ijs etiam manifestum est, quam ob causam magis in contrarium procedit nauigium, quam remi ipsius pal-mula, eadem enim magnitudo ijsdem mota viribus in aëre plus quàm in aqua progreditur. Hæc Philosophus, qui haudquaquam ex more suo, quod duobus ferè poterat, sexcentis verbis exposuit. Licebat enim id tantum dicere, Gubernaculum (ita vocat id totum quod gubernaculo & remone constat) esse ceuremum, quo naui non antrorsum, sed obliquè & ad latus mouetur. quamobrem omnia ferè quæ de Temone dicenda fuerant, de remo loquens proponit. Ait autem:

Sit remus A B,  
scalmus vero C, remi  
in nauigio principiū  
A, palmula autem  
quæ in mari B. Si igitur  
A, vbi D translatum  
est, non erit B vbi  
E. æqualis enim  
BE ipsi AD, æquale

igitur translatum erit, sed erat minus. erit igitur ubi F, minor enim BF, ipsa AD, quare ipso GF ipsa DG. Hæc  
F 2 demon-

F 2

demon-



demonstratio licet vera videatur, rei tamen, de qua est sermo, minimè aptatur. Si enim aptaretur in ipsius remi motu, cum palmula esset in F, scalmus fieret in G, excurreret ergo vel scalmus per remum, vel remus per scalmū, facta nempe eiusmodi translatione de C in G, & sic intra nauim modo esset pars remi D C, modò verò G D, quod tamen non fieri ipsâ experientiâ docemur. Illud quoque falsum est, nauim ipsam tantum moueri in aëre, quantum est spatium A D, hoc est, remi extremum quod est in naui, siquidem scalmi motu, non autem manubrij remi, nauis agatur. Aliter igitur res se habet, & forte hoc pacto.




Sit remus A B, cuius manubrium A, palmula B, scalmus C. Pellatur antrotrorsus A, fiatq; in D, tunc si æqualiter mouerentur manubrium & palmula, ipsa palmula fieret in G, at minus mouetur: fiet ergo in E. ipse verò scalmus C

translatus erit in F, motaq; erit nauis à C in F, non autem ab A in D. Posuit autem Aristoteles scalmum ad medium remi, sed non ad medium collocari solet, maior enim pars in mare propender puta H B, quo casu translationis spatium fit maius, nempe ab H in I. fit autem motus scalmi ex centris qui sunt in spatio ipso B E, quatenus autem ad temonem pertinet, quem remum ait, obliquè puppim ipsam propellentem, ita se res habet.

Esto nauis carina A B, prora A, puppis B, Temonis ala B C, gubernaculum B D, cardo verò fulcimentum uel B, facta itaque impulsione obliquâ gubernaculi à D in E, minor fiet motus in mari à C in F, eritque temo ubi E G F, cardo






cardo verò vbi G, translata igitur erit eo motu, puppis ipsa à B in G. facta itaque parua motione puppis ex B in G, prora ipsa quæ longè distat à puppi B maiori spatio superato translata erit in H facta proræ in contrariam partem ab ea quæ facta est gubernaculi motione. Porro quod & in præcedente quæstione adnotauimus, longè melius procedet demonstratio si fulcimentum mare intelligatur, quàm scalmus, neque enim mare ceu pondus, sed scalmus ipse Temonisue cardo, ponderum instar transferuntur.

Cæterum in hac speculatione liceat nobis aliquantulum à Philosopho dissentire. Certè si breuitas Temonis, è puppi eminentis, respectu longitudinis totius nauis consideretur, & parua motio, quæ temone gubernaculo ue moto fit, nullius ferè momenti erit ad eam quæ in prora fit translationem. aliter ergo se rem habere non dubitamus, & quæstionis solutionem aliunde petendam. Nauis non currente nullum ferè, aut qui vix curandus sit ex gubernaculi conuersione nauis ad dextram sinistramue motum fieri. at eà currente maximum, experientiâ docemur. Obliqui igitur motus qui validè in puppi fit, caussa est non quidem ex conuersione temonis percussio maris, sed mare ipsum, cuius fluctus nauis currente obliquam temonis alam ad eam partem quæ mari obuertitur, impellentes temonem cum puppi ad contrariam partem validissime transferunt.

Esto nauis carina A B, prora B, puppis A, Temo A C, gubernaculum A D; Itaque currente nauis, Temone interim & gubernaculo in eadem carinæ linea existentibus,

F 3

Temo



Temo quidem mare secat, nullâ factâ in puppi, navis ad sinistram dextramue translatione. Si verò moueatur gubernaculum à D in E, eo moto mouebitur aliquantulum & pappis ad partes E, quod voluit Aristoteles. Sed minimi, vt diximus, ea res ad tantum effectum est momenti. Temone autem in obliquum cōstituto vt A F, naui interim, ventorum aut remorum vi pulsa proram versus currente temonis latus à fluctibus obliquam partem alamue in ipso cursu ferientibus, in contrariam partem transfertur, ad

eam nempe, ad quam ipsum gubernaculum vergit. facta igitur navis ceu circa centrum centraue quæ in carina inter puppim proramue considerantur A, fertur in G, prora verò in H. ex quibus manifestè apparet, duo ad navis ex temone in puppi conuersione motionem esse necessaria; Temonis nempe obliquationem, & navis cursum, quorū si alterum sine altero adhibeatur, nullam fieri quæ alicuius momenti sit, navis conuersionem. Illud quoque notamus, carinam in navis conuersione vectis instar se habere, cuius pars mota ad puppim, & mouens potentia est; fulcimentum verò circa proram, potentia autem mouens mare ipsum, temonem in navis cursu oblique feriens. Vnde colligimus naues, quo longiores sunt in mouente ad Temonem adhibita maiori facilitate ad dextram sinistramue propelli: quod sanè ipsemet considerauit Aristoteles, qui idcirco inquit, in extremo, non autem in medio temonem poni eo quod mouenti facilimum sit ab extremo motum mouere.

Ex hac nostrâ speculatione ratio habetur eius machina-

chinationis, quâ in magnis fluminibus, ceu Pado, Abdua & similibus, Portitores, equos, currus, viatoresq; ipsos, è ripa in ripam transferunt. Pulcherrima enim res est, & nobis perspectissima, qui Guastallâ residentia olim nostrâ oppido ad Padum, Mantuam pergentes sæpissimè ad Castrum Burgi Iusis ea qua diximus machinatione latissimum eiusdem Padi aluum transiecimus. Habet autem se hoc pacto.



Esto fluminis citerior ripa A B, vltior C D. Pontones duo tabulis strati, & vnâ firmiter iuncti E F, Temo inter eorum puppes extans G H, locus in ripa stabilis A, funis, quo pontones, & machina tota continetur A I. fluij decursus versus B D, stantibus itaque pontonibus ad ripam citeriorem A B, Temone in neutrà partem pulso, cum aqua decurrens eum resistentem non inueniat, scinditur quidem ab eo, sed non propellit, eo autem conuerso & in G K constituto, a-

la eius G K ab aqua defluente propulsa machinam secum trahit versus ripam C D, factâ motione circa centrum seu stabilem locum A, otiosis interim portitoribus, donec per circuli portionem M L deuenit ad vltiorem ripam in L. Vnde iterum temone in contrariam partem conuerso, aquâ similiter temonem propellente, per eandem circuli portionem ad ripam citeriorem reuertitur, à qua paulo antè discesserat. Ex quibus apparet, motus causam non esse

esse solam eam, quæ ab alate monis fit, aquæ percussione, ut senserat Aristoteles, sed currentis aquæ remonis alam ferientis impulsionem: nihil autem referre, utrum stante naui aqua currat, vel eâ corrente aqua stet, ut in mari fit, idem enim utroque modo remo patitur. Ut autem machinæ huius & totius negotij species facilius animo concipiat, schema hoc studioforum oculis subiiciemus.



Lembi nauculæue ideo appositæ sunt, ut oblongum funem sustineant; id etenim ni fieret, aquæ immersus aquam scindens machinæ motum impediret, ideo etiam apponuntur, ne funis madens celeriter maceretur & putrescat.

Huic speculationi affinis est ea, velorum eorum, quæ obliquè ventum excipientia frumentarijs molis dant motum, item verticillorum ex papyro, quibus contra ventum currentes per lusum pueri utuntur. vnicum enim

enim horum omnium principium & eadem ratio.

Diximus enim, Temonem currente nauī, lateraliter conuersum obuios fluctus excipientem puppim ipsam obliquē in alteram partem transferre. Porro ea vela, de quibus loquimur, venterum flatibus obliquē opposita eandem ob causam circulariter agitantur, quod ut figurā euidētius fiat,



Esto velum AB, brachio CE obliquē affixum, ita ut angulus ACE maior sit angulo BCE, ventus obliquē velum feriens FG. Itaque quoniam ventus in velum obliquum incidit, elabitur velum, & circa centrum E vnā cum brachio circumuertitur, in cuius locum succedit velum HI, ex qua assidua velorum successione, brachiorum & axis cui adherent, rotatio fit perpetua. Sed enim de Te-

mone agentes non est inrerim cur de caudis auium pisciumque taceamus. instar enim temonum sunt à Natura ipsa opportunis animalium partibus, postremis videlicet, apppositi, quanquam nec solum Temonis vsum præstent, ut videbimus.

Esto piscis AB, cuius caput A, cauda verò CB. Hac igitur neutram in partem reflexā, piscis pinnarum motu rectā in anteriorem partem progreditur. Si autem necesse ei fuerit ad dextram sinistramque conuerti non poterit, nisi cauda ipsa iuuetur. Omnis enim motus progressiuus quiete indiget, nec absq; stabili fulcramento progredi

G

potest,



potest, quod in libris de animalium incessu docet ipsemet Philosophus. Sit igitur, piscem conuerti velle, & fieri capite in D, deflectet illico caudam in E, eaq; aquam ceu stabile quippiam feriēs ei que quodammodo fultus, reliquum corpus C A reflectet in D, si autem conuerti

velit in F, caudam deflectet in G, & eadem ratione flectetur in F. Sed & Temonis quoque vsum præstat natatilibus & volatilibus cauda. Sit enim rectus piscis, hoc est, rectâ pergens I K L, caudam obliquet in K M itaque ex aqua in ipso motu collisione, eius posteriora pellentur vbi I N O. Hæc itaque nos de Temone, quatenus ad hanc quæstionem pertinet, considerasse sit satis.

#### QVÆSTIO VI.

*Dubitat, Cur quanto Antenna sublimior fuerit, isdem velis, & vento eodem celerius ferantur nauigia?*

**S**oluit Philosophus, inquiens: An quia malus quidem sit ventis, fulcimentum verò mali sedes, in qua collocatur, pondus autem quod moueri debet, ipsum nauigium: mouens verò is, qui vela tendit spiritus? Si igitur quanto remotior fuerit fulcimentum facilius eadem potentia, & citius idem mouet pondus, altius certè sublatâ antennâ, velum à mali sede, quæ fulcimentum est remotius faciens, id efficiet. Hæc ille, quæ sic figurâ explicamus.

Esto




Esto nauiſ AB, malus CD, mali ſedes D, locus antennæ ſublimior C, depreſſior E: itaque quoniam CD veſtis eſt, quo mouens remotior fuerit à fulcramento D, eo citius & violentius pellet, velocius ergo nauiſ mouebitur antenna in C, quàm in E, conſtituta.

Plauſibilia ſunt hæc, at certè per veritatem ipſam, non vera. Rogo, Si fulcramentum dum veſtis mouetur, cẽtrum eſt, centrum vtique motus erit D. ſpirante igitur validè vento inclinabitur malus, fietq; vbi FGD, quæ quidem inclinatio violentius fiet, vento pellente in F quàm in G, vt pote puncto à fulcramento remotiore. Impulſo malo, duo neceſſariò cõſequentur, vel enim ad ipſam ſedem D. frangetur vel puppiſ ipſa circa D punctum conuerſa, vt mali ſequatur motum eleuabitur. Prorà verò ſubmergetur facta naui in HDI. Quod ſi quiſpiam funem ad mali ſummitatem annexam ad ipſam puppiſ alligauerit in B, impeditur ſanè mali inclinatio ad partes F, & ideo nulla viſ prorſus fiet in D ex veſtis ratione. Attamen nihilo ſecius, quo ſublimior fuerit antenna, eo faciliùs à ſpirante vento puppiſ eleuabitur. quatenus igitur malus veſtis eſt, hoc tantum quod dicimus operatur. Quod ſi contrà obiectum fuerit, experientiam docere, quo ſublimior antenna fuerit, eo citiùs nauigium, ſpiritu ſtante moueri. Reſponſio facilis, nempe, mirum non eſſe, ſi mali pars ſublimior validius à vento feriat. Videmus enim, & turres quo ſublimiores fuerint, eo magis à ventorum impetuoſiſ ſtatibus infeſtari, quod ſanè ad veſtis longitudinem referre, eſſet ridiculum. Cæterùm quod ad puppiſ faciliorem eleuationem ex mali ipſius altitudine pertinet, ad veſtis




contemplationem reducimus. est enim quædam vectis species ab alijs non considerata, cuius brachia in angulum desinunt, ut ipse angulus in operatione sit fulcimentum.



Est enim vectis, de quo agimus, ABC, cuius brachia AB, BC. iuncta ad angulum B, sitque B in operatione fulcimentum. Nec quicquam refert quatenus ad usum pertinet, utrum angulus ipse rectus sit, acutus vel obtusus. sit autem modò rectus. Ponatur igitur pondus aliquod in C, tum potentia quædam applicetur in A, quæ ipsam vectis extremitatem A propellat in D. erit igitur AB in DB & angulo seruatò BC in BE. Pondus igitur

cum parte vectis BC eleuabitur in E. In hoc autem vectis genere attenditur proportio quam habet AB ad BC. Si enim potentia quæ applicatur in A ita se habet ad pondus in C ut CB, ipsi BA, fiet æquilibrium. Si maior autem fuerit proportio potentie in A, ad pondus in C, ea quam habet AB ad BC, superatà ponderis resistentiâ fiet motus. Res autem haud aliter se habet, ac si producta in F, fieret BF æqualis BC. Tunc enim vectis ad rectitudinem, seruatà proportionem, redigeretur, & ita potentia in A, fulcimento B operaretur in F, ut operabatur in C.


Ad huius vectis naturam referuntur fabrorum mallei, quibus clauos reuellunt, forcipes item quæ tenaci morfu clauorum capita umbellæ apprendentes, violenter è tabulis extrahunt. In malleo itaque subtili, ut in figura videre est, AB vectis est pars quæ à fulcimento ad potentiam, ac verò quæ à fulcimento ad pondus, ponderi liqui-



siquidem æquiparatur resistentia quæ sit in C. Idem observamus in forcipe, in quo duo quidem brachia AD, CB, quatenus ad apprehensionem pertinet, fulcimentum habent in ipso cetro seu vertebra, & ideo quo longiores fuerint, eo tenacius apprehendunt & retinent. quatenus autem ad extractionem

facit, pro vnico forceps totus habetur veste, cuius quidē pars à potentia ad fulcimentum AB. quæ verò à fulcimentum ad hoc est clauum ipsum qui reuellit A C. Violentissimè autem extrahunt forcipes, propterea quod maxima sit proportio longitudinis brachij BA, ad eam quæ est ab A ad C.

His igitur hoc pacto examinatis, ad nauim & malum reuertentes, dicimus, tunc facillimam fieri puppis eleuationem, proræ verò demersionem, cum maxima fuerit proportio, quam habet altitudo mali, ad eam nauis partē quæ à malo ad ipsam puppis extremitatem pertingit. Quamobrem prudentes nauium fabri, vt huic difficultati occurrant, malum non in medio quidem nauis, sed in tertia ferè parte longitudinis quæ à prora est, puppim versus constituunt.



Esto enim nauis AB; cuius malus CD: prora A: puppis B; vēto igitur velum impellente, malū ad partem contrariam vergit, puta in FD. At quoniā carchesium funi ad puppim vnitur in B, nauim, hoc est, ipsam puppim trahat necesse

cessu est. non potest autem; quoniam suburræ grauitas & onera, quæ naui imposita inter D. & B. grauitatis centrum circa punctum E constituunt, quod quidem vi ventorum inclinante malo ab E, in G. eleuaretur, quo igitur minor fuerit proportio CD ad DE & maius pondus ipsum cuius grauitatis centrum in E minus præualebit potentia pellens in C ad eleuationem partis nauigij, quæ à mali sede ad puppim intercedit. An igitur malus sit vestis, pes verò fulcimentum, pondus autem quod veste mouetur, ipsū nauigium, vt placuit Aristoteli, & qua item ratione malus in nauim vt vestis operetur, exijs quæ dicta sunt, facillè patet.


#### QVÆSTIO VII.

*Quæritur, Cur quando ex puppi nauigare voluerint, non flante ex puppi vento, veli quidem partem, quæ ad gubernatorem vergit, constringunt; illam verò quæ proram versus est, pedem facientes, relaxant?*

**M**irabilis huius effectiōnis causam explicat Aristoteles. inquit enim, An quia retrahere quidem multo existente vento gubernaculum non potest, paucio autem potest, quem constringunt? propellit igitur quidem ipse ventus, in puppim verò illum constituit gubernaculum, retrahens, & mare compellens: simul & nautæ ipsi cum vento contendunt; in contrariam enim se reclinant partem. Hæc ille.

Cuius sensum breuitate subobscuro, mirâ facilitate explicat Picolomineus. Nos autem vt rem lucidiorem faciamus, schema, quod nec ipse fecit, nec Philosophus, proponemus.


Esto naui A B, cuius prora A, puppis verò D, gubernaculum C B, temonis ala B D, veli sinus E F, velum vero ita constitutum, vt directè ex puppi flantem ventum excipiat.



piat. Hoc ubi euenerit, nauigium rectâ è puppi mouetur in proram; Si autem ventus lateraliter spirat, puta à parte G versus H & nihilo secius nauigium, ac si ventus ex puppi esset antrorsum propellere volunt, velum quidem obliquant partem eius infimam, pedem nempe, quæ est in F contrahentes, Cornu verò antennæ ubi E, proram versus

laxantes ventumq; ipsum obliquè excipientes id efficiunt, ut ventus minus violenter feriat, & minori sui parte velû impleat, & quoniam ventus velum pellit in partem contrariam, nempe in H, ipsi ventô resistant conuerso gubernaculo ex C in L, & temone BD, in BM compellunt proram ad partem à qua ventus ipse spirat. Sit igitur inter ventum & temonem pugna, illo proram in dextram, hoc verò eandem in sinistram pellente, itaq; cum neuter præualeat, necessario nauis mediam viam, quæ inter vtramq; est, suo cursu tenet. Nautæ autem ideo in partem nauis AEB, quæ versus ventum est, se conferunt, ut vento æquilibrium faciant, ne scilicet nauis in cōtrariam partem pellente spiritu, eam demergat. Cæterum quod nec Aristoteles nec Picolomineus animaduertunt, velum obliquè constitutum à vento in anteriora impellitur eandem ob causam, quam retulimus, ubi de temone & velis, quibus farinariæ molæ cōuertuntur, verba faceremus. Quod autem addit Picolomineus rem ad vectem reduci posse, non est cur sub silentio prætereamus. Ventus, inquit, ponderis gubernaculum mouentis vicem obtinet; centrum verò (fulcimentum intelligit) in medio nauis est, quod tamen

men ad proram vergit, vt facilius ipsi vento resistere possit. Tunc enim in rectum mouebitur nauis, cum sibi inuicem æquatæ vires, quasi libramentum constituerint. Hæc ille, cuius sensum figurâ proposita facile aperiemus.



Esto carina AB, cuius prora A, puppis B, terno BC, ventus verò obliquè feriens H. Conuersus itaque temo vt in BC vndarum vi corrente naui repulsus sit in EF tendens versus I, quo casu prora conuertitur in D, nempe contra ventû qui spirat ex H. fit autem conuersio circa punctum G, quod fulcimenti locum obtinet. Vetus verò ad contrariam partem proram impellit, repugnans Temonis violentiæ contra ipsam proram dirigentis. Est igitur AB, seu DE carina, instar vectis, cuius fulcimentum G, vis mouens mare quo temo EF repellitur, pondus vero, ventus premens in D; quo igitur remotior erit temo à fulcimento G, D autem ubi pondus ei vicinius, eo magis temo venti vim superabit. Hæc Pico loquens in tractatu, quam explicauimus, sanè ingeniosa est, verum enim uero, quoniam fulcimentum sui naturâ stare debet, hic verò nullâ habeat stabilitatem, difficultatem patitur.

### QVÆSTIO VIII.


*Quæritur, Cui ex figuris omnibus rotunda facilius  
moueantur?*

**T**Risariam, inquit Aristoteles, circulum rotari contingit; Aut secundum absidem cetro simul moto, quemadmodum plaustrum vertitur rota; aut circa manens centrum, veluti trochleæ puteorum, stante centro: Aut in pauiamento manente centro, sicuti figuli rota conuertitur.

Caussam

Caussam verò explicans, ait, celerrima eiusmodi corpora esse, eo quod parua sui parte planum contingunt, uti circulus secundum punctum, item quoniam non offendant: Non offensandi vero esse caussam, quod semotum à terra habeant angulum. Item propterea quod corpus, cui sunt obuiam, secundum pusillum tangunt. Rectilineo autem aliter euenire, quippe quod rectitudine sua, multum plani contingat. Ad hæc, quoniam nutat pondus eo mouentem mouere.

Hæc ferè Philosophus, cuius rationes ad eum solummodo circularem motum faciunt, qui fit secundum absidem, ut in carrorum rotis vsu venit, nec aptantur rotis figulorum trochleisque, cuiusmodi sunt illæ, quæ supra puteos appenduntur. Nos igitur, ad Aristotelis mentem, primam rotationis speciem, quæ est secundum absidem, examinabimus.




Esto rota sphaerae A B, cuius centrum C; Horizontis planum D E; contactus circuli in plano B. perpendicularis horizonti à puncto contactus B ipsa B G A, transiens per centrū C, partes rotæ circa

perpendicularem A F B, A G B, angulus contactus G B E. Primo itaque id constat, circulum in puncto planum, seu lineam contingere. At quoniam, ut Mechanici, de circulis rotisque seu sphaeris agimus materialibus, rectè Philosophus non in puncto planum præcisè tangere dixit, sed secundum partem sui minimam. Angulum porro, quem à terra semotum dicit, ipse angulus est contingentiæ, eleua-

H tur

tur enim ex *B* in *G*. Si autem corpus quodpiam in plano fuerit, puta *HI* in puncto illud tanget ei cūlus ei occurrens, exempli gratiā in *K*. Hæc igitur accidunt circulari figuræ. In lateratis autem secus fit, quippe quæ nec in puncto seu secundum parvam sui partem, planum tangunt, nec semotum ut circulus à plano habent angulum, nec impingentes offendiculum in puncto tangunt. Cæterum potissimam facilitatis motus in rotatione quæ fit secundum absidem, esse causam dixit, nempe quò nutat pondus eò à mouente impelli ac moueri. Primò igitur circularis sphaericæ figura in æquilibrio stat; æquales enim sunt partes quæ circa perpendicularem: ceu sunt *A F B*, *A G B*. si enim impulsus fiat ex parte *F*, pars opposita nutabit, & propendet in partem *G*, & suo nutu motuq; secum trahet partem *A F B*, fietque progressus. Si enim ducatur *F C G* diameter, ipsi horizonti æque distans, erit veluti libra, cuius pondera utrinque *A F B*, *A G B*, brachia verò æqualia *C F*, *C G*. Potentia autem quæ trahitur pellitur, ue ad instar ponderis se habet, quò addito partium alteri, factoque recessu ab æquilibrio, sequetur motus. Putauere quidam, ut refert Philosophus, circularē lineam, ita perpeti motu versatū iri, ut manentia, propter contrarium nixum, manent, neque enim circulus in plano contrarium nixum habet, cum sit, veluti dicebamus, in æquilibrio & facilis in utramuis partem moueri. Veruntamen perpetuum esse non posse horum corporum motum, ea est causa, quod violentum accadat naturæ, & ideo non durable. Ad hæc, addit Philosophus, Maiores circulos ad minores nutum habere quēdam; & nutum maioris ad minoris nutum, se habere ut angulos ad angulos, & diametrum ad diametrum. Angulos autem hīc sectores ipsos vocat; oportet enim circulos tum maiores tum minores circa idem centrum esse constitutos. Hæc autem non absimili ab eo quod suprà posuimus schemate explicantur. Est






Est enim circulus  
 A B circa centrum C,  
 Horizontis planum DE,  
 tangens circulum in B,  
 linea verò perpendicu-  
 laris per centrum B C A.  
 Sit autem circa idem cē-  
 trum C, minor circulus  
 F G, ducaturque C H se-

cus minorem circulum in I, tangens verò maiorem in H,  
 constituenſque cum A C linea angulum A C H, duos an-  
 gulos, ex Aristotelis mente comprehendentem, hoc est,  
 duos sectores A C H, F C I. quoniam igitur sector seu an-  
 gulus A C H, suo spatio superat angulum seu sectorem  
 F C I, faciliè ex nutu quem maior supra minorem habet,  
 maior ipse minorem mouet. Videtur autem tacitè Philo-  
 sophus hæc ad vectis naturam referre, cuius altera extre-  
 mitatum in centro sit, altera verò in abside, & ita se habe-  
 re nutum maioris supra minorem, vt vectis ad vectem, hoc  
 est, semidiameter ad semidiameterum, seu sector ad secto-  
 rem, quos quidem sectores, vt vidimus, angulos appellat.  
 Hæc autem quæ de nutu refert, licet subtilia sint, vera es-  
 se non videntur. Si enim in figura producatür ad opposi-  
 tam partem semidiameter H C in K secans minorem cir-  
 culum in L, duos alios sectores angulosque habebimus, nē-  
 pe K C B, L C G, ipsiſ A C H F C I æquales. Itaq; quan-  
 tum adiuuat motum anguli A C H maioris nutus, in de-  
 scendendo ad partes B, tantundem retardat anguli item  
 maioris K C B, contra nutus (vt ita appellem) in ascendē-  
 do ad partes A. & sanè quatenus ad reinaturam pertinet  
 & ad ipsum æquilibrium, non differunt maiores circuli à  
 minoribus, nec sunt maiores minoribus mobilioreſ, imo  
 ex aliqua ratione minores videntur fore ad motum faci-


liores, tum quia data materia æqualitate sunt leuiore,  
tum etiam quod maior est angulus contactus ad planum  
circumferentiæ minoris quàm maioris circuli, ut in subie-



Et a figura angulus ABC maior  
 est angulo DCB, in materiali ig-  
 itur circulo rotæ maiore sui  
 parte tanget planum DB circulus,  
 ipso AB, quicquid tamen fit,  
 mobiliore sunt maiores circuli  
 non quidem ex natura circuli,  
 quæ tam in maioribus quam in

ipsis minoribus est par, sed alij de causis, quas suo loco  
examinabimus.


Cæterùm vt aliquid de motu qui secundum abſidem fit, ex noſtro penu promamus, Dicimus, Circulos, rotasue, quæ hoc pacto mouentur, vel per horizon- tis planum mo- ueri, vel per accliu- , aut decliu- . Si autem per horizon- tis planum, ideo facilem eſſe motum, quòd nunquam, cæ- teris paribus , centrum grauitatis iplius corporis à centro mundi, in ipſa rotatione, fiat remotius.



*Est* enim planum  
horizontis AB, cui circulus  
insistat AD, circa centrum C,  
diuisus per centrū ipsum à  
perpendiculari ACD; Ducatur  
autem per centrum C recta linea  
horizontalis æquidistans, ECFG;  
dum diuidatur circulus ut-  
cunque in partes AH, HF, FI,  
ID, & CI, CH iungantur.  
Post hæc intelligatur circulus  
secundum absidem moueri ad  
partes G, erit igitur aliquando  
punctum H, tangens horizon-  
tis planum, tangat autem in K,  
tum F in L, I



tiam in mouendo ellipſim, haud pariter ſe habere, vt in mouendo circulum. ibi enim centrum grauitatis fertur per æquidistantem horizonti, hic verò modò attollitur, modò deprimitur, quod ſanè moleſtiam & difficultatem facit, Sed idem alijs figuris contingere, & maximè latera-  
ris, ita docebimus.




Est enim triangulum  
æquilaterum ABC, cuius  
grauitatis centrum E hori-  
zontis planum BD. Demit-  
tatur à vertice A perpendi-  
cularis horizonti AF transi-  
bit autem per centrum E,  
& bifariam diuidet basim  
BC in F. Sunt autem trian-  
guli ABF, ACF, æquales &  
æque ponderantes. angulus verò AFC rektus. Iungatur  
EC, erit igitur maior EC, ipsa EF. Rotetur itaque trian-  
gulum circa punctum C, fiatq; EC horizonti perpendi-  
cularis, sitq; GH, & per E horizonti parallela ducatur  
EK, motò igitur triangulo, centrum grauitatis E transla-  
tum erit in H, sed KC æqualis est EF, minor autem ipsa  
CH, eleuatur ergo centrum grauitatis ab E in H, nempe  
supra K, totum spatium KH. ex qua eleuatione fit in mo-  
tu difficultas. Idem prorsus eadem demonstratione osten-  
deretur fieri in quadrato & alijs lateratis figuris. Cur igitur  
in plano horizontis facillimè circularia, difficile autè  
laterata & quæ inæquales habent semidiametros, mo-  
ueantur, ex dictis clarè patet.

Ad hanc quæstionem illud quoque facit, cur per declivæ planum graviora corpora, & rotunda maximè; magno impetu dimissa, delabantur.

Est enim rota sphaerae aut Cylindrus CD, cuius centrum E, tangens declivè planum AB in D, quaeritur cur


cur dimissa hæc magni impetu deferantur ad partes B, Ducatur per gravitatis centrum E ad horizontem BK perpendicularis FEL secans declivæ planum in G, circumferentiam verò in H. opponitur autem EG angulo recto EDG, maior ergo EG ipsa ED, hoc est, EH, inter



circumferentiam igitur & planum declivæ, spatium intercedit H G. Ducatur item D I ipsi F G æquidistans. non transibit igitur per centrum E. minor erit igitur diametro C D, quare circulum in partes inæquales secabit, & non per gravitatis centrum, quod idem cum ma-

gritudinis seu figuræ centro supponitur. Dimissa igitur rota, contingit quidem planum decliue in puncto D. At centrum grauitatis premit secundam per lineam perpendicularem FG, non sustentatur autem in H, quippe quod inter planum & circumferentiâ intercedat spatium HG, nec H locum habeat cui innitatur, corpus autem ita per lineam DI est diuisum, vt longè maior sit pars I FCHD ipsa DI, & centrum in ea parte cadat quæ non fulcitur. itaque suo pte nutu, cum extra fulcimentum sit D & perpendicularem DI ad inferiores partes rapidè rotans delabitur. Ducatur autem perpendicularis GL, parallela MN, & quoniam BN breuior est BL, erit MN ipsa GL breuior. Est igitur punctum M mundi centro propius quàm D & G, quare eò non impedita rota ipsa suo nutu feretur, nec stabit donec infimum locū vbi quiescat nanciscatur. Possumus etiam Rota sphærae in plano decliui collocata, datam potentiam inuenire, quæ extremitati diametri ad eam partem quæ vergit applicata ipsam rotam sphæramue impediatur ne delabatur.

Eno



Esto planum inclinatum AB, cui Rota sphaerae insit tangatq; illud in C. Rota verò ipsa sphaerae DG, cuius centrum E, diameter verò DE G ipsi BA ad punctum contactus C, perpendicularis. Ducatur per C ipsi horizonti perpendicularis FCG circulum secans in G tum per

E ipsi CG perpendicularis, ipsi verò BF horizonti æquidistans HEI seu vectis, cuius fulcimentum I respondens ipsi G, pondus verò in E, ubi gravitatis est centrum. Applicata igitur potentia in H erit pondus inter fulcimentum & potentiam, quare ut IE ad IH ita potentia sustinens in H ad pondus in E, quod demonstrandum fuerat.


Quippiam simile ostendit Pappus 1.8. prop. 9. alijs tamen suppositis & consideratis. Dico præterea, hysdem stantibus angulum ECI æqualem esse angulo inclinationis CBF. Producat H I concurrens cum ipsa AB in K, concurreret autem propterea, quod CIK rectus sit, ICA minor recto, & quoniam HK parallela est horizonti BF alterni anguli IKC, CBF, æquales erunt. Similes autem sunt ECI, ECK, trianguli, estque ECI angulus æqualis angulo ECK, hoc est, ipsi CBF. unde sequitur, quo minor fuerit inclinationis angulus, eo facilius rotam sphaerae in plano inclinato sustineri. quo enim minor fuerit angulus ECI, eo minus latus EI & minor proportio EI ad IH, & ideo minor potentia sustinens requiratur in H. Cæterum acclive & declive planum nihil differunt nisi respectu.

His ita consideratis, admonet nos locus, ut pulcherrimam dubitationem diluamus. Quæritur, Cur maiores  
rotæ










in I. Ducantur etiam diametri maioris quidem LEM, minoris NGO, Tum à puncto  $\kappa$  perpendicularis ducatur ad GO, ipsa  $\kappa$ P, item à puncto I ad EM perpendicularis IQ. Dico EQ ad QL, minorem habere proportionem quam GP, ad PN. Connectatur G $\kappa$ , & ci per E parallela

ducatur ER, secans maiorem circulum in R, & ab R ipsi EM perpendicularis ducatur RS. quoniam igitur ER parallela est ipsi G $\kappa$ , erit GER angulus HG $\kappa$  angulo æqualis. Recti autem sunt HGP, GES reliqui ergo  $\kappa$ GP, RES ad invicem sunt æquales. Sed & ES R, GP $\kappa$  recti sunt, quare ERS G $\kappa$ P anguli æquales sunt, & trianguli GP $\kappa$  ESR, per pr. diff. l. 6. similes. Vt ergo G $\kappa$  hoc est GN ad GP, ita ER hoc est EL ad ES. Componendo igitur ut NP ad PG, ita LS ad SE. quamobrem si fulcimentum esset in S, pondus in E, potētia in L, idem fieret ac fiat fulcimento in P, pondere in G, potentia vero in N constituta. & id quidem si eiusdem ponderis utraque rota supponatur. Rursus quoniam ut D $\kappa$  ad totum circulum DF, ita DR ad totum DC. Minor est autem proportio DI ad totum circulum DG, ergo minor est DI ipsa DR. Maior ergo MI ipsa MR, maior ergo QI ipsa SR, propius ergo centro E est Q ipso puncto S, minor est igitur proportio EG ad LQ quàm ES ad SL. Minor ergo potentia requiritur in L ad sustinendum pondus E ex fulcimento Q hoc est I, quàm requiratur in N ad sustinendum pondus G ex fulcimento P, hoc est  $\kappa$ . Minor ergo potentia requiritur  
ad

ad transferendam maiorem rotam  $CD$  ultra offendiculum  $IV$ , hoc est,  $DH$ , quàm requiratur ad transferendam minorem ultra offendiculum  $\kappa T$ , hoc est  $HD$ , quòd fuerat ostendendum.

Ad hæc, quæri potest, quo pacto plaustrorum rotæ in ipsa plaustrî conuersione se habeant, nempe quæ sit linea illa curua, quam in conuersione describunt.



Esto rotarum in plano orbita, dū plaustrum rectâ procedit  $AB, CD$ , Sunt autem ipsæ lineæ, quod ostendimus postea, æquedistantes. Sit itaque punctum  $B$  illud in quod rota quæ per  $AB$  fertur, eò delata planum

tangit.  $D$  verò alterius rotæ atque plani contactus. Igitur dum plaustrî sit conuersio, punctum  $D$  conuersionis sit centrum. Stat enim interim rota & circa lineam conuertitur, quæ à puncto contactus  $D$  per rotæ centrum ducta horizontis plano est perpendicularis. ea autem stante, rota quæ in  $B$  circa centrum  $D$  semicirculū pertransit  $DEF$ , ubi autem rota  $B$ , peruenerit in  $F$ , plaustrum iam in oppositam partem conuerso, rota quæ est in  $D$  per lineam  $DC$ , quæ verò in  $F$  per rectam  $FG$  mouetur, plaustrique sit regressus. Et quoniam vel  $D$  in ipsa conuersione stat omnino nec quicquam progreditur, ut in prima figura, vel non stat ut in secunda, quo casu portionem parui circuli describit, ipsi maiori circulo & exteriori concentricam. Vnde colligimus, Plaustrorum conuersiones flexionesque semper circa centrum, & concentricorum circulorum portiones fieri. Hinc etiam discimus, cur veteres, ut ex antiquis co-

gnoseimus vestigijs, circos in quibus cursus quadrigarum fiebant ea forma quæ apparet, efformauerint. Hoc etiam theorema probamus.

Cylindros, quorum bases axi sunt perpendiculares, dum in æquator plano conuoluuntur, rectâ incedere & per parallelas, quarum distantia axis seu latoris longitudine præfiuntur,



Est enim Cylindrus ABCD, cuius axis GH, horizontis plano insistens secundum latus AB, cui latus oppositum & æquale CD. Moueatur Cylindrus rotans, donec latus

CD, in plano sit vbi EF. Describat autem circuli CB lineam BF. Circulo verò AD lineam AE. Dico eas rectas esse, & parallelas. Si enim superficies basium DA, CB, extendantur ita vt horizontis planum secent, illud secabunt iuxta lineas AE BF, recta ergo est vtraque. Sed, & parallelas esse ad inuicem ita ostendimus. quoniam semicirculus AD, æqualis est semicirculo BC, erit linea AE, æqualis lineæ BF, sed & AB, æqualis est ipsi DC, quare & ipsi EF. Opposita igitur quadrilateri figura ABFE latera æqualia sunt, quare EF æquedistat ipsi AB, tum AE ipsi BF, quod fuerat demonstrandum.

Probabimus etiam si cylindri bases axi perpendiculares non fuerint, & ideo ellipses in ipsa rotatione per planum, parallelas quidem describere, sed non rectas.

Est enim Cylindrus ABCD, cuius bases ellipses inuicem æquedistantes, quarum axes longiores AB, CD, Communis autem sectio cylindri & plani ad axem & horizontem planum perpendicularis EHF. Diuidatur autem semicirculus



quibus ita dispositis per puncta  $\sigma, \nu, \lambda, \kappa, \eta$ , item per  $\pi, \xi, \mu, \theta, \zeta$ , ducantur lineæ  $\sigma\eta, \pi\zeta$ , curvæ quidem & eodem pacto aliz curvæ illis respondentes  $\eta\rho, \zeta\sigma$ , Erunt igitur  $\sigma, \nu, \rho, \pi, \zeta\sigma$ , parallelæ quidem eo quod lineæ quæ inter ipsas ducuntur, parallelæ sint & æquales, non tamen rectæ illæ, sed curvæ. Moto igitur Cylindro circulus EHF rectam describet  $\alpha\epsilon$ , ellipsis verò AMB, curvam  $\sigma\eta\rho$ , ellipsis autem DNC, ipsam curvam  $\pi\zeta\sigma$ . In hoc autem Cylindri motu illud mirabile, velociore nempè, in ipsa rotatione esse ellipses ipso circulo EHF. Ducatur enim recta  $\sigma\rho$  quæ occurrat ipsi VS in S, &  $\sigma\eta$  iungatur, fietque triangulum  $\sigma\eta S$ . est autem, angulus  $\sigma\eta$  rectus, maior ergo  $\sigma\eta$  ipsa  $\sigma S$ , sed recta  $\sigma S$  æqualis est ipsi  $\alpha\nu$ , hoc est, semicirculo FHE. multo maior est autem curva,  $\sigma, \nu, \lambda, \kappa, \eta$ , ipsa recta  $\sigma\eta$ , sed eodem tempore quo semicirculus EHF conficit in rotatione spatiū  $\alpha V$ , eodem dimidia ellipsis BMA metitur curvam  $\sigma\nu\lambda\kappa\eta$ . velocior igitur est ellipsis ipso circulo.

Hæc quoque speculatio ad motum qui secundum absidem fit, manifestè pertinet. Coni, quorum bases circuli sunt, si in plano secundo latus rotentur, basi circulum describunt, cuius centrum immobile coni ipsius est vertex, semidiameter verò ipsum latus.



Esto conus ABC cuius vertex C basis AB, axis DC, basis verò centrum D, latus quo planum tangit BC, secatur itaque Conus per latus BC & axem DE à plano horizonti perpendiculari, cuius & coni communis sectio est ABC

triangulum, & quoniam coni gravitatis centrum est in

axe

axe ipso, conus in partes æque pōderantes secatur A E B C, A F B C, stat ergo conus sibi met æquilibris. Si autem à potentia quadam moueatur, puta ab A versus F, trahitur semicirculus B E A, à semicirculo A E B, & ita fit rotatio. Itaque si imaginemur, infinitos vsque ad verticem parallelos b. si circulos, eorum semicirculi in ipso motu & trahent & trahentur; at cum ad verticem circuli desinant, nec ibi semicirculi sint qui trahant & trahantur, motus rotationis prorsus cessat & vertex ipse immobilis fit rotationis centrum. Quoniam igitur lateris B C, punctum C stat, B verò circa ipsum mouetur, in ipso motu circulus describitur B H I K, cuius semidiameter B C, & eodem pacto alij circuli in cono, qui basi H E B F sunt æque distantes, circulos in plano circa idem centrum describent, vt facile videre est in obiecto schemate. Huic similem demonstrationem affert Heron in libello Automatum, quem nos Tyrones adhuc vernacule è Græco translatum, Venetijs prælo subiecimus.

Porrò si conus rotundus pro basi ellipsim habeat, sectionem videlicet per planum axi non perpendiculari, in ipsa rotatione, stante vertice, ellipsis basis, ellipsim describit in plano, cuius maior diameter à puncto quod coni vertex est, ita diuiditur, vt diametri pars maior æqualis sit lateri maximo; minor verò æqualis lateri minimo. Sed hæc ad aliam pertinent speculationem.

His itaque de motu rotundorum, qui circa absidem fit, consideratis, reliquum esset de motu trochlearum, qui circa centrum fit, opportunè agere, sed cum in sequenti quæstione de hoc sermonem faciat Philosopher, ad ea quæ ibi disputabuntur, lectorem ablegamus.

Modò de tertia motus specie nobis erit sermo; in qua quidem specie nonnulla perpendemus, quæ omisit Aristoteles. Agitur autem hic de rotundorum corporum  
motu,



motu, qui fit circa axem horizonti perpendiculararem, axis altera extremitate in eodem horizontis plano manente, uti videre est in ipsis figurarum rotis.


Hanc motus speciem in extrema quæstionis parte cum duabus alijs speciebus comparans ait, eam quæ in obliquo fit motionem (ita enim hanc, de qua agimus, appellat) ipsam impellere mouentem, hoc est, nullum ex se ad motum propensionem habere, nutumque, & omnia illi esse à motore, secundum verò eam motionem, quæ supra diametrum est, se ipsum mouere circulum. Dixerat enim, ea referens quæ superius circa principium de circulo verba faciens, examinauerat, circulum ex duabus fieri rationibus, altera præter, altera verò secundum naturam, & ideo hanc semper nutum habere, & ceu continuo motam ab eo moueri qui mouet. Videtur autem clarè profiteri, ideo difficiliorem esse huius tertiæ speciei motum, eo quòd nutu careat proprio & tantum ab alieno, ut ita dicam, motore, moueatur.

Veruntamen motum hunc facilitate alijs illis duobus nequaquam cedere, facilè ex sequentibus ostendemus.

Primo, quia pondus totum rotati corporis, ex gravitatis centro quod in ipso axe est à plano cui nititur, sustentur: minima quidem sui parte axe ipso tangente planum unde fit, nullam ferè dum rotatur corpus, circa centrum ubi nititur, frictionem partium fieri. Præterea gravitatis centrum semper stat, nec minimum quidem in ipsa rotatione atrollitur, quod sanè cum naturæ sit repugnans, difficultatem facit. Ad hæc circa axem ita libratur rota, ut quantumvis exigua potentia alteri parti applicetur, altera illico superata moueatur. Licet enim propriè ea tantum corpora æquilibrare dicantur, quæ ob ponderis hinc inde æqua-



æqualitatem horizonti fiunt æquidistantes, nihilominus  
& hic aliquam esse æquilibrj similitudinem parebit.



Esto enim rota ABCD, cuius axis horizonti perpendicularis FEG transiens per centrum E, tangens autem planum in puncto G. Ducatur diameter BED, itaque si per diametrum BED, & axem FEG corpus diuidatur, eo quod centrū grauitatis in axe inueniatur, corpus ipsum in duas partes tū

mole tum pōdere æquales secabitur, nempe BAD, BCD. Nulla igitur adhibita vi extranea stabit corpus in quodā, vt diximus, æquilibrio. At alteri partium potentia quauis licet exigua appositā, puta in C, præualebit pars BCD, & partem BAD vel impellet vel rapiet, alterā ingerim eius motui obsequente. Potentia igitur quæ in C, nullam rem quæ impediatur inueniens, velocissimè rotam mouet, quod eo facilius velociusque fit, quo magis rota est in motu, eius verò diameter maior & potentia mouens à centro remotior, & sanè motus facilitatē inde cognoscimus, quod ipso impulsore ab impulsu cessante, diutissimè rota impressum motum seruet, nec nisi post longam rotationem omnino quiescat.

Cæterum quia sicco, vt aiunt, pede Aristoteles quæ ad hunc motum pertinet pertransijt, nos quædam quæ ad hanc rem faciunt, diligentius expendemus.

Quærimus igitur primò; Cur ea quæ hoc pacto rotantur, in ipsa rotatione locum non mutant, nisi extrinseca aliqua id fiat ex causa.

Esto enim rota aut aliud quippiam rotundum ceu Turbines sunt, quibus pueri ludunt, quod circa axem horizonti



rizonti perpendicularem moueatur, ABCD, cuius centrum E, Diameter AEC. Modò circa centrum E infiniti imaginentur circuli, alij alijs minores vsque ad centrũ ipsum, vti sunt FGH; ibi enim circuli esse desinunt, vbi nullum amplius est spatium. Applicetur itaque potentia in B, quæ rotam vigeat versus A.

eodem igitur tempore & insimul A versus D, D versus C, & C versus B mouebitur. quantum enim semicirculorum à parte CBA transit ultra diametrum AEC, tantumdem semicirculorum, qui sunt ad partem ADC, transibit ad partes CBA. At vbi desierit motus, ibi desinit rotatio; vbi autem desinit spatium, desinit motus, sed vbi desinunt circuli, desinit spatium, quare in centro cum non sint circuli, nec spatium ibi desinit motus. nulla enim adest ratio, cur ipsum corpus alio à loco in quo est, ex rotatione transferatur. Stat ergo rotans, quod fuerat demonstrandum. Est autem hæc demonstratio ei similis, quam suprà retulimus de coni in plano circa verticem rotatione, quam ab Herone in Automatis excogitatam diximus.

Addimus in hoc rotationis genere corpus in ipso motu fieri leuius, idque eo magis, quo rotatio velocior. Causa est, quod lateralis motus eum motum aliqualem impedit, qui ex naturali gravitate fit ad centrum, idcirco experientiâ docemur, leuissimos esse turbines, quibus pueri ludunt, si manus teneantur palmâ, dum citissima rotatione mouentur.

Ad hæc alia proponitur, & soluitur questio, Cur rotunda corpora huic motionis generi sint aptiora.

Exploratissimum est, corporum, quæ ita mouentur, par-

partes eo esse velociores, quo magis à centro, circa quod mouentur, fuerint remotiores. maius enim eodem tempore spatium pertranseunt. quo igitur figura ijs partibus, quæ longius à centro absunt, abundauerit magis, eo facilius, & velocius in circulum rotata mouebitur. Modò ostendemus, circularem cæteras omnes ea qua diximus partium à centro remotissimarum copiâ abundare.




Esto triangulum puta æquilaterum ABC circa centum D. Ducantur Catheti per centrum ab oppositis angulis ad opposita latera ADG, BDF, CDE, erunt autem lateribus perpendiculares. quoniâ igitur latera AD, DB, DC, rectis angulis subtenduntur, maiora erunt lateribus DE, DF, DG. tres igitur lineæ in hoc triangulo sunt longissimæ DA, DB, DC. tres verò breuissimæ DE, DG, DF, quamobrem rotato super centrum D triangulo, tres tantum partes eius ABC velocissimæ erunt, tres verò tardissimæ E, G, F. Minus igitur apta est motui huic triangularis figura, quam quadrata, in qua partes à centro remotissimæ, & ideo velocissimæ sunt quatuor. Itaq; quo magis laterata figura angulis abundabit, eo magis erit ad hunc, & cæteros omnes circulares motus aptior. At circulus infinitas, vt ita dicam, partes à centro remotissimas habet, itaque nulla figura est circulari, in ipsa rotatione, commodior atque velocior. Alia quoque de causa id fit, quod dum circularis figura mouetur, nullis eminentibus angulis aërem verberet circūstātem, ex qua verberatione motus impeditus sit tardior. Quæri etiam potest, Num axe inclinato, rotæ motus aliquo modo impediatur? Nos negatiuam partem amplectimur.



niam quanto maior fuerit illa quæ à centro est, in æquali tempore maius mouetur spatium. quomobrem æquali existente onere idem faciet. Ita enim dixerat de librarû natura, & differentijs agens, maiores minoribus exactiores esse. Circulos verò libras, in quibus centrum spatium, semidiametri hinc inde æqualia brachia.

Quod vltimo loco affirmavit, trochleas esse instar librarum, verum est. Quod autem dixit, facilius & celerius mouere maiores libras ijs quæ minores sunt, si simpliciter intelligatur, falsum, quippe quod facilitas motus, in tractorijs machinis velocitati sit contraria, quod demonstravit Guid. Vbald. in tractatu de Trochlea in 2. Corollario propositione vltima.

Ad id autem quod dixit, quo maiores fuerint trochleæ, eo facilius mouere, non est, vt dicebamus, simpliciter verum, quod facile ostendemus.



Esto enim trochlea AB circa centrum C, appensa in puncto D, perpendicularis quæ ad mundi centrum DCE, pondera æqualia vtrique appensa FG. Esto item alia Trochlea, eaq; maior HI, circa centrum K appensa in L, perpendicularis, quæ ad mundi centrum LKM, æqualia

pondera vtrunque appensa N, O. Dico maiorem HI ipsa minori DE facilius pondera non mouere, eo quòd sit maior, illa verò difficilius, propterea quòd sit minor. Etenim, quoniam vtraque trochlea per centrum grauitatis à perpendiculari diuiditur, erunt partes DAE, DBE, & quæ ponderantes. Eadem ratione ipsæ quoque LHM, LIM & quæ ponderabunt. Itaque si quantumuis pusilla pondera addas, vtrique earum ad alteram partem tollitur æquilibriū, nec minus requiritur pondus vt recedat ab æquilibrio Trochleæ minor, quàm maior. Vnico autem verbo concludi potest disputatio, tã in minori quàm in maiori, brachia siquidem bifariam diuiduntur, ergo in vtrique eadem brachiorum proportio, & eadem ponderum ratio.

Exploratissima sunt hæc. Veruntamen cùm res ipsa doceat, verum esse quod scribit Aristoteles, huius effectus causa aliunde à nobis, nempe à mechanicis principijs, est mutuanda. Dico igitur, Axium, circa quos trochleæ rotæ conuertuntur ad rotas ipsas, varias habere proportionem. Ostendemus autem rotam illam, trochleamue facilius moueri, & mouere pondera, quo rotæ diameter ad axis diametrum maiorem habuerit proportionem, & ideo fieri posse rotam maiorem ad suum axem minorem habere proportionem quam rotam minorem ad suum.




Esto enim trochlea ABCirca centrum C, cuius diameter DCE sit in ipsa quæ ad mundi centrum perpendiculari: sit autem appensa in D. Alia similiter ei æqualis sit trochlea F G circa centrum H, cuius diameter IHK, conueniens cum

cum perpendiculati quæ ad mundi centrum. appendatur autem in I. Habeant autem & axes, circa quos conuertantur. H. si æquales fuerint, proportionem non mutatâ idem operabuntur. Modò ponantur inæquales, sitque axis rotæ AB, crassior axe rotæ FG, sitque crassioris quidem semidiameter CL, subtilioris autem HM. Dico per trochleam FG facilius attolli pondera æqualia quàm per AB, licet altera trochlearum alteri sit æqualis. Quoniam enim mechanica corpora sine materia & pondere non sunt, onera appēsa & trochlearum ipsarum grauitas ex superiori parte prement axes, ubi puncta L, M, quæ res, secutâ inuicem corporum solidorum fricatione, motum ipsum trochlearum difficiliorem & asperiores facit. Succedit igitur impedimentum loco ponderis. Duos igitur habemus vectes DC, IH, quorum fulcimenta contra ipsa C, H. Pondera verò inter fulcimenta & potentias in L, M. Intelligantur autem potentia applicata punctis DI. Igitur ex natura eiusmodi vectis, in quo pondus inter fulcimentum est & potentiam erit vt CL, ad CD, ita potentia in D ad pōdus, hoc est, resistantiam fricationis, quæ fit in L. Sed maior est proportio CL ad CD quàm HM ad HI. Maior igitur ad superandum idem seu æquale impedimentum potentia requiritur in D, quàm in I. Itaque cum vis tota in rotarum & axium, diametrorum proportionem consistat, fieri potest, quod dicebamus, minorem trochleam dari, quæ maiorem habeat proportionem ad suum axem, quàm maior ad suum, quo casu minor rota facilius impedimentum, quod diximus, ipsa maiori rota seu trochlea superabit. Veruntamen quoniam ex materia sunt tum axes tum rotæ, nec rei natura patitur axes subtile, & imbecilles magna pōdera sustinere posse, idcirco crassiores sunt, quæ crassitudo cum proportionem magis à magnarum rotarum diametris superetur, sit hinc maiores rotas datâ axium paritate




ritate facilius impedimentum superare quàm minores, & hoc videtur sensisse Philosophus in ipsa quæstionis huius propositione, Hinc aurigæ vulgo axungia (quæ inde nomen trahit) axium asperitates mitigant, vt minor in rotando, ex fricatione fiat resistentia. Concludimus igitur, facillimè trochleam illam pondus trahere, quæ cum maxima sit, axem habet minimum, eumque axungia aliaue vntuosa materia perfusum. De manubrijs, quæ rotarum axibus aptantur, nemo ferè verba fecit; nos igitur de his aliquid; siquidem res ad speculationem, qua de agimus, nēpe Mechanicam pertinet.

Manubria vestes sunt, & ad vectium naturam reducuntur, eorum scilicet, in quibus fulcimentum est inter pondus & potentiam. In his autem attenditur proportio, quam habet manubrij longitudo ad ipsum axis semidiametrum, eo enim facilius mouent, quo eorum longitudo ad axium semidiametros proportionem habuerit maiorem. Duabus autem partibus constant, altera, quæ ab axe ad angulum; quæ verè vectis est, altera, cui manus ipsa admouetur, ex qua res tota manubrium dicitur. Fiunt autem manubria hæc vt plurimum amouibilia, sunt tamē ceu rotarum ipsarum partes, & rotis ipsis commodè affigerentur, nisi in rotatione à transuersarijs, quibus rotæ sustinentur, impedimentum fieret.



Est enim rota AB, cuius axis E, terebretur autem in F, ibique paxillus affigatur FK. Sit & alia rota CD, cuius axis G, manubrium axi appositum GHI. Sint autem rotæ æquales & axes æquales. Sint etiam æqualia ipsa spatia EF, GH, hoc est, manubrij

nubrij GHI longitudo. Dico, eâdem facilitate moueri AB rotam à potentia in FK, quâ mouetur CB, à potentia posita in HI, datis ipsi nempe potentijs æqualibus. Producantur enim IH, vsque ad rotæ CD latus in L, & LG ducatur, & FE in rota AB iungatur. Erunt igitur FE LG inter se æquales. Sunt autem eorum circularum semidiametri, qui à punctis FL, in ipsa rotatione describuntur. Ita igitur se habebit potentia applicata in L ad diametrum semidiametrumue axis rotæ CD, vt se habet potentia applicata in F, ad diametrum semidiametrumue axis E rotæ AB, sed spatia sunt æqualia & potentiz æquales, quare nihil refert, vtrum manubrium lateri affigatur, vel axi à latere rotæ separatim applicetur.



Duplex autem est manubriorum forma; altera enim rectis partibus constat, altera verò curua est tota, sed rectis vtimur vt manibus appendamus, curuis verò vt locum illis apponamus, & pedis pressione ceu in molis lapideis, quibus

gladij acuantur, fieri assolet, conuertantur. Cur autem manubria hæc curua fiant, ea videtur ratio, ne videlicet manubrij capite supra centrum in linea quæ per centrum transit, cõstituto, factâ interim pressione motus à centro, ad quod directè fieret pressio, impediretur. Curuitas autè facilitatem quandam habet, ex qua factâ modicâ flexione axis caput, dum premitur ab ipsa perpendiculari linea leniter abducitur. quæ cum cessent in manubrijs quæ manu aguntur, ideo alia forma, nempe ex rectis partibus passim sunt. Esto igitur illud quod ex rectis partibus AB, curuum verò CD, linea verò, secundum quam pede fit pressio

L

CDE.


CDE. Hæc itaque de manubrijs seu vectibus nos considerasse sit satis.

Quæri interim posset, Cur duabus datis rotis æqualis magnitudinis in æqualis ponderis, circa æquales axes constitutis leuior facilius moueatur & citius quiescat; grauior verò difficilior moueatur & tardius cesset à motu, ea videtur ratio, quod grauior resistens magis cum superatur impressam vim sulcipit, & diutius retinet, quod cessat in leuiore.

### QVÆSTIO X.

*Dubitat Aristoteles, Cur facilius, quando sine pondere est, moueatur libra, quam cum pondus habet. Simili modo rota, & eiusmodi quidpiam, quod grauius quidem est, item quod maius & grauius minori, & leuiori?*

**B**Reuiter autem soluit. ait enim, An quia non solum in contrarium quod graue est, sed in obliquam etiam difficulter mouetur? In contrarium enim ei ad quod vergit onus mouere difficile est, quo autem vergit, est facile. In obliquum autem haudquaquam vergit. Nos quod ipse non fecit figurâ ipsa appositâ rem clariorem faciemus.




Esto libra AB, cuius fulcimentum C, pondera vtrunque appensa AB, quorum vtrumque ponderet 10. Item libra DE, cuius fulcimentum F pondere vero appensa D, E, ipsi A, B, dimidio leuiora, nēpe S. Addatur ponderi B pondus G, & ponderi E pondus H, quorum similiter vtrumque ponderet S, nutabunt igitur librarū ponderibus apposis, &

BG

BG fecetur in K, EH verò in N, grauius est autem GB, est enim IS, ipso EH, quod est 10. Difficilius autem descendet BG, quàm EH. hoc autem ex doctrina Aristotelis, quia non solum in contrarium quod graue est, sed in obliquum etiam difficulter mouetur, in contrarium enim ei ad quod vergit onus mouere difficile est, quò autem vergit facilè in obliquum autem puta per lineas BK, EN non vergit onus. Difficilius ergo in obliquum mouebitur pondus BG ipso pondere EH. vtrumque autem in descensu retrahitur nempe à perpendicularibus BI, EM & retractionis quidem anguli sunt æquales & æquales ipsæ retractiones. Sed grauius est pondus GB. quod autem grauius est, violentius descēdit eo quod est leuius, maiori igitur nisu atque impetu cum cætera paria sint, descendet pondus BG, ipso EH, quod è diametro Aristotelis assertioni est contrarium. ex alijs igitur principijs veritas ipsa est eruenda. Dicimus autem id ex proportionum fieri in æqualitate; quia enim is ad 10. proportionem habet sesquialteram. 10. verò ad 5. duplam, maiorem præportionem habet EH ad oppositum pondus D, quàm BG ad pondus A, facilius ergo trahet libra DE leuior pondus D, quàm ipsa AB, grauior pondus A, quod vtique fuerat ostendendum. Alia quoque caussa & hæc accidentalis ad hunc effectum pariendum concurrit, axium nempe ad fulcimenta, in quibus rotantur, fricatio. quo enim maius est pondus cæteris paribus, quod nos in præcedente quæstione demonstrauimus, eò maior fit ipsa collisio.

Porro huius quoque speculationis est, Cur æqualia & similia corpora in æqualibus similibusque basibus constituta eodem similiq̃ plano sulca, ponderibus tamen in æqualia, non eadem facilitate euertantur, sed horum grauiora difficiliora.



Sit enim Prisma seu  
Cylindrus ABCD, cuius  
grauitatis centrum E in  
plano CI, basi fultus CD.  
Sit & alter Cylindrus  
FGHI, cuius grauitatis  
centrum K fultus basi HI  
æqualis quidem & similis

ipfi AD. Sit autem grauior FGHI, ipso ABCD. Dico, pari  
potentiâ vtrumque impellente, facilius euerfum iri Cy-  
lindrum AD, ipso FI. Ducantur EC, KH, & æquales po-  
tentiz applicentur punctis BG, pellentes Cylindros ad  
partes AF. Euerfio autem non fiet donec facta corporis  
conuersione circa puncta CH, grauitatis centra E, K trās-  
feruntur in L, M, in ipsis scilicet perpēdicularibus ACFH.  
Demittantur EN, KO, perpendiculares ipsis CD, HF. Et  
quoniam CNE, HOK anguli recti sunt, erunt EC KH i-  
pfi EN, KO, maiores, quare & LC, MH ipfi EN KO, ma-  
iores attolluntur ergo in ipsa euerfione, grauitatum cen-  
tra E in L, K in M. At quod grauius est, difficilius contra  
sui naturam mouetur, ideo difficilius euertetur corpus  
FI, ipso AD, quod fuerat demonstrandum.

### QVÆSTIO XI.


*Dubitas Philosophus, Cur super scytalas facilius portentur onera  
quàm super currus, cum tamen ij magnas habeant rotas,  
illa verò pusillas?*

**O** Primè responderet dubitationi. An, inquit, quoniam  
in scytalis nulla est offensatio; in curribus verò axis  
est, ad quem offendant. Desuper enim illum premunt, &  
à lateribus, quod autem est in scytalis ad isthæc duo mo-  
uetur & inferiori substrato spatio, & onere superimpoli-  
to,

to, in vtrisque enim ijs reuoluitur locus circulus, & motus impellitur. Tam appositè paucis verbis veritatem explicauit, vt ferè quicquid insuper addatur, superuacaneum videri possit. quicquid tamen sit, ad maiorem claritatem aliquantulum in hac ipsa quæstione immorabimur.

Rotatas scytalas proponit hîc Aristoteles. Coniunctas autem esse rotas ipsis scythalis est intelligendum, nempe, vt simul rotæ cum scythalis conuertantur. Secus enim axium & Rotarum fieret offensatio, cuius offensationis vim & effectum cum nouerit Aristoteles, vel hoc ipso loco recte, mirum est, nihil de ea egisse quæstione, vbi nos hæc de re fusissimè tractauimus.

Cæterum quod de rotatis scythalis scribit Philosophus, notandum, à Pappo quidem lib. 8. & à nostris Mechanicis passim absque rotis Cylindrica simplici videlicet, & tereti formâ ad vsum adhiberi.




Est igitur Aristotelis quidem scytala AB, Pappi verò seu vulgaris, & communis CD. His non modò lapidæ passim, sed & nauæ nauiumque fabri subducendis & mari inducen-

dis nauibus vtuntur, quod varare dicunt vernaculè, Hispanico, vt arbitror, vocabulo. ea enim natio teres lignum baculumue appellat Varam.

Quæri autem posset, vtra harum formarum sit vtilior atque commodior? Nos rotatas laudamus magis in plano duroque solo, minus enim tangunt & minus offendant; in molliori autem & minus duro proponimus non rotatas, siquidem rotæ sui naturâ pondere pressæ solum facillimè scindunt & absorbentur.


Quatenus autem ad vsum pertinet. Esto horizontis



planum AB, scytalę duę  
CD, EF, Pondus verò  
eis impositum G, tan-  
gens ipsas in pñtis CE,  
scytalę autem planum  
in punctis D, F, Pellatur  
à potentia quapiam pō-  
dus Gad anteriora, nē-

pe ad partes E, rotābuntur igitur scytalę & pars quędam  
scytalę D, in qua sit contactus ascendet in I, C verò de-  
scendet in H, nulla remotum impediēte, quippe quòd  
nulla ponderis scytalarum, & plani ad inuicem fiat offē-  
satio: Pręterea cum scytalarum centra ab horizontis pla-  
no æqualiter distent, pondus quidem horizonti æquidi-  
stanter mōuetur, & ideo eius centrum grauitatis nequa-  
quam, in motu qui sit, eleuatur.

Cęterum materię imperfectione remota nihil re-  
fert ad facilitatem, vtrum maioris minorisue diametri  
sint scytalę, vt ea posita eo quod maiores circuli facilius  
offendicula superent, quod demonstratum est in quęstio-  
ne 8. eo vtiliores sunt scytalę, quo crassiores. Quatenus  
autem ad plaustrı naturam spectat, cuius ad scytalas Phi-  
losophus fecit comparisonem, vt ostendamus difficilius  
ex eo moueri pondera,




Esto plaustrı rota  
KL, cuius centrum M, a-  
xis verò NO circa quem  
rota ipsa conuertitur KL.  
Funis quo rota ex axis  
centro M trahitur MP,  
pondus vero QR. Quo-  
niam igitur pondus axem

premit in N, axis autem rotę modiolum in O, & eodem  
tem-



tempore potentia quæ trahit in P, axem admouet modioloin parte V. duplex itaque fit ex fricatione seu offensione impedimentum, infra nempe, vbi O, & ad latus vbi V. quæ quidem offensiones currus motum reddunt difficiliorem, quæ quidem difficultas eo maior erit, quo maior fuerit pondus axem premens, & minor proportio semidiametri rotæ KM, ad axis semidiametrum MO. Cur igitur scytalis facilius pondera transferantur quam plaustris, apertè ex dictis ad Aristotelis mentem demonstrauimus.

Cæterùm quod ipse reticuit, nòs dicemus, nempe validissimè enormia pondera per scytalas moueri, si scytalis ipsi veætēs adiungantur. Et sanè motus erit tardissimus, veruntamen tarditas ipsa facilitate, quæ inde fit, vberimè compensatur.



Esto igitur horizontis planum AB, scytalæ CD, foramina in scytalis EFGH, veætēs foraminibus inserti IE, KF, LG, MH. Pondus vero scytalis impositum N. Applicatis igitur quatuor potentijs extremitatibus veætium I, K, L, M, iisque in anteriora propulsis, fiet scytalarum rotatio,

tio, & ponderis N translatio ad anteriores partes B. Esto item seorsum scytala PR, cuius centrum Q, vectis eidem per centrum insertus O, P, Q, R. facta igitur vectis motu OPQR fiet ex O; centro autē Q circuli quadrans OT. existente igitur O in T erit P in S. facta quartæ partis ipsius scytalæ rotatione. Et quoniam ex eodem centro sunt quadrantes PSOT. erit ut OQ ad QP. ita quadrans OT, ad quadrantem PS. Maxima autem est proportio OQ, ad QP. Maxima igitur proportio OT ad PS. Ex magno igitur motu O ad T, parvus sit scytalæ motus à P in S. tardius igitur progreditur scytala, quæ longioribus vectibus rotatur, vis tamen maxima, quippe quod ut se habet QP, hoc est, QR ad QO, ita potentia in O ad pondus quod premit in P. vel in V. Facillimè itaque pondera vectibus & scytalis per horizontis planum transferri, existis pater.

### QVÆSTIO XII.

*Quæritur, Cur Missilia longius funda mittantur quam manu, præsertim cum proyicienti funda pondus addatur lapidæ seu missilis ponderi: & minus missili, manu proiecto, comprehendatur?*

SOLUIT Philosophus, inquiens, fortè ita fieri, quòd funditor missile proyiciat iam ex funda commotum, siquidem fundam circulo subinde rotans, iaculatur, ex manu autem à quiete est initium. Omnia autem cum in motu sunt, quàm cum quiescunt, facilius mouentur. Addit præterea, An & ob eam causam est, sed nec minus etiam, quia in fundæ usu manus quidem sit centrum, funda verò quod à centro exit: quanto igitur productius fuerit quod à centro est, tanto citius mouetur; iactus autem, qui manu fit, fundæ respectu breuior est.

Hæc Philosophus. Et sanè perquam appositè, itaq; illi

illi prorsus assentur, nisi pro comperto haberem, in laetū qui fundā sit, non esse manum ipsam motus centrum, sed potius partem illam brachij, quæ humero iungitur, & ideo motum eo fieri velociorem, quo longior est linea quæ ab humero ad summitatem fundæ est, ea quæ ab humero ad manum ipsam. Illud quoque mirabile est, quod non obseruat Aristoteles, nempe à funditoribus in ipso eiaculandi actū, tardam fieri circa caput fundæ rotationem. Quamobrem considerandum est, quo pacto fiat à tarditate velocitas. Respondemus, velocitatem acquiri non ex simplici, quæ circa funditoris caput sit, rotatione, sed ex eo impetu qui fit in ipsa lapidis emissionē, qui quidem impetus si ante vel post illud tempus fiat, quod à funditore captatur, cassa prorsus & inualida sit ipsa iaculatio.

Esto fundā AB, manus B, brachium BC. Ut igitur se habet CH, ad CB, ita velocitas AD ad velocitatem BE; Vidimus nos pueros, arundini ad caput scissæ, paruos lapides inferentes, arundinemque manu rotantes longissimè lapides ipsos proijcere; Arundo FG, lapis F, manus G, brachium GH.

### QVÆSTIO XIII.


*Quæritur, Cur circa idem iugum, maiores collopes (velles sunt, quos alij scythalas appellant, ut Pappus & Heron) facilius quàm minores mouentur: & item sucula, quæ graciliores sunt eadem vi quàm crassiores?*

**I** Deo hoc fieri posse docet Philosophus, quod tam iugū quam sucula cētrum sit, prominentes autem collosum

M

longi-

longitudines ex lineâ quæ sunt à centro. Celerius autem moveri & plus ab eadem vi quæ maiorum sunt circularû quàm quæ minorum. quippe quod ab eadem vi plus trãsseratur illud extremum quod longius à centro distat. In gracilioribus verò fuculis datâ collopum paritate plus est id quod à ligno distat.



Estio iugum fuculae maior, AB circa centrum C, minor verò circa idem centrû DE. Collops autê AF, pondus quod per iugum attollitur G. Attigitur Aristoteles, iuculas, iugae AB, DE seu centra esse, à quibus extat collops AB, ex maiori quidem, totâ sui parte BF, ex minori autem EF. quo igitur, ait, longior fuerit collopsextans, eo maior, & ideo velocior ad partê F per maiorem circulum FH, fiet collops minor & ponderis eleuatio, at maior est collops EF quàm BF, facilius ergo mouebitur pondus per fuculam DE, ex collope EF, ab eadem vi, quam per fuculam AB, & collopem BF.

Hæc censisse videtur Aristoteles, qui crassa, vt aiunt, Minerua rem pulchram & subtilem est prosequutus. Dicimus igitur primò, instrumentum illud quod Latini fuculam, id est, serofulam, à stridore arbitror qui in conuersione fit, appellauere, Græci verò ὄρον, id est, Asinum, quippe quod ceu Asinus pondera sustineat portetque. Hanc eandem Machinam veteres Mechanici vocauerunt Axem in Peritrochio, cuius nos imaginem, è Pappo in 8. Collect. Mathematicarum desumptam in ipso huius nostri operis initio, inter quinque Potentias proposuimus. Huius vim inter antiquos diligentissime examinauit Heron, & ipse.


ipsemet Pappus, inter iuniores verò Guilibaldus eo Tractatu quem hac de Potentia Mechanicis suis inseruit. Summa est, hanc Machinam ad vestem reduci. Nec verum est quod scribit Aristoteles, iugum fuculamue centra esse, hæc enim centrum habent, quod in figura superius posita notatur signo C. igitur ut se habet FC, ad CA, ita pondus G ad potentiam in F; est autem maior proportio FC ad CD, quàm FC, ad CA. facilius ergo mouebit potentia quæ in F, pondus in D, quàm eadem potentia F, pondus in A, hoc est, G. Huius naturæ sunt quoque Ergatæ, quas machinas nostri, Græcò luxato vocabulo Arganos appellant. Suculæ enim reuera sunt, positione tantum ab eis differentes, non enim plano horizontis ergatæ æquidistant, ceu fuculæ & Axis in Peritrochio, sed eidem sunt perpendiculares. Cæterum facilitatem à velocitate hominibus superius demonstrauimus.

## QVAESTIO XIV.

*Proponitur dubitatio, Cur etusdem magnitudinis lignum facilius genu frangatur, si quispiam aque diductis manibus extrema comprehendens frigerit, quàm si iuxta genu. Et si terra applicans pede superposito manu hinc inde diducta confregerit quam propè.*

**S**oluitur à Philosopho paucis verbis, An quia ibi genu centrum est, hic verò ipse pes? quanto autem remotius à centro fuerit, facilius mouetur quodcunque: Moueri autem quod frangitur necesse est.

Esto lignum quod frangi debet AB, genu vel pedis locus C, manuum latè diductarum situs DE, minus diductum FG; itaque quoniam DE magis à centro C distant quàm FG, velocius mouebuntur puncta DE ipsius FG, ergo inde facilius fiet fractio quam ex FG. Hæc ille ex suis



principijs. Nos diligenti-  
gentius, si fieri poterit,  
effectus huius causam  
perscrutemur. Est igitur  
in secunda figura  
lignum oblongum AB,  
cuius medium C, linea  
ducatur CD perpen-  
dicularis ipsi AB. Ad-  
moueaturn genu pūcto  
C, manus verò diuisa-  
centur in AB, facta igitur  
vtrinque impres-  
sione, lignum non scā-

getur, nisi partium in CD coniunctarum separatio fiat,  
sitque altera in E, altera verò in F, fractum ergo erit lignū,  
& centro C immobili permanente, partes facto angulo  
GCH erunt in GC, HC: Modò lignum suæ integritati re-  
stituetur, & denuò admotò genu pūcto C, manus adu-  
cantur in I, K, quæ loca viciniora sunt ipsi C, quam AB. Di-  
co hinc difficilius fractionem fieri quam ex AB. Conside-  
ramus enim in integro ligno AB, duos vèctes ACD, BCD,  
quorum anguli concurrunt in commune fulcimentum C,  
Sunt autem vèctes angulati, & eius naturæ, quam exami-  
nauius in quæstione 5. Est igitur resistentia, qua ligni  
partes vniuntur in D, loco ponderis: superanda hæc est, vt  
ligni fiat fractio. Dico id facilius cessurum, si fiat ex pun-  
ctis A, B, remotioribus quam ex I, K, ipsi pūcto C propio-  
ribus: etenim vt A C, ad CD, ita resistentia quæ fit in D ad  
potentiam in A, item vt se habet I C ad C D, ita resistentia  
in D ad potentiam in I, sed minor est proportio I C ad C D,  
quam A C ad C D. ergo facilius potentia quæ est in A, re-  
sistentiam superabit, quæ est in D, quam ea quæ est in I,  
quod

quod fuerat demonstrandum. Idem autem intelligendū est de parte CB, eadem enim est ratio. Curigitur longiora & graciliora ligna faciliè frangantur, ex istis clare patet: nempe quia maxima est proportio longitudinis ad crassitudinem, cuius quidem crassitudinis spatium loco partis illius in veste succedit, quæ pertingit à fulcimento ad pōdus, hoc est, ad ipsam resistantiam. Sed nos hac eadem de re nonnulla in declaranda quæstione 16. perpendemus.

## QVÆSTIO XV.

*Proponitur inuestigandum, Cur litterales crocæ (glareæ dicunt Latini, vel calculos, quos umbilicos appellat Cicero lib. 2. de Orat.) rotundæ sint figuræ, cum aliquando ex magnis sint lapidibus testisue?*

**A**lii Philosophi, ut eo fortasse fieri, quòd ea quæ à medio magis recedunt, in motuibus, celerius ferantur; medium esse centrum, interuallum vero quæ à centro, semper autem maiorem ab æquali motione maiorem describere circum; quod autem maius in æquali tempore spatium transit, celerius ferri; quæ autem celerius ex æquali feruntur spatio vehementius impetere, quæ autè impetunt, impeti magis, & ideo quæ magis à centro distant, necesse esse confringi, quod cum glareæ seu crocæ patiantur, necessariò rotundas fieri. Hactenus ille, & sanè p. obabiliter. Verum enim uerò aliter ferres habere uidentur: si quidem enim à rotatione ex maiori à centro distantia id fieret, maiores quidem glareæ crocæue essent rotundiore, at nos non maximas modò, sed & minimas, eas quæ magis angulis carere, & ad rotunditatem accedere uidemus. Præterea non moueri eas circa centrum palam est, mò ut varia sunt figura, ita varijs quoque modis, ex agitatione moueri. Id sanè exploratissimum est.



angulos omnes, & eminentias quaslibet in corporibus esse infirmiores. offensionibus enim expositæ sunt, nec resistendi habent facultatem. Itaque in attritione quæ fit in eorum agitatione perpetua, eminentiæ contunduntur, & superficies ipsa paullatim leuigatur.



Esto angulatus lapis ABCD.

Dum igitur perpeti motione atque assiduâ versatione agitur, ferturque, eminentiæ angulique, utpote debiles & imbecilli, conteruntur, & inde figura fit quædam irregularis, ad primam quidem lapidis formâ accedent, leuigata tamen

& quouis angulo carens, qualis est E remotis ABCD, angularibus eminentijs.

Hanc eandem ob causam, sculptores antequam marmoribus vltimum læuorem inducant, dentato malleo primum quidem vtuntur, tum demum eminentiores particulas radula faciliè amouentes superficiem ipsam leuam & adæquatam reddunt.

Hinc etiam nostrates Ariete, in arcum propugnaculis efformandis acuto angulos deuitat, utpote debiliores, & magis offensionibus obnoxios. quod nec Virruuium latuit, qui ideo lib. 1. cap. 5. ita scribit: *Turres itaq; rotunda aut polygonia sunt faciendæ, quadratæ enim machina celerius dissipant; & angulos, Arietes tundendo frangunt, in rotationibus autem, uti cuneos ad centrum adigendo ledere non possunt.* Hæc ille. Cur autem nostri rotundas figuras alias vitiles reiiciant, ab ijs petendum qui in ea facultate versantur. Porro quod ad hanc eandem speculationem facit, videmus, antiquas statuas, ut sæpius auribus, naso, digitis, manibusque atque pedibus carere, quippe quod imbecillæ sint partes, & faciliè quouis occurfu mutilentur. Quæ omnia

non cūni vana sint, nemo, ut arbitror, dixerit, absolute, quod voluit Aristoteles, id ex rotatione velociori & partium a centro remotione, fieri.

## QVAESTIO XVI.

*Dubitat, quare, quo longiora sunt ligna, tãto imbecilliora fiant, & si tolluntur, inflectuntur magis: tamen si quod breue est ceu bicubitum fuerit, tenue, quod vero cubitorum centum crassum?*


EX suis principijs soluit Aristoteles. Inquit enim: An quia & vectis & onus & hypomochlium, id est, fulcimentum in leuando, sit ipsa ligni proceritas? Prior namque illius pars ceu hypomochlium fit, quod verò in extremo est, pondus: quamobrem quanto extensius fuerit id quod à fulcimento est, inde & necesse est magis; quo enim plus à fulcimento distat, eo magis incuruari necesse est. Necessario igitur extrema vectis eleuantur. Si igitur flexilis fuerit vectis, ipsum inflecti magis cum extollitur necesse est, quod longis accidit lignis, in breuibus autem quod vltimum est, quiescenti hypomochlio depropè fit. Hæc subiectâ figurâ ob oculos ponimus.



Esto longum ac flexile lignum AB, manu eleuetur in A, flectetur itaque in B, & declinabit in C. etenim manus quæ sustinet

in A, fulcimenti loco succedit: longitudo vero AB ponderis vices refert, atque vectis, quare quo longius abfuerit à fulcimento, id est, manu extremum B, eo magis flectetur; si autem lignum breuius fuerit, nempe terminatum in D, nequaquam flectetur, eò quòd eius extremum D minus à fulcimento quod est in A sit remotum. Hæc igitur est mēs Ari-


Aristotelis, cuius quidem sententiam non damnamus; quippiam tamen addimus. Dicimus autem materiam, quatenus ad hanc contemplationem spectat, in duplici esse differentia. aut enim rarefactionis & constipationis est incapax, ut in chalybe videmus, nitro, metallo, marmore, aut capax quidem, & hæc duplex: Vel enim natura nata est ad rectitudinem quandam, ut arborum flagella virgæque, aut non item, ceu stannum, plumbum, & cætera eiusmodi.



Esto primò vitreum corpus gracile, procerum, teres AB, manu capiatur in A, itaq; pondere ipsius corporis prævalente ad partem B, quia in C puncto, quod circa medium est, ex parte superiori non fit rarefactio, nec in inferiori constipatio, nec interim datur penetratio corporum, sit tractio à superiori parte, & pars CB à reliqua parte AC, auulsa & separata cadit in D. ~~si~~ autem ipsa separatio rarefactioni. Porro quod materias hasce non flexibiles diximus, sed frangibiles, non ideo negamus vel sensu docente, aliquam in ijs fieri flexionem. Si autem lignea fuerit materia, eaq; flexibilis, ut EF, si manu eleuetur in E, prævalente pondere in F flectetur vbi G. ibi enim à parte superiori fit rarefactio, ab inferiori verò constipatio, & pars GF declinabit in H, quæ declinatio eò usque procedet, quo rarefactio & constipatio competens naturæ illius materiæ, quæ flectitur ad summam intensionem deuenierint; tunc si vis maior ingruerit, frangetur omnino: si secus facta ibi resisten-



resistentia, vbi rarefactio fit & constipatio post inclinationem sursum feretur pars inclinata & nutans, tum in contrariam partem tendens reflectetur, vt videre est in virga IN. Declinans enim in KL, repellente ea quæ infra K sit materiæ condensatione, impetu ex descensu acquisito facta reflexione ascendit in KM, donec paulatim circa pristinam rectitudinem reuertatur, & hic quidem motus vibratio dicitur, agitatione. Si autem virga lumbæ fuerit, naturâ non factâ ad rectitudinem, puta OP, proprio vincente pondere, ad partes declinabit QS, fietq; in QR rarefacta, nempe superiori partē ea constipata inferiori in Q, nec reflectetur, quippe quod eius natura condensationem & rarefactionem commodè patiatur, nec facta sit ad rectitudinem.

Porro tripliciter fieri potest horum oblongorum corporum eleuatio, nempe vel extremorum altero, aut si ambobus, si vtrinque suspendatur, vel alicubi inter extrema. De priori modo iam egimus. Modò suspendatur in medio vt AB, in C. eo igitur casu cum fulcimentum sit in C, vtrinque fit flexio in D, & E, & id quidem si materia flexionem patitur: sin minus, fractio fit in C. Si autem ab ex-



remis fiat suspensio, vt in AB, tunc ceu duo vesces fient, quorum fulcimenta in extremis AB. Pondera autem communia in medio vbi

Cremotissima enim ea pars est ab extremis AB. Cedente



igitur materia suomet ponderi, si quidem inflexibilis fuerit, frangitur, & fiet partium separatio in Q, duoque inde corpora AD, BE. Si autem flexionis capax, vt AB in postrema

ma figura, facta ex contrario, nempe in interiori parte circa C rarefactione, in superiori verò condensatione, pondere prævalente curuabitur, fietq; lignum quidue aliud huiusmodi, vt ADB, nec amplius pondere suapte naturâ inferius vergente ad rectitudinem reuertetur.

Cæterum cur oblonga & graciliora corpora facilius illis, quæ contrario se habent modo, frangantur, ex mechanicis principijs in quæstione 14. aperte demonstrauimus. Modò vt ex hac contemplatione, quæ aliàs inutilis videtur, aliquam vtilitatem capiamus, & ex his quæ contemplabimur, Architecti prudentiores fiant, isthæ ipsa, de quibus agimus, ad rem ædificatoriam commodè aptabimus. Transferamus igitur cogitationem ad eam trabiũ compagem, quæ ad recta sustinenda ex transversario arrectarioq; sit, & duobus cauterijs, quam nostri à Latinis detorto vocabulo Biscauterium dicunt. Perscrutabimur enim, vnde illi tanta ad sustinendum vis, & quæ compagem hanc consequantur passiones. quàmuis enim fabri meræ praxi, quod vtile est efficiant, nos meliorum ingeniorum gratiâ, rei ipsius causas diligenter examinatas in medium proferemus; nec de hac re tantùm agemus, sed de Cameris quoque, fornicibus eorumq; vitijs & virtutibus quatenus ad Mechanicum pertinet, sermonem habebimus. Quærimus primo, cur perpendiculariter erectæ trabes superimposita pondera validissime sustineant? Et sane hoc omnes norunt, sed non per causas.


Esto horizontis planum, illudq; solidissimum, & impenetrabile AB, trabs eidem ad perpendiculum erecta CD sulca basi vbi C grauitatis centrum F. pondus superimpositum FG, cuius grauitatis centrum H: Sint autem H & E in eadem perpendiculari, quæ ad mundi centrum HEC. Itaque eo quod tum ponderis tum trabis centra grauitent in perpendiculari, illa verò fulciatur in C, totius



tius ponderis moles recumbet in C: non descendet autem in I, propterea quod supponatur ipsum planum AB, impenetrabile. Igitur ut pondus H descendat in C, alterum duorum est necessarium, nempe vel trabem subiectam, comminui, aut eius partes sese penetrare, & plura corpora esse in eodem loco, puta KC, quorum hoc secundum naturæ penitus repugnat, illud

vero primum, penè impossibile. Diuidatur enim trabs in partes æquales tres, lineis KL, ipsa igitur KC infima sustinet mediam KL, hæc verò supremam LD, hæc autem pōdus, ipsum superpositum in H. Se igitur sustinent partes. Sed illud totum partibus constat. ergo pondus totum à trabe tota, hoc est, à se toto sustinetur.

Præterea in præcedenti quæstione monstrauimus tunc facilem esse gracilis & oblongi ligni fractionem, cū maxima est longitudinis ad crassitudinem proportio. Hic verò contrà accidit, etenim MD pars vectis quæ à fulcramento est ad potentiam minimam habet proportionem ad rectam DC, quæ à fulcramento ad locum fractionis extenditur, vbi C, quod ut euidentius pateat,




Esto seorsum trabs AB, cuius medium C. Sit autem pondus D impositum puncto C. facile igitur frangetur lignum AB, propterea quòd maxima sit proportio AC ad CE; resistentia verò fiat in E, addatur vniaturq;

N 2 ligno

ligno AB lignum FH. Crassius igitur est totum AL, ipso AH, & ideo minor proportio AC ad CG quàm AC, ad CE. Addatur adhuc & IM. Longè itaque difficilius frangetur in K propterea quòd longè minor sit proportio AG ad CK quàm eiusdem ad CE & CG. His igitur consideratis, & demonstratis concludimus, impossibile esse eandem trabem ponderi cedere, & frangi.

Dicet autem quispiam, hæc si vera sunt, quo gracilius fuerit fulcrum, eo validius sustinebit, & frangetur minus, quod oppido falsum est. Respondemus, id non ex proportionum naturâ, sed ex materiæ ipsius infirmitate fieri. Ita quoque in veste non materiâ, quatenus ad vim pertinet, sed proportionem partium consideramus. Vtrumque igitur requiritur ad fulcri validitatem proportio longitudinis ad crassitudinem debita, & materiæ ipsius robur & fortitudo. Præterea, quoniam pondus, cui fulcrum resistit, vel ex natura premit, vel ex violentia, illud quidem per lineam perpendicularem, quæ ad mundi cætrum, hoc autem lateraliter & diuersimodè, varia sit fulcrorum dispositio. Cuius rei summa hæc est, ut semper contra impetum supponantur.




Esto enim horizontis planum AB, eidè perpendiculares CADB, itaque si naturaliter pondus premit ex C, fulcrum supponetur AE. Si autem ex F ipsum GE, si verò ex H, supponatur iuxta BE. Si verò secundum I ponderi opponatur KE. Hæc nos de arrestarijs fulcrisue;

nunc de transuersarijs, & inclinatis agemus, & primum de transuersarijs, quatenus ad tectorum trabeationes spectat.

Esto transuersaria trabs AB, muris vtrinq; sulca CD,  
cuius





cuius grauitatis centrum E, in perpendiculari FEG, quæ quidem ad mundi centrum vergit. Itaq; eodem tendente grauitatis centro, si pondus quod premit in E, non præualeat vnioni partiũ ipsius materiæ quæ est in E, resistet trabs suomet ponderi, nec frangeretur. Si autem vel infirmitate materiæ, aut vitio, vel maxima existente proportione AF ad FE, fractio fiet in E, & secutâ partium separatione duæ fient vtrinque trabses AH, BI, quorum grauitatis centra KL. Erunt igitur duo vectes AE, BE, quorum fuleimenta MN, quamobrem si proportio EM ad MH ita præualeat, vt pondus quod est in E, superet pondus muri O superimpositi, & item muri P, corruent quidem trabses, & murorum fiet hinc inde dissipatio. Si autem non præualuerit ea, quam diximus, proportio, suspensæ remanebunt vtrinque trabses vt AHBI.


Huic difficultati egregiè occurrunt Architecti, aliquando autem hoc modo:



Esto transversaria trabs suâ gracilitate, aliaue de causa imbecilla AB, muri quibus vtrinque sustinetur CD, Trabis ipsius grauitatis centrum G. Itaque adaptis trabi lignis EF, capreolos addunt muro vtrinque fulcos CE, DF, eorum capita adaptis lignis admoventes EF, sed & tunc validissima fit colligatio, si inter E & F capreolorum capita integrum lignum trabi supponatur EF. Ratio

tio autem validitatis patet; premente enim grauitatis cētro in G, fulcra hinc inde succurrunt CE, DF, quæ cum se ipsis fieri non valeant breuiora, ne corpori detur penetratio, resistunt & robustissimè ipsi ponderi superimposito contrantantur. Videntur autem in hoc opere duo considerari vectes, GH, GB, quorum fulcimenta EF, potentia premens vtrique G. Pondera autem parietum partes capitibus trabis impositæ in A & B. Quoniam igitur parua est proportio GE ad EH, parua potentia ptemens in G, maximè autem pondus in A, fieri non potest trabem frangi aut muros vtrinque dissipare in AB. Possunt etiam totius trabis tres partes considerari AE, EF, FB, quarum fulcimenta quatuor A, E, F, B. Diuiso igitur pondere & multiplicatis fulcimentis impossibile est trabem conuelli & vitium facere.

Sed & tectorum contignationes imbecillaq; transfuersaria Mechanici corroborare solent, additis nempe arrectaria trabe atque cauterijs.



Est enim transfuersaria trabs AB parietibus vtrinque fulcia I, K, arrectariū CD. Cauterij vtrinque AD, BD, ita transfuersariæ trabi in AB, & arrectario in D inserti, vt nequaquam inde ela-

bi valeant. Tum ferrea fascia EF mediam transfuersariam trabem AB, à parte inferiori ipsi arrectario connectens. Debet autem arrectarij pes vbi C, aliquantulum à transfuersaria trabe distare, ne deorsum ex pondere vergente paululum arrectario ipsam transfuersariam premat. His igitur




bus BE, ED, prorsus est impossibile. stabunt igitur in eorum rectitudine cauterij AB, AC, nec pandabunt, quod fieri querebatur.

Hic autem damnandi veniunt ij, qui transversariæ quidem trabis capitibus cauteriorum pedes non inserunt, sed ea vice transversariolo quodam medios cauterios utrinque connectunt ad instar elementi A, quam compagem, capram, appellant. Sint enim cauterij hinc inde AB, AC, quorum medias partes connectit transversariolum DE. Dico igitur colligationem istam magnopere improbandam. Sunt enim AB, AC vectes, quorum commune fulcimentum A, potentia hinc inde diuariantes B, C, pondera inter fulcimentum & potentias DE. quoniam igitur ut DH ad AB, ita potentia in B, ad pondus in D, parua quidem potentia, pondus in D distahet & superabit: facillimaq; inde fiet transversarioli à capreolis ipsis utrinque reuulsio: Et quoniam centrum quidem est A, facta in D, E, parua diuaricatione, maxima fit in BC, utpote partibus ab ipso centro A quam remotis. Calcitrant igitur liberi prope cauteriorum pedes, & muros ipsos summos, non sine magno operis totius vitio, sua calcitratione propellunt.

Hæc nos de trabeationibus, modò ad fornicum camerarumq; naturam stilum transferemus; id enim suadet utilitas, imò & necessitas ipsa. Pauci enim ante nos hæc tractarunt, & sanè his probè non cognitis aut neglectis, Architecti fabriq; ingentes per sæpe incurrunt, & inexplicabiles difficultates. Dicimus igitur primò, coctiles lateres, & non cuneatos lapides ad rectam lineam dispositos, non stare.


Sint enim muri utrinque AC, BD. Ducatur horizoni æquidistans CD, iuxta quam lateres lapidesue non cuneati, seriatim collocentur EF. Dicimus amoto armamento,



mentō, hoc est, prohibent ipso lateres ruere. Producantur enim AC in G, BD verò in H, cum ipsīs CG, DH, æquales fiant CI, DK, & recta IK iungatur, erit igitur GD spatium ipsi CK spatio simile quidem & æquale, quod

cum ita sit, nihil prohibet quin tota laterum GD moles in spatium CK transferatur, & corruat.

Si autem cunei ipsi lateres sue, cuneatim dispositi, ita sint ut ad vnum centrum tendant, licet ad rectam lineam collocentur, non delabentur, sed stabunt; quod ita ostendemus.




Sint cunei lateres sue cuneatim dispositi ABCD, tendentes ad centrum, seu commune punctum E, Ducantur CAE, DBE, sintque muri utrinque ponderi resistentes CL, DM, Demittatur perpendicularis, quæ ad

mundi centrum FGE secans AB, in G. Tum fiat GK æqualis GF & per K ipsi AGB parallela ducatur, HKI claudens spatium AHIB. Quoniam igitur ut EC, ad EA, ita CD ad AB per 4. propos. lib. 6. maior erit CD ipsa AB, & eadem de causa maior AB, ipsa HI, & idcirco maius ABDC spatium, spatio AHIB. Non igitur potest linea CD, fieri in AB, neque AB, in HI, neque spatium totum CABD, transferri in spatium AHIB non data (quod naturæ ipsi repugnat)

gnat) corporum penetratione. Stabunt ergo cunei, quod fuerat demonstrandum.

Verumenimvero, debilis hæc structura est, & eo debilior, quo vani latitudo fuerit maior, cunctorum verò altitudo minor. Idem enim patitur quod epistylia in specie Aræostyla, quæ, ut scribit Vitruvius lib. 3. c. 2. propter intervallorum magnitudinem franguntur. Id quoque habet vitij, quod cunei ita dispositi suo pondere incumbas vtrinque violentissimè pellant. Vtilis ramen esse potest ad portarum & fenestrarum, quæ in medijs muris sunt, & mediocri vano aperiuntur, superliminaria.

Si verò ad minor em circuli portionem curvetur Camera, vtilior quidem erit structura eam ipsa, de qua locuti sumus; non tamen omninò sine vitio.




Esto fornix ex minori circuli portione AB, cuius incumbæ AF, BH muris fultæ AC, BD. Constet autem vel ex lapidibus cuneatis, vel ex costilibus lateribus ad E cœrrum tendentibus. Sitq; fornicis linea exterior FGH, interior AIB. Ducantur EA, ED, & producantur in M, N.

Quoniam igitur ut EM ad EA, ita MGN ad AIB, maior erit MGN linea ipsa AIB, quam obrem fieri non potest ut aptetur lineæ AIB, & in eius locum descendat. Stabit igitur, incumbis vtrinque non cedentibus. Validè autem speciem hanc, loca quibus incumbit, propellere, ita ostendemus.

Producatur in eadem figura CA in K, & DB in L. Partes igitur quæ muris ad perpendicularum fulciuntur, sunt AKF, BLH, minimæ illæ quidem, maxima verò pars est

est extra fulcimenta, nempe tota AKLB quæ idcirco suo-  
pte pondere deorsum vergens & in incumbas vtrinque pel-  
lens aperitur, & facillimè vitium facit. Eiusdem fere na-  
turæ ea species est, quæ vel ex media, vel ex minori ellipsis  
secundum maiorem diametrum fit segmento. Vtilior ta-  
men hæc est, præcipuè circa incumbas, propterea quod  
partes habeat erectiores, & circulari illa de qua egimus,  
magis fultas. circa medium autem potest videri debilior,  
quippe quod ellipsis ibi circulo curuetur minus.

Ea verò forma, qua mirum in modum delectati sunt  
Barbari, qui declinante imperio Italiam inuaserunt, &  
bonam emendatissimamque antiquorum ædificandi ra-  
tionem deturparunt, ex duobus constat circuli portioni-  
bus, quomobrem Albertus lib. 3. hosce arcus, compositos,  
appellat. Circinantur autem hoc pacto, diuisa nempe  
subtensa, in partes tres, easque æquales, ponitur circini  
pes in altero diuisionum puncto & pars circuli describi-  
tur, mox in altero puncto circini pede collocato alia cir-  
culi portio lineatur, quibus arcus ipse integratur. Appel-  
lant autem terrium acutum, eo quod ex subtensa in tres  
partes diuisa, arcus non fiat rotundus, sed in acutum an-  
gulum ex duabus circuli portionibus desinens.




Sint igitur muri  
AC, BD, in quibus v-  
trinque incumbat KA,  
BI. Ducatur itaque sub-  
tensa horizonti æquidi-  
stans AB, quæ in tres æ-  
quales partes diuidatur  
punctis E, F, tum centris  
EF, circulorum portio-  
nes describantur hinc  
AG, HK, inde verò BG,

O 2 IH,



IH, ex quibus arcus totus integratur. Vtilis hæc quidem species est, licet inuenuita, propterea quod haud violenter incumbas vtrinque repellat, & in summo magnis sustinendis oneribus sit apta. Producantur CH in N, DB verò in O, sitque centrum grauitatis A in L, partis vero BG in M. Quoniam igitur centra hæc ob elatam portionum constitutionem quam proxima lineis AN, BO, fulcimentorum sunt, maximè sustinètur, & deorsum potius quam lateraliter incumbas ipsas premunt. Si quid tamen habet vitij, illud est quod grauitatis centra momentum habentia ad interiorem partem versus PQ vim faciant, & nisi partes magno superimposito pondere comprimantur, partes quæ sunt circa HG, sursum pellentes aliquali sibi rectitudine comparata corruunt, facta nempe circa L, M, coniunctarum partium separatione.

His hoc pacto explicatis de semicirculari fornice agemus, quæ cæteris omnibus vtilior est, & longè pulcherrima, quamobrem Antiquis Architectis omnibus inprimis admodum familiaris:



Esto vanum ABCD, muris vtrinque clausum. Ducatur per sūmitates murorū horizonti æquidistans recta AD, hac bifariam secta in E, eodem centro E, spatio verò EA semicirculus describatur AFD, concaua nempe ipsius fornicis

nicis pars, tum eodem centro, spatio verò EG, circinetur GHI eiusdem fornicis pars conuexa. Post hæc productis lineis BH, CD, in OP, secetur fornix tota in tres æquales partes AGKM, MNLK, NDIL, & KME, LNE iungantur, sint autem partium ipsarum grauitatis centra QRS. Est autem R in ipsa perpendiculari HE. Quoniam igitur partium AGKM, DILN, quæ vtrinq; sunt grauitatis centra QS, in ipsis sunt fulcimentorum lineis OH PD, suâ sponte fulcimentis eas sustentibus partes ipsæ stabunt. Pars autem media KMNL deorsum vergente per ipsam HE lineam grauitatis centro, si parumper vel incumbæ vel partes vtrunque AGKM, DILN cedant, utpote quæ à fulcimentis est remotissima, magno impetu suo pte pondere deorsum feretur. quæ igitur in his semicircularibus fornicibus partes stabiliores sint, quæ verò casibus obnoxia, ex his quæ diximus, clarè patet.

Cæterùm cur incumbis manentibus fornix stet, ea causa est, quod partes exteriores GK, KL, LI, maiores sint inferioribus & oppositis AM, MN, NG; quod suprà demonstraui.

Si quid autem vitij in hac specie est, illud quidem est, quod summa pars KMNL deorsum vergens magnâ vi partes, quæ vtrunque sunt, repellat, ex qua re solidarum partium fit solutio, & inde ruina.

Huic difficultati vt occurrerent peritiores Architecti, plura excogitarunt remedia. Primum enim parietes hinc inde ita solidos, crassos & firmos faciunt, vt suapte vi resistentes dimoueji loco nequeant, vel parastatas addunt vt in figura TX, VY. Præterea & ferrea clauis ex incumba in incumbam ducta & vtrunque firmata contrarias partes validissimè connectunt, quæ calcitrantes (ita enim loquuntur nostri Architecti,) fornicis pedes cohibent, & solidum ne soluat impediunt. quæ in specie dubitandū

esset, an optimo loco sita sit clauis, quæ per centrum? Et sanè videtur, quippe quod circa incumbas impetus fiat maior. Ego autem vtilius ibi poni arbitror, vbi puncta q. 5. hoc est, in medio tertiarum illarum partium, quæ vtrinque incumbis insistant, propterea quod primus impulsus ex media parte quæ impendet, ibi fiat. Rarò tamen boni Architecti eo loco aptare solent, eo quòd eiusmodi claues vel pulcherrimis ædificijs minuunt gratiam. Vnde sit vt nunquam satis laudetur Lucianus ille Benuerardus Lauranensis Dalmata, qui nullibi apparentes eas posuit in admirabili illa Urbini Aula, quam Federico Feltrio, felicissimo æquè & inuictissimo Duci, ædificauit.

Tertio denique modo huic infirmitati medentur, vt videre est in sequenti figura, in qua vanum ADBC, muri vtrinque AF, BH, fornix verò FGH. Itaque dum muros



exstruunt, arrectarias trabes, robore aliaue materia firmissima, illis inferunt, quales sunt IFK LHM, ea proceritate vt futuri fornicis superent summitatem. Consummato enim fornice, nondum tamen exarmato, transuersariam trabem à summo fornicis dorso parumper

eminentem in punctis I, L, arrectarijs trabibus validissimis clauibus connectunt, tum punctis NP, Oq, capreolos trans-

transuersario, & arceſtarijs ferreis, clavis affigunt. Quibus ita concinnatis, facta fornicis validâ preſſione in G, incumbitque F, H, ad exteriora repulſis, AB ſpatium non fit maius. Repulſis enim incumbis & muros propellineceſſe eſt, & cum muris ipſas inſertas trabes, I, K, L, M. At varicari non poſſunt, nî ſecum trahant puncta P, Q, quod fieri non poteſt, propterea quod in punctis N, O, validè diſtineantur. Itaque ſpatio AB non dilatato nulla fit ipſius fornicis diſſolutio, quod utique à principio ceu propoſitus ſinis quærebatur. Sed dicet quiſpiam, Nonne pendebit tranſuerſaria trabs in ipſa diſtractione arceſtariorum, preſſa in punctis N, O? aut parum dicimus, aut nihil. Cum enim P, Q proxima ſint punctis F, H, quæ cum arceſtarijs à muro diſtinentur, magna in ijs fit utrobique reſiſtentia.

Rebus igitur ita ſe habentibus cum obſeruallent Architecſti, ob enormitatem ponderis fornices in tertia illa



parte quæ ſumma eſt laborare, quâ tum tertijs utrinque partibus ſoliditatis addunt, tantundem ex illa parte ſuprema demere ſolêt, ut videre eſt in ſubiecta figura, in qua partes A, B, ſolidæ & craſſiores, quibus hærent partes, quæ C, E, D, G craſſæ quidem & illæ, tum vero ſumma E, F, G, alijs ſubtilior. Minus igitur gravante ponde-


re in F, minor fit ad incumbas preſſio, aut ſi qua fit, à partiû ACE, BDG ſoliditate haud inuolidè ſuſtinetur.

Cæte-



inferiores partes deuoluentur, sicut quæ  $QI, RM$ , ubi  $QZ, RZ$ . Si autem  $QI, RM$  perpendicularibus quæ à punctis  $QR$  ad perpendicularem  $DE$  ducuntur, fuerint maiores conuenient alicubi in ipsa perpendiculari, & altera alteram sustinebit; si autem æquales tangent se & nihilominus fiet ruina, si minores nec se inuicem tangent, & nullâ re prohibente deorsum corruent. tangant autem se in puncto  $Z$ . quo pacto igitur fornices incumbis cedentibus in medio aperti, dissoluatur & ruinam faciant, ex istis patet.

Ex demonstratis quasi ex consuetario habemus fornices quo fuerint crassiores dato pari iacubarum secessu, ruinæ minus esse obnoxios quàm tenuiores, hoc est, maiori aperitione indigere ad ruinam crassiores quàm tenuiores, quod licet ex iam dictis resultet, nos tamen clarius ex subiecto schemate demonstrabimus.



Esto enim crassioris fornices pars quidē  $ABCD$ , tenuioris  $EFCD$  circa idē centrum  $R$ . Ducatur autem  $RM$ , secans  $CD$  in  $G$ .  $EF$  in  $H$   $AB$ , in  $M$ . Centro igitur  $G$  fiet euersio portionum fornium  $MD, HD$ ,

Ducantur  $GA, GE$  & producta  $AD$  in N ipsi  $AN$  perpendicularis ducatur  $GN$ , quoniam igitur  $GE$  cadit in triangulo  $AGN$  erit ex 21. propos. lib. 1. elem.  $GA$ , maior  $GE$ . Corruente igitur maioris fornices portione  $MD$ , recta  $GA$  centro  $G$  punctum  $A$  describet portionem  $AI$ , minoris interim ex  $GE$ , describente  $EL$ , at cadenti angulo  $A$  occurrit in perpendiculari  $IK$  in puncto  $I$  angulus oppositæ portioni,  $O$ , ipsi autem  $E$  cadenti per  $EL$  non occurrer punctum  $P$ , cadens per  $Pq$  eo quod neutrum eorum pertingat ad perpendicularem  $Ik$ . Tenuioris ergo fornices

eis partes è suis locis auulsæ ex eadem aperitione ruinam facient, quod non cōtingit partibus crassioris, quod sanè fuerat declarandum.

Quæritur adhuc, quare grauiores fornices in summis ædificijs non sine vitio fiant?

Esto ædificium ABGH, cuius vtriq; muri ABCD, EFGH, maiorum summitates AD, EH, mediæ murorum partes KL, fornicum summus quidem DIE, medius verò



KL. Dico, magis cedere pul-  
 sos muros summos circa DE,  
 quam in medio circa KL. Sunt  
 enim muri BA, GH ceu vestes  
 quidam, quorū extremis par-  
 tibus à fulcimentis BG remo-  
 tissimis potentia admouetur,  
 hoc est, ipsius fornicis DIE ad  
 DE incumbans repulsio; lon-  
 gior est autem pars à fulcimē-  
 to ad potentiam AB, ipsa BK.  
 Data igitur paritate potentia-  
 rum plus operabitur ea quæ in  
 D illa quæ K. facilius ergo re-  
 pellentur muri in DE quàm in

KL. Añ quoque ratio intercedit, siquidem pondus muri  
 superioris ADK, premens inferiorem murum KBC, cum  
 sua grauitate firmiorem, & pulsionibus minus obnoxium  
 reddit. Difficilius enim propellitur id quod graue est quā  
 quod leue, vt nos quæstione 10. demonstraui-  
 mus.


### QVÆSTIO XVII.

*Querit Aristoteles, Cur paruo existente cuneo magna scindantur  
 pondera & corporum moles, validaq; fiat impressio?*

**I**N parua re magnum negotium. Etenim quæstio hæc  
 clarif-



clarissimorum virorum ingenia magnopere fatigauit. Ex quibus Aristoteles inter veteres, Guld. Vbald. inter recentiores ad vectis naturam (ne quid in Mechanicis ad vectem non reduci putaretur) cuneum ipsum trahere conati sunt. Nos autem pro




veritate certantes, si in horum sententiam vltro non transferimus, multa venia digni à non iniquo iudice existimabimur. Aristotelis mentem clarè & fusè explicat G. Vbald. in Mechan. vbi de Cuneo peculiariter agit.

Esto igitur scindendum quippiam ABCD, Cuneus EFG, cuius pars HFI fissuræ inserta HI, facta igitur valida percussione in EG, fiet vt cum EG fuerit in NO, H sit vbi N, A vbi P, itemque I vbi O, D verò vbi Q & facta erit scissio NSO, toti nempe cuneo EFG, æqualis. Vult igitur Aristoteles, duos in cuneo vectes considerari EF, GF, quorum alterius, nempe EF, fulcimentum sit in H, pondus vero in F; alterius autem, hoc est, GF fulcimentum quidem sit in I, pondus verò itidem sit in F. His nequaquam consentiens G. Vbald. aliam viam ingreditur. Ait enim EHF vectes quidem esse, quorum commune fulcimentum F, potentias verò mouentes in EG. Pondera vtrinque inter fulcimenta & potentias, vbi HI, idemq; esse ac si EF, GF, seorsum à cuneo considerati in puncto F, adinuicem fulti atque distrahi pondera pellerent H in NP, I verò in O, Q. Verumenimverò quoniam cunei angulus non mutatur, nec vertex ipse centri vllum prorsus præbet vsum, nec eius latera vtrinque distracta ad contrarias partes didu-

cuntur, vestes in cuneo hoc pacto considerare videtur à veritate alienum. Aristotelis autem solutionem falsam esse, clarè patet quo pacto enim F pellet ex fulcimento H ipsam ligni partem OS, & idem F ex fulcimento I pellet oppositam partem NS, si inuicem contendentes extremæ vectium partes in F, altera alteri ne quicquam operentur, est impedimento? Et sanè opinionis falsitas inde patet, quòd videamus materiæ partes scissas, in ipso scissionis actu facta distractione à cunei vertice nequaquam tangi. At eiusmodi operationes per contactum fieri nulli est ignotum. Solutio igitur ista meo iudicio, tanto Philosopho prorsus videtur indigna.

Porro G. Vbald. ijs quæ de diuicatis vestibus in medium adduxerat non acquiescens alias quærit causas, cur cuneus minoris anguli validiùs scindat. Idq; ex quodam lemmate demonstrare conatur, figura autem eius ita ferè se habet.



Esto cuneus ABC, item alius DEF. Demonstrabit igitur ex assumpto, quo acutior fuerit angulus BIM, eo facilius pondera moueri, & ideo facilius ceu veste AB moueri pondus I quàm veste DE pondus Q. Ingeniosè quidem. At magnam hæc apud me habent difficultatem. Si-


nimita se habet AB, ad BI, vt DE, ad EQ (ipsæ enim DE, EQ supponuntur æquales) ergo eadem æqualisue potentia æqualiter mouebit pondera I & Q, quod ipsi eiusdem demonstrationi prorsus concludit contrarium. Nec meo quidem

quidem iudicio id sequi videtur, propterea quod ex Pappo ea quæ in planis inclinatis mouentur, redigantur ad libram. Ratio enim valde est diuersa, siquidem pondera quæ in planis inclinatis mouentur, certa habent fulcimenta & determinatas tum brachiorum tum ponderum proportionem, quæ omnia in cuneo, nec quidem mente concipi posse, clarè patet.

His igitur difficultatibus consideratis, Nos cunei vim, ad alia esse principia referendam pro comperto habemus. Ordinem igitur hoc pacto. Cuneo quidem res diuidi certum est. Cæterum quæ natura diuidere apta sunt, tria sunt, punctum, linea, superficies. Puncto enim linea, lineâ superficies, superficie autem corpus ipsum diuiditur. quæ omnia à Mathematico absque materia considerantur. De diuisione autem quæ fit ex puncto, nihil agit Mechanicus, qui corporibus quidem vtitur, ad cuius naturam non trahitur punctum, cuius partes sunt nullæ. At non lineis & superficiebus modo corpora diuiduntur, sed etiam corporibus, quod verum est, at ea corpora ad linearum & superficialium naturam quodammodo aptari facile docebimus. Dicimus igitur, duplicem esse Cuneorum speciem, linearem vnâ, superficialem alterâ. linearem appello, quæ ad linearum naturam magnopere accedit. Tales sunt orbiculares illæ cuspides, quibus ad perforandum vtimur, & ideo vernaculè Pantirolos vocamus. Acus item sutorij, & cætera quæ non secus ac linea in punctum desinunt, & imaginariam quandam lineam ceu axem in eo puncto desinentem continent. Ad lineam quoque referuntur lateratæ cuspides oblongæ, & subtiles ceu subulæ, elauis, enses, pugiones, & his similia, quæ cum adacta validam faciant partium separationem ad cunei naturam non referre magnè videretur dementiæ. Et tunc quanto magis corpora hæc ad linearem naturam accedunt, eo ma-

gis penetrant. Sed & hoc idem in rebus non ab arte, sed ab ipsa natura productis facile est cognoscere. Quis enim non experitur, quàm validè culex, infirmissimum animal, & ea paruitate qua est, hominum & cæterorum animalium, cutes aculeata proboscide penetret? Id vtrique non alia de causa sit, quod ad imaginariæ lineæ subtilitatem quam proximè accedat. Vespræ quoque, Apes, Scorpiones aculeis istis ceu linearibus cuneis vtuntur. Nec refert, vt diximus, vtrum laterati sint, ceu subulæ, & clavi, vel rotundi & vtrumplura paucioraue latera habeant, dummodo in punctum & aculeatam aciem desinant. Altera porro cuneorum species superficie naturam sapit, acie siquidem in lineam desinit, quæ superficie est terminus, quâ obrem huc ea omnia referuntur, quæ acie ipsâ scindunt, ceu sunt cunei propriè dicti, de quibus hoc loco est sermo, cultra, enses, alicæ, secures, scalpra lata, & cætera eiusmodi, quibus corpora acie scinduntur. Quidam his addunt ferras, quibus haud prorsus assentimur. Etenim alia ratione diuidunt, sicut & limæ solent, deterendo enim, nō scindendo ferri, ligni, & marmorum duritiem diuidunt & domant. His igitur cōsideratis, si daretur ex materia quapiam infrangibili cuneus, qui maximè ad superficie naturam accederet, vel paruo labore tenacissima ligna validissimè scinderet, & ideo optimè res gladijs illis diuiditur, qui magis ad superficie naturam accedunt. Ex quibus omnibus, ni fallimur, clarè patet, cur acutiores angulo cunei obtusioribus facilius scindant, quæ quidem ratio longè ab ea distat, ex qua cæteri ferè omnes Cuneum ad veteris naturam referre hætenus contenderunt.

Cæterum vtramque eorum quos diximus, cuneorum speciem solertissima cognouit Natura, & ideo quoniam res vel contusione vel perforatione, vel secatione conficiuntur, triplicem dentium qualitatem dentatis animalibus



bus dedit, Molares, qui & Maxillares appellantur, quibus cibus contunditur, Canini, quibus fit perforatio, Anteriores, quibus cibus scinditur, quos ideo *πρωικῆς*, id est, secantes appellant Græci.

Molares KK,

Canini L, L, Temni-

ci seu secantes M. Cuneus orbicularis linearisque AB, in quo axis linea est, ad cuius naturam accedit AB cuneus superficialis CD, accedens ad superficiem naturam, quam vitro imaginamur EFGD, in aciem cunei desinentem GD, Lateratus linearisque cuneus, clausus HI.


Cunei autem omnes dupliciter sunt efficaces, vel enim malleo, ut in ijs fit, quibus ligna scinduntur & scalpris fieri solet, adiguntur, vel impulsu & pressione, ut in gladijs, pugionibus, cælatorum scalpris, subulis, & cæteris eiusmodi. Quidam etiam sunt, qui licet mallei ictu non adigantur, malleum coniunctum habent, seu sunt securæ, ligones, Asciz, & his similia, quæ ex percussione semetipsa scindendis rebus inferunt & validè penetrant. De vi autem & efficacia ictus seu percussione hic super sedemus aliquid, ea de re, in sequenti quæstione verba factururi.

Multa hîc addere potuissemus ad Cochleam spectantia, quippe quòd Cochlea cuneus sit Cylindro inuolutus, qui quidem ad mallei, sed vestis virtute sibi adiuncta, validissimè operatur, & sexcentis inferuit visibus. Verum tamen cum de hac specie egregiè differat G. Vbaldus,

con-

consultò hanc disputationem omittimus; idque hac quoque de causa, quod nihil de cochlea, ac si eam non nouisset, locutus sit Aristoteles.


Possumus autem in actu scissionis, quæ cuneo fit, aliâ tamen ratione vestem considerare, nempe non in cuneo quidem, sed in ipsa re quæ scinditur.



Esto enim quippiam scissile ABCD, cui alteri extremitatum, puta BD, cuneus adigatur EFG, fiatque scissio per longitudinem secundum lineam EH. facta igitur ex

cunei ingressu partiû separatione B, expelletur in I, D verò in K. fient igitur materiæ scissæ partes AIBH, CKDH, ceu duo vestes, quorum hinc inde in corpore ipso fulcimenta L, M potentix vtrinque dilatantes BD, pondus verò materiæ resistentia, in separationis loco vbi N. Ducatur NL, quanto itaque BN maiorem habebit proportionem ad LN, eo facilius resistentia quæ in N, superabitur. Mutatur autē assidue in ipsa scissione fulcimentum, & cū fulcimento ipsa proportio. Pertingente enim scissione in O, fulcimentum fit in P. quo casu scissura est facilior, quippe quod maiorem habeat proportionem BO ad OP, quā BN ad NL. Hoc autem experiuntur materiarij, qui primis ictibus, securiculâ nondum probè adactâ, & nondum factâ notabili scissione difficultatem sentiunt, mox factâ iâ separatione facillima paullatim fir materiæ totius separatio. Hoc idem & nos absque cunei vsu experimur, cum baculum aut quippiam tale manibus diductis scindimus. à principio enim difficultatem sentimus, deinde ex ea quâ diximus proportionem scissio ipsa fit apprime facilis. Vt mur

mur etiam vecte cuneato ad scindendum & aperiendum: adactō enim scissū & cuneo, idque manu malleoue, tum ab altera extremitate pressio, valida fit ex vectis vi cōtinui



corporis separatio. Materia scissilis AB scalprū ceu vectis cuneatus CD, cuius fulcimentum E, pondus verò vbi C, potentia vbi D, quo casu quo maior est proportio

DE ad EC, eo est ipsa scissio leuior & facilior,

### QVÆSTIO XVIII.

*Queris hic Aristoteles, Cur per Trochleas ab exigua potentia ingentia moueantur pondera?*

DE Trochlea Pappus, & veteres inter recentiores egregiè admodum, vè omnia examinauit in Mechanicis G. V. baldus. Nos tamen interim post clarissimos illos viros aliquid quod nouitatem & subtilitatem sapiat, de nostro penu promemus. Et sanè inuentis quidem addere res est facilis, at quod inuentis addas inuenire haud adeo facile. Sed nos primum Philosophi ipsius dicta ad trutinā reuocemus. Ita autem quæstionem proponit; Cur si quispiam Trochleas componens duas, in signis duobus, ad se inuicem iunctis contrariò ad Trochleas modo circulo funem circumduxerit, cuius alterum quidem caput tignorum appendatur alteri, alterum verò Trochleis sit innixū & à funis initio trahere cœperit, magna trahit pondera, licet irabecillium fuerit virium?

Obscurissima expositio, & nī res esset vulgò per se nota, deque ea Vitruuius & Meehanici non egissent, difficile vtique esset ex eius verbis sensum assequi.

Q

Tigna




Tigna sanè vocasse videtur ea ligna, quæ à Vitruuio Rehami dicuntur, in quibus nempe ipsi inferuntur orbiculi. Et si de tignis eiusmodi aliud quippiam sentire videatur Picolomineus. Græca lectio pro tignis habet ξύλα, id est, ligna; item vbi Leoniceni versio legit, ad se inuicem iunctis, textus habet συζαίνουσιν αὐτῆς ἐναντίας, hoc est, inuicem ex opposito concurrunt. Certè locum totum ita redderem: Cur si quis duas Trochleas fecerit, in duobus lignis sibi ex opposito concurrentibus, cûsq; Trochleis circumposuerit funem, cuius alterum caput alteri lignorum sit annexum, alterum verò Trochleis cohæreat, vel apponatur. Si quis alterum funis principium trahat, magna trahat pondera, etsi trahens potentia sit exigua? Nos verbis figuram, & figurâ verba ipsa elucidabimus.



Sint duo ligna ex opposito concurrentia, in quibus Trochleæ, hoc est, orbiculi AB, funis ductarius DABC, cuius alterum caput re-  
ligatum est ligno trochleæ A, vbi est C. Tro-  
chlea A loco stabili commendata, vbi E. Pon-  
dus alteri ligno Trochleæ appensum F. Tra-  
cto itaque fune DABC, eleuatur & trahitur  
pondus F. Ex quibus clarè patet, Philosophû  
proposuisse Trochleam duobus tantum orbi-  
culis munitam, quod vtique satis erat ad ex-  
plicationem. Inquit autem, faciliùs vecte quàm  
manu pondus moueri. Trochleam vero (id  
est, orbiculum; ita enim est intelligendum) esse  
se vectem, aut vectis virtute operari. Ita autem  
videtur argumentari. Si vnicâ Trochleâ plus trahitur  
quàm manu, multo faci ius & velocius id fiet duobus,  
quibus plus, vt ipse ait, quàm in duplici velocitate pon-  
dus leuabitur. Summa dictorum est, ex multiplicatione  
orbiculorum pondus ipsum imminui, & minori difficul-  
tate

tate leuari, quod sanè verum est. Nos tamen nonnulla cōsiderabimus. quod ait, vecte facilius moueri pondera quam manu, semper non est verum. Si enim vectis pars quæ à fulcimento ad manum breuior fuerit illà, quæ à fulcimento ad pondus difficilius vecte pondus mouebitur quam manu. Idem quoque accidet, si eo modo vecte utamur, quem obseruat Guidus Vbald. Tract. de Vecte prop. 3. Posita nempe inter fulcimentum & pondus sustinente potentiâ. Præterea quod asseruit Aristoteles, Trochleas ad vectem reduci, verum quidem est, sed aptius dixisset ad libram, etenim vectis vtcunque à fulcimento diuiditur. Libra verò quod & orbiculis ex centro accidit, semper bifariam. Ad hæc videtur ille ad orbiculorum multiplicatam Trochlearum vim referre. Si enim, ait, vnicâ Trochleâ pondus facile trahitur, id multo validius pluribus fiet. Veruntamen non absolutè ex orbiculorum multiplicatione id fieri ita ostendemus,



Sint duæ oppositæ lineæ rectæ, vtpote trabes AB, CD, inuicē æquidistantes & ipsæ stabiles: superiori tres appendantur orbiculi ex pūctis E, F, G, nēpe ML, PQ, TV. inferiori autē duobus pūctis IH, nempe NO, RS. Erunt igitur inuicem sum

quinque, indatur pereos funis ductarius KLMNOP QRSTVX, ex cuius extremitate pendeat pondus X.


Trahetur funis in K. Dico ex multiplicatione orbiculorū, trahenti pondus nequaquam minui. Sint autem orbiculorum diametri, LM, NO, PQ, RS, TV, applicetur potentia in S. Erit igitur ad hoc vt sustineat æqualis ponderi X, orbiculi enim TV semidiametri sunt æquales. Transferratur potētia in q, & ita deinceps donec perueniatur in K, vbi funis ipsius est principium, Idem est igitur seruata semper semidiametrorum æqualitate ac si potentia quæ est in K, applicata intelligatur in T vel in V. vbicunque enim collocetur, ponderi erit æqualis. Nihil igitur rebus ita dispositis, orbiculorum multiplicatio ad facilitatem operatur. Alia itaque ratio querenda est, quam non satis explicasse videtur Aristoteles. Probabimus autem, nullam ex superioribus orbiculis fieri ponderum imminutionem, sed totam vim in inferioribus consistere. At nos interim quippiam quod ad rem faciat, proponamus.



Esto punctum A, cui rectæ appendantur lineæ BAC, diuiz quidem in A, sit autem lineæ BA caput B, ipsius verò CA caput C. Modò intelligantur vnitz in A, sitque vnica linea a puncto A ceu funiculus dependens BAC; Appendatur capiti B pondus B. Capiti vero C, pōdus C, inter se æqualia. Potentia igitur in A, duo sustinebit pondera BC. Pondera verò ex æqualitate æqueponderabunt. Quod si B potentia dicatur sustinens pondus C, aut C potentia sustinens pondus D, vel duz potentiz inter se æquales, nihil

refert. Vt cunque enim id sit, fiet æquilibrium. Habemus igitur existis ad sustinendum pondus ex superiori parte appen-

appensum potentiam requiri ipsi ponderi æqualem. Animo posthæc concipiatur alia recta linea DEF, cuius integra longitudo si extenderetur, esset DE, EF. Appendatur in E pondus E æquale alteri pondus B vel C, sint autem duæ potentiz pondus E sustinentes D, F. Vtraque igitur dimidium sustinebit ponderis E, sed potentia quæ sustinebat pondus B, in C erat ipsi B æqualis, vbi appensio ponderis erat in superiori parte in A, hîc autem, vbi appensio est in parte inferiori, vtraque potentia dimidium sustinet appensi ponderis. Videmus igitur illam appensionem quidem pondus nullatenus imminuere, hanc verò pondus ipsum, bifariam diuisum, sustinentibus potentijs impartiri. Hæc in lineis, Mathematicâ vsû abstractione, considerauimus, nunc verò eadem mechanicè perpendamus.



Sit igitur punctum A, vt in sequenti figura clauus paxillusue, cui appensus funiculus BAC, & funiculi capitibus pondera BC, sit quoque anulus D, per quem traiectus funiculus EDF. Anulo autem cõiunctum

pondus G. His igitur ita constitutis, eadem demonstrabuntur quæ superius, nempe oportere vt fiat æquilibrium B, C, esse æqualia, tum potentias, quæ sunt in EF pondus G inter eas diuisum sustinere. Porro volentes Mechanici

funiculos circa paxillum, & anulum ad attollenda & deprimenda pondera mouere incommodè illis vtrique succedebat, clauo & anulo motum difficilem facientibus. Quamobrem vt difficultati occurrerent, ad locum clauo clauo ipsi orbiculum circumposuerunt, & anuli itidem loco orbiculum aprauerunt. Hæc autem agentes rei ipsius naturam non mutauerunt, sed sibi, vt diximus, ex orbiculis maximam commoditatem atq; facilitatem comparârunt.

Ex his principijs tota Trochlearum ratio pender, quæ tamen alia quoque consideratione in idem tendente examinari potest, quod quidem fecere veteres, & ipse, qui veteres optimè imitatus est, Guid. Vbaldus.

Vidimus vtrique nos, à potentia quæ est in B, pondus par sustineri in G, Potentiam autem quæ est in E dimidiū sustinere ponderis quod est in G. Nos igitur ijsdem insistentes adiecta libra, vecteue, bifariam diuiso rem ipsam ex subiecto diagrammate lucidiorem faciemus.

Esto linea quædam stabilis ceu trabshorizonti æquedistans AB, cui in A funiculus annectatur AC, cuius extremum C vecti cuidam alligetur CD, in medio diuiso vbi E, tum alteri vectis eiusdem extremitati D, funiculus neclatur DG, & à puncto E pondus appendatur F. puta librarum mille, Tum puncto G in medio vectis HI, funis religetur DG, & ex altero vectis extremo alligato fune HK commendetur loco stabili in K, & ab alio capite vectis vbi I ad medium vectis MN, vbi L, funis annectatur IL, tum ex vectis capite M, funis commendetur MO, loco stabili in O, & alteri capiti N, funis NP, qui alligetur medio vecti QR in P, & ex Q, funis QS. Commendetur loco stabili in S, & alteri vectis extremo R funis alligetur RT, cui quidem potentia sustinens applicetur in T. Dico igitur, rebus



rebus ita dispositis, potentiam in T ita se habere ad pondus F, ut unum ad sexdecim, hoc est, in proportionem esse subsexdecupla. Sunt autem hic vestes quatuor inferiorum cubiculorum loco, CD, HI, MN, QR, quorum centra E, G, L, P. quoniam enim A hoc est, C, vna cum potentia G, hoc est, D, sustinet pondus F alterum ponderis dimidium sustinebit C, alterum vero D. erunt igitur utrinque librę quin-

gentz. Tum potentia in K, hoc est, in H, vna cum potentia in L, hoc est, in I sustinebunt quingenta. Quare utraq; ducenta quinquaginta, sed hoc totum bifariam diuiditur inter potentias, O, id est, M, & P, id est, H. erunt igitur utrinque centum viginti quinque. Ea autem summa iterum bifariam diuiditur, hoc est, inter potentias S, id est, Q & T, id est, R, quare utraque sustinet sexaginta duo cum dimidio. Sed numerus iste ad Millenarium ita se habet ut unum ad sexdecim. Hinc colligimus, pondus totum inter loca stabilia diuidi, nempe A, K, O, S, & ipsam potentiam quę sustinet in T, & locis ipsis stabilibus quindecim partes integri ponderis, potentia verò T sextam decimam tantum

tantum commendari. Itaque si ex puncto V appendere-  
tur AB, in X potentia, quæ in X sustineret mille, minus  
sexaginta duo cum dimidio, quod quidem à potentia in  
T sustineretur; quod si alius adderetur orbiculus, & fierent  
quinque, potentia in T sustineret trigessimam secundam  
partem integri ponderis, hoc est, dimidium librarum se-  
xaginta duarum cum dimidio, nempe triginta & vnā  
cum quarta parte, si item textus adderetur, potentia in T  
sexagesimam partem sustineret integri ponderis, hoc est,  
libras quindecim &  $\frac{1}{2}$  libræ vnus. Vnde patet clarè pon-  
deris diminutionem fieri ex orbiculis inferioribus, non  
autem ex superioribus, superiores autem addi non neces-  
sitas quidem, sed commoditatis gratiā: neque enim abs-  
que superioribus vnico ductario fune fieri posset attractio  
& ponderis ipsius eleuatio. Hactenus igitur nobis isthæc  
de Trochleæ natura & vi post alios, considerasse sit satis.


### QVÆSTIO XIX.

*Dubitat Philosophus, Cur si quis super lignum magnam imponat  
securim, de superq; magnum adiciat pondus, ligni quippiam quod  
curandum sit, non diuidit; si vero securim extollens percutiat, illud  
scindit, cum alioquin multo minus habeat ponderis id quod  
percutit, quam illud quod superiacet  
& premit?*

**P**OTerat Aristoteles, nî fallimur, rem breuius & vniuer-  
salius proponere. Scilicet cur motus ponderi addat  
pondus & efficacius ex motu quam ex immoto pondere  
motus operetur. Soluit autem. An, inquiens, ideo fit,  
quia omnia cum motu fiunt, & graue ipsum grauitatis ma-  
gis assumit motum, dum mouetur quam dum quiescit?  
Incumbens igitur connatam graui motionem non moue-  
tur, motum verò & secundum hanc mouetur & secun-  
dum



dum eam quæ est percutiētis? Hæc præclare quidem, cætera autem, quæ de cuneo iterat, nempe ad vectem eius, operationem referri supèrius confutauimus. Porro effectus huius, de quo agitur, disputatio illuc spectat, videlicet ad cadentium atque projectorum naturam. Ad maiorem autem rei euidentiam hæc addimus.




Esto libra AB, cuius centrum C, librata æqualibus ponderibus DE, apponatur ponderi E pondus F, item ponderi D pondus G ipsi ponderi F æquale, æquilibrabit

itidem, Modò non apponatur simpliciter pondus G sex ex H in lancem A dimittatur, tunc sanè non æquilibrabit, sed libram deprimet. Duo enim in pondere dimisso considerantur pondera; naturale scilicet, & quod motu ipsi moto, ponderi est acquisitum. Itaque quo motus fuerit maior, puta si cadat ex I, grauitas ex maiori motu fiet maior. quod utique efficacius fieret si pondus G non dimitteretur modo remoto prohibente, sed proijceretur. Tunc enim tria concurrerent, grauitas naturalis, grauitas acquisita ex naturali motu, & ea quæ naturali adijcitur ex violentia. Pondus igitur securi impositum & securis ipsius naturalis grauitas naturali tantum grauitate operantur, & ideo minus efficaciter. Huc autem ea ferè pertinent quæ nos à principio de duobus centris retulimus, naturalis nempe grauitatis, & acquisitæ.

Cæterum cur mallei & securis ictus sit violentissimus, ideo fit quod non ex vnico neque duplici, sed ex triplici grauitate operetur. Esto enim securis A, cuius manubrium B, brachium vero securi vtentis BC, erit igitur C

R

locus



locus ubi humero  
brachium iungi-  
tur, motus ipſius  
centrum, attollit  
autem ſecurim iſ  
qui percutit, & re-  
tro ad ſcapulas re-  
ducens totis viri-  
bus ex centro C  
ſecurim vibrat,  
portionem circuli  
deſcribens ADE  
iſtumque faciens

in E. Vires igitur acquirit ſecuris, tum ex naturali gravita-  
te, cadens ex D, in E, tum ex proprio pondere, tum etiam  
ex violentia eidem à percutiente impreſſa. Fiant autem  
motus tam naturalis quàm violentus eo validiores, quo  
maius eſt ſpatium, quo res mota mouetur, idque præcipue  
cum violentia ipſam ſecundat naturam. Itaque maior ſit  
iſtus in E quàm in F, & in F maior quàm in D. Item violenti-  
us feriret percutiens, ſi manubrium eſſet longius, puta  
BG. Tunc enim maior eſſet circulus GH, & motus tum  
prolixior, tum velocior. quo igitur longiora habet bra-  
chia iſ qui ſecuri malleoue vtitur, data virium paritate, ex  
eadem ratione validius percellit. Eſt autem ſecuris, vel  
malleus cuneatus, vel cuneus malleatus manubrio infer-  
tus. An autem operetur efficacius cuneus malleo percuſ-  
ſus, aut cum manubrio motus, ut ſit in ſecuri, data aciei &  
ponderis æqualitate, difficile eſt determinare. Certè va-  
lidius, & certius fieri ſciſſionem ex cuneo & malleo, ea ra-  
tio eſt, quod cuneus adactus, nec inde remotus eam inte-  
rim ſervat, quam antea fecerat partium ſeparationem,  
quod

quod quidem securi non accidit, quæ adacta ad nouam percussionem faciendam extrahitur.

Hoc etiam consideramus, securis in circulo motum, ex A in D, esse videndum, id est, non secundum naturam, sursum enim fertur quod est graue, ex D verò in F mixtū: magis autem ad naturalem accedere qui sit ex F in E. Tardior ergo ex A in D, velocior ex D, in F, velocissimus ex F in E; quædam quæ ad hanc rem faciunt, egregiè considerat Guid. Vbald. in calce Tractatus, De Cuneo; ipsum consule.

Ad hæc succurrit nobis pulcherrima quæstio. Dubitari enim potest, vtrum ictus ex ense efficacior sit à parte quæ est circa aciem, aut circa medium ensem, vel prope manubrium capulumue; etenim hinc inde sunt rationes.

Esto quidem ensis AB, cuius capulus A, spiculum vero B, centrum grauitatis C, pars capulo proxima D. Librato itaque gladio tres fiunt circularum portiones BE, CF, DG, quæratur quo loco ictus sit validior, nempe in E, in F, vel in G. Videtur validiorem futurum in E, quippe quod ex maiori semidiametro AB, maioris sit circuli portio BE, & ideo velocior motus ex B in E. Contra efficacior futurum apparet in F, propterea quod ibi ex centro C rotis fiat grauitatis impressio, fieri autem validissimum in G, licet ibi motus sit tardior inde videtur, quod si consideretur ensis, vt vectis, cuius fulcimentum est A, potentia premens in B, ponderis vero loco resistentia rei, quæ percutitur in D. Maior est autem proportio BA, ad AD, quam BA ad AC, & ideo violentior fiet pressio ex ictu in D, quàm in C. Hisce hoc pacto consideratis, putarem ictum efficacior fieri in F ex medio C, quam ex extremis & oppositis partibus EG. Licet enim in B velocitas sit maior, deest ibi pondus. Si enim ensis iterum vt vectis consideretur, e-

runt AB, duo fulcimenta sustinentia pondus in C, ubi gravitatis est centrum. Si igitur paria fuerint spatia BC, CA,



in B erit dimidium ponderis C, quantum ergo velocitate prævalerictus in B, tantū ponderis amittit. D verò plus quidem de pondere participat, sed velocitatis habet minimum, in C verò velocitas est mediocris, tota tamen ipsius ex gravitatis centro ponderis fit impressio.

Quidam, quod huc pertinet, ut ex acie ipsa quæ longius à capulo abest, violentissimum facerent ictum, Argentum viuum, quod sui naturā gravissimum quidem est & mobilissimum in canali à manubrio ad verticem excavato infundunt, quo in gladij descensu ad verticem velocissimè delato illuc transfert gravitatem totam, quare tum velocitate tum gravitate concurrentibus ictus fit violentissimus & longè validissimus.

### QVAESTIO XX.

*Dubitat, Cur statera qua carnes ponderantur, parvo appendiculo, magna trutinè onera, cum alioqui tota, dimidiata existat libra, altera vero parte sola sit statera?*

**S**oluit Philosophus, inquiens, stateram simul, & vēstem esse & libram, ipsius verò libræ centra seu fulcimenta esse

esse ibi ubi fit suspensio. Pondera verò hinc inde in lance & appendiculo, loco scilicet æquipondij, appendiculo succedente. Reducit autem demonstrationem ad ea quæ statuit ipse Mechanica principia; nempe ad circulum & circuli virtutem. Ait igitur, appendiculum licet parvi ponderis sit, ideo maiori ponderi virtute æquari, quod longius à centro, hoc est, ab ipso fulcimento sistatur. quicquid tamen sit, stateram esse vectem, res est exploratissima.




Esto igitur statèra AB, cuius appendiculum currens F, fulcimentum centrumue C, lanx quæ catena suspenditur E spatium à loco fulcimenti ad appendiculum CF. quod verò à fulcimento ad catenam, ex qua lanx appen-

ditur AC. Intelligatur autem & aliud fulcimentum D, sitque maius spatium AD, quam AC. Porro ita se habeat pondus in E ad appendiculi F pondus, ut CF spatium, ad spatium AC, quo casu servata, permutatim, ponderum & brachiorum proportionem, fiet æquilibrium. Si autem ponderibus ita constitutis iterum suspendatur in D, non fiet æquilibrium, propterea quod minor sit proportio DF ad DA, ea quæ est FC ad CA. Minor ergo est proportio FD ad DA, quam ponderis E ad pondus F; & idcirco facta suspensione præualebit pondus E ponderi F. Itaque ut iterum fiat æquilibrium, necesse est iterum proportionem brachiorum seu spatiorum proportionibus ponderum æquare. Transferatur igitur (lancis interim immoto pondere) ipsum appendiculum in B, fiatque ut FC ad CA, ita BD ad DA. Stabit autem iterum statèra ad eam redacta quam

diximus brachiorum & ponderum permutatam proportionem.

Nos stateris utimur ex duplici fulcimento, altero propiori, altero à lance seu loco, ubi lanx appenditur, remotiori, illa grauiora appendimus pondera, & non per vncias & libras, sed per libras tantum & selibra ponderamus; & hoc stateræ latus eo quod minus minutè sit diuisum; vulgo nostrates Grossum, hoc est, rude & crassum appellant. Aliud verò, cum fulcimentum est loco appensionis lancis vicinius, & per libras, selibras & vncias diuiditur, quo quidem minora appendimus pondera, eò quod exquisitiore contineat diuisionem, subtile dicunt. Rectè igitur dicebat Philosophus, in statera plures esse libras, quanquam & ea quoque de causa dici possit, quod, quot sunt appendiculi, è loco in locum translationes, totidem ex proportionum variatione fiant libræ. Et hoc quidem sensisse videtur Aristoteles.



Possemus & alio modo statera uti, nempe stabili appendiculo, mobili autem fulcimento. Esto enim statera AB, cuius lanx C appensa in A, appendiculum verò stabile D, appensum in B, Apponatur ipsi lanci

C, pondus E. Vnicum ergo fiet corpus CEABD constans ex lance, libra & ponderibus. Habet ergo hoc totum grauitatis suæ centrum, quod quidem ubi sit est ignotum. Ex illo autem inuento si corpus totum appendatur, partes æque ponderabunt. Appendatur autem, puta in G, sit autè grauitatis centrum in H. Quoniam igitur H est extra fulcimentum G, declinabit stateræ pars GA, centro G per circ-

circuli portionem HI, à centro grauitatis in ipsa descensione descriptam. Si autem grauitatis centrum fuerit vbi K, eo quod ibi quoque sit extra fulcimentum G, descendet pars GB, describente interim grauitatis centro K, circuli portionem KL. Itaque si stateram totam cum ponderibus trahamus pellamusq; vltro citroq; immoto appendiculo erit aliquando fulcimentum in ea linea perpendiculari vel loco ipso, vbi est grauitatis centrum, quo casu statera stabit, & tunc ita erit diuisa, vt fiat brachiorum & ponderum eadem ratio, ordine permutato. Hic autem modus ideo non est in vsu, quod molestum sit libram seu stateram cum ponderibus vltro citroque transferre, quæ difficultas commodè appendiculi mobilitate vitatur.

## QVAESTIO XXL.

*Quæritur, Cur facilius dentes extrahunt Chirurghi, denti forcipis onere adiecto, quam si sola manu utantur?*

**R**espondet Philosophus, An quia ex manu, magis quam ex dentiforcipe lubrius elabitur dens? An ferro id potius accidit quam digitis, quoniam vndique dentem non comprehendunt, quod inollis facit digitorum caro; adhæret enim & complectitur magis. Hæc secunda ratio videtur primam destruere, & contrarium prorsus sententia, quæ in problemate proponitur, asserere. Si Græca ad verbum reddas ita habent: An magis ipsa manu labile est ferrum, & ipsum vndique (dentem nempe) non complectitur, caro autem digitorum cum mollis sit, adhæret magis, & vndique congruit. Certè vt sententia non sit contraria propositioni, Græca versio ita videtur concinnanda: Vel magis è manu elibitur, mollis enim est digitorum caro, ferrum autem circumplectitur, & hæret magis. quicquid sit, Græcam lectionem contrarium ei quod quæritur,



tur, affirmare certum est. Picolomineus, Ideo, inquit, digitorum caro mollis minus aptè extrahit, quod dentem totum comprehendere non potest, quod ferrum ob suam duritiem & constantiam commodissimè facit. Sensum ex mente reddidit, quod ex verbis non poterat. Subiungit denique Aristoteles, An quia dentiforciopes sint duo contrarij vectes vnicum habentes fulcimentum, ipsam scilicet instrumenti partium connexionem. Hoc igitur ad extractionem vtuntur \*\*, vt facilius moueant. Figuram hoc pacto proponit Philosophus.




Esto dentiforciopis alterum quidem extremum vbi A, alterum autem quod extrahit B, vectis vbi ADF, alter vectis, vbi BCE, fulcimentum verò CGD

connexio vbi G. Dens autem pondus: vtroque igitur vecte B, & F simul comprehendentes mouent, Hæc ille. Attamen rem ipsam subtilius considerantibus aliter videtur habere, ac ipse asserat. Et sanè dentiforciopis brachia vectes esse, quorum commune fulcimentum est in ipso centro vbi vertebra, nemo negauerit. Dentem autem esse pondus, ego quidem absolute non dixerim. Pondus autè hic proprie est ipsa dentis durities, cuius resistentia eo facilius superatur, quo maior est proportio brachiorum à manu ad vertebra, ad partem illam quæ à vertebra est ad dentem. At dentis ex constrictione fractio nihil facit prorsus ad extractionem: id tamen operatur brachiorum longitudine dentiforceps, quod valide ex vectium oppositorum vi dentes constringit & extractioni commodum reddit & facilem. Neque enim totus Dentiforceps hic ceu vectis vnicus operatur, quod fit in forcipibus quas Tenaleas vocamus, quibus è tabulis clauī reuelluntur, quæ de re nos quæstione 6. verba fecimus. Quo pacto autè  
dentis

dentis ex Dentiforcepe extractio ad vestem reducat, subtilius est perpendendum, neque enim res est in propatulo.

Dicimus igitur, tum dentem ipsum, tum dentiforcepem vestes esse, varia tamen ratione & satis sane diuersa. Dens enim fit vestis eius nempe naturæ quæ fulcimentum habet in angulo, quo casu ipsius Dentiforcepis partiū, quibus Dens apprehenditur, ea quæ longior est potentia mouentis loco succedit, breuior vero fulcimentum facit, Dentis vero resistentia ponderis vices refert.



Est enim dens quidem A, cuius diameter BC, longitudo vsque ad extremas radices CD, pars dentiforcepis breuior CG, longior BG. Fit ergo vestis BCD, habens fulcimentum in C. Den-

te igitur apprehenso in BC, & manu dentiforcepe ceu veste ad inferiora compresso C, fit fulcimentum centrumue. Stante enim puncto C, trahente autem potentia quæ est in B, fit motus ipsius B, per circuli portionem BE, radicis vero D, fit motus per DF, & inde ipsius dentis extractio facilis. Quibus consideratis vt rem ad proportionem quatenus fieri potest reducamus, dicimus, quo maior fuerit proportio BC, ad CD, hoc est, partis vestis, quæ à fulcimento ad potentiam ad eam quæ à fulcimento est ad pondus, eo facilius fieri dentis auulsionem, quod vtiq; demonstrandum fuerat.

Porro quod in calce quæstionis addit Philosophus, Dentes commotos facilius manu extrahi quam instrumento, nulla ratione probat. Ego autem arbitror, huc pertinere ea verba, quæ superius habentur, videlicet fer-

rum quidem non vñdique dentem comprehendere, quod mollis facit digitorum caro, quæ id circo adhæret & complectitur magis. An autem ita sit, alij videant, nobis enim digito rem ostendisse fuerit satis.

## QVÆSTIO XXII.

*Hic quærit Aristoteles, Cur nuces absque ictu facile confringuntur instrumentis quæ ad eum faciunt vsum, & hoc licet multum auferatur virium, cessante motu & violentia, quod accidit dum maleo confringuntur. Addit præterea, citius fieri confractionem graui, & duro instrumento ferreo videlicet quàm ligneo.*

Soluit, inquiens, id fieri quod instrumentum duobus vectibus constet, coeuntibus in connexione seu vertebra, & idcirco eo violentius fieri confractionem, quæ minus est spatium à nuce, quæ frangitur, ad vertebra. maius verò quod à vertebra ad extremitates, quæ confringentis manu comprimuntur. At igitur, & id quam opposite, vim ex vectibus ictus loco succedere & idem operari.

Est igitur instrumentum, de quo agimus CDBF, ex duobus vectibus constans, quorum alter CAF, alter vero DAB vertebra seu connexio A locus ubi nux frangitur K, manubria vero BF. quo igitur prolixiores erunt AB, AF, breuiiores vero ACAD, violentius fiet confractio. Erit autem nucis resistenzia loco ponderis A, fulcimentum BF loco potentiz. Itaque nî maior sit proportio potentiz ad resistenziam, quam brachij à potentia ad fulcimentum ad eam partem quæ à fulcimento est ad nucem; non fiet confractio. eo autem magis superabit, quo  
maior



maior fuerit pars vectis quæ à potentia ad fulcimentum. Quod autem addit Aristoteles, eo maiorem fieri vectium eleuationem, hoc est, instrumenti aperitionem, quo magis nux quæ frangitur, fuerit propior fulcimento, hoc est, ipsi vertebræ, facile ostenditur ex conuersa 21. propos. lib. 1. Elem. si enim ab extremitatibus vnus linearum ad easdem partes constituentur duæ linearum maiores concurrentes in angulo, & ab iisdem extremitatibus duæ aliarum minores, quæ intra triangulum à maioribus constitutum cadant, maiorem angulum continebunt. At talis est angulus qui fit in instrumento, cum partes vectis à vertebra ad nucem fuerint breuiores. magis ergo dilatantur vectes, & magis dilatati magis comprimuntur, magis autem compressi validius frangunt, quod dixerat Aristoteles.

Cæterum & illud quod scribit, ex grauiori & duriori materia instrumentum citius fractionem facere, quam ex leuiori & minus dura, ex parte quidem materiarum verum est, nec pertinet ad proportionem, quæ sane in huiusmodi instrumentis formæ ferè habent rationem. Nos hisce instrumentis non vtimur. Sunt autem similia instrumentis illis, quibus figuli cretaceas pilas ad chirobalistarum vsum facere & efformare consueuerunt.

### QVÆSTIO XXIII.

**P**vlcherriam proponit hoc loco Philosophus contemplationem, eamque ad mixtos motus pertinētem. Mixtorum autem motuum speculationem antiquis Mechanicis fuisse tum utilem tum etiam familiarem, norunt ij, qui norunt quæ de lineis spiralibus Helicisue, cyssoidibus, conchoidibus & alijs eiusmodi scripta & contemplata reperiuntur, quibus tum ad duarum mediarum pro-

portionalium inuentionem, tum ad circuli quadrationem uti solent. Quod autem hic quærit Aristoteles, ita se habet.

*Cur si duo extrema in Rhombo puncta duabus ferantur lationibus, bandquaquam aequalem utrumque eorum pertransit rectam, sed multo plus alteram? Item cur quod super latus fertur, minus pertransit quam ipsum latus. Illud enim diametrum pertransire sive certum est, hoc vero maius latus, licet hoc unica, illud autem duabus feratur lationibus?*

Difficile hoc intellectu prima fronte, & sine admirabile, itaque intentam contemplationem requirit. Nos primo cum Aristotele, rem totam explicabimus, tum aliquid fortasse non poenitendum nostro de promptuario proferemus.



Esto itaque Rhombus ABCD, cuius latera AB, BD, DC, CA, diametrorum maior AD, minor BC, secantes se inuicem in puncto seu figura centro K. Sunt autem ex ipsius Rhombi natura latera æqualia & parallela, Angulorum vero qui maiori diametro opponuntur, recto maiores, qui vero minori minores. His igitur consideratis, intelligatur punctum A moueri peculiari & simplici motu, per lineam AB, ab A versus B, & eodem tempore moueri totam lineam AB, versus lineam DC, hac tamen lege, ut semper eidem DC feratur parallela, & eius alterum extremorum feratur per AC, alterum vero per BD, Intelligatur etiam punctum B moueri eodem tempore proprio motu, eoque simplici, per eandem rectam BA, versus A, & cum eadem, ut dictum est, motu ferri versus

sus CD. Erunt autem semper AB puncta in eadem linea  
 quæ mouetur, sibi inuicem ex contrarijs partibus occur-  
 rentia. Itaque cum ex duobus motibus semper propor-  
 tionalibus, hoc est, laterum proportionem seruata, recta  
 producat, ut demonstratum est à principio, ubi produ-  
 ctio circuli ex Philosophi mente est declarata, utraq; pun-  
 cta quæ eandem laterum proportionem seruantia moue-  
 tur, rectas lineas producet A quidem AD, B autem ipsam  
 BC. Feratur igitur A, tum mixto tum simplici motu per  
 diametrum AD. B vero quoque tum mixto, tum proprio  
 per diametrum BC, supponitur autem motus omnes sim-  
 plices, tum punctorum, tum etiam lineæ, à qua puncta ipsa  
 feruntur, æquali velocitate fieri. Illud igitur mirabile est,  
 cuius etiam ratio quæritur, quo pacto eodem tempore ea-  
 demque velocitate latum A quidem totam percurrat AD  
 maiorem, B vero totam BC, eamque longe minorem?  
 Porro necesse fuit rem in Rhombo speculari, non autem  
 in quadrato & altera parte longiori rectangulo, in quibus  
 diametri (quod Rhombo non accidit) sunt æquales. Ima-  
 ginemur igitur A, proprio motu percurrisse spatium AE,  
 nempe ipsius AB lineæ dimidium. Erit igitur in E, item li-  
 nearum totam AB eodem tempore pertransisse dimidia op-  
 positarum linearum, ACBD, & esse translata, ubi FKG.  
 Quoniam igitur æquali celeritate lineæ AB extremitas  
 A, translata est in F & A, punctum per eam motum in E, e-  
 rit spatium AE, æquale spatio AF. Ductis igitur lineis  
 FKG, EKH lateribus AB, AC & quidistantibus, erit figura  
 AEKF. Rhombus similis quidem Rhombo ABCD, recta  
 igitur FK æqualis erit oppositæ AE. quare A punctum,  
 translatum erit ex mixto motu in K. Eodem pacto quoniā  
 punctum B. eadem velocitate mouetur versus A, & linea  
 AB versus CD, cum B fuerit in E extremum lineæ motæ  
 BA, nempe B erit in G. æquales ergo sunt BE, BG & Rhom-




bus EBGK, circa diametrum BKC ipsi Rhombo ABCD similis, & ideo GK æqualis oppositæ BE & BG æqualis EK. Cum ergo B confecerit spatium BE, erit ex mixtoq; motu in K, superato nempe spatio BK, idque eodem tempore quo A percurrerat totum spatium AK. Ex æquali igitur simplicium motuum velocitate, in æqualia spatia AB puncta pertransierunt, quæ res miraculo, cuius dilutio quaeritur, præbet occasionem.

Porro quod de dimidijs diametris demonstratum est, possumus & de totis eadem ratione concludere, quippe quod eadem sit proportio partium ad partes, quæ totius ad totum. Hæc igitur prima est pars propositæ questionis. Secunda vero dubitatio ita habet, Nempe mirum videri punctum B, cum peruenerit in C, extremum lineæ BA, videlicet ipsum B, translatum esse in D, licet æqualiter moueantur lineæ BA, per lineam BD, & punctum B per lineam BA. sitque BC ipsa BD maior. Primam dubitationem hoc pacto soluit Philosophus; A fertur tum proprio, tum alieno motu, hoc est, lineæ AB versus oppositam partem CD, Itaque cum uterque motus deorsum vergat, motus sit velocior. Contra vero B proprio quidem motu fertur versus A, hoc est, sursum, alieno vero, hoc est, lineæ BA versus D, hoc est, deorsum, qui motus cum inuicem aduersentur, motus ipse sit tardior, non igitur est mirum, A eodem tempore maius spatium pertransire quam B.

Hæc solutio non modo vera videtur, sed mirabilis & ipsomet Philosopho dignissima, cui quidem temerarij iudicaretur contradicere, nisi in genere versaremur, in quo non probabilia quaeruntur, sed demonstrata, sed vera. Futilem igitur esse rationem hanc ipsius Aristotelis pace, hoc pacto ostendemus.

Esto quadratum ABCD, cuius diametri AC BD secantes sese in E, moueatur eodem pacto BA, versus CD,  
item





item A, versus B, & B versus A, itaque punctum A tum proprio tum alieno, hoc est linea illud deferentis motu deorsum trudet, hoc est, versus CD. Motus ergo velocior erit motu puncti B, quod lationibus fertur ferè contrarijs, hoc est, ex B versus A sursum, cum linea autem BA versus C deorsum. Velocius tamen non mouetur, quippe quod æquali tempore æquale

spatium vtrumque punctum conficiat. Stante igitur causa sequi debuisset effectus; non sequitur autem, Aristotelis igitur causa non est causa. Rhombo quoque inuerso idem clarius ostendemus hoc pacto: Sit Rhombus ABCD,



cuius diagoni AC, BD secantes sese in E. Mota igitur linea AB versus CD, nempe deorsum & A quoque deorsum versus B, contra vero B quidem sursum versus A, deorsum vero versus C, erit B tardior A, sed contrarium fit, quippe quod

longior sit BD, per quam mouetur B ipsa AC, per quam mouetur A.

His igitur non satisfaciendis veridicam si perimbecillitatem nostram licuerit, huius effectus causam inuestigabimus. Rationibus igitur & veritate contra auctoritatem & probabilitatem est nobis pugnandum: quod & intrepide faciemus.

Dicimus igitur, in quouis parallelogrammo sit illud quadratum aut altera parte longius; vel idem Rhombus Rhomboisue semper mixtos motus proportionem seruata fieri

fieri per diametros. Cæterum diametrorum ad latera proportionones esse varias (quadratis exceptis, in quibus eadem est semper) exploratissimum. Illud quoque certum est, in rectangulis nunquam dari posse diametros lateribus utcumque captis æquales, semper enim diametri rectis angulis subtruduntur. In Rhombis vero & Rhomboidibus diametrorum ad latera proportionones variant. Dari enim possunt diametri lateribus longiores item æquales, & lateribus quoque ipsis breuiiores.

Itaque diametrorum & laterum varia adinuicem ratione se habentibus, attentis proportionibus, mixtorum & simplicium motuum diuersa fiet, & varia comparatio. in quadratis motus mixtus, qui per diametros semper velocior erit simplici qui per latera, Idem quoque in altera parte longiori, in quo mixti quidem motus per diametros erunt velociores, simplices vero qui per latera, tardiores quidē, sed ex illis tardior qui per latus breuius. In Rhombis autem mixtus motus qui fit per diametros inæqualis. Velocior enim qui per longiorem diametrum, tardior qui per breuiorem. Itaque simplices motus punctorum per latera ad eum qui fit per diametros, non eodem pacto se habent. Porro cum Rhomboides varii sint diametrorum ad latera habitudines, varia quoque dari potest proportio. aliquando enim diametri dari possunt lateribus maiores quandoque, alter eorum minor. Si autem Rhombus in duos solvatur triangulos, alter diametrorum datur æqualis æqualibus lateribus æquicurium triangulorum; itaque in istis mixti motus per diametros æque veloces erunt simplicibus, qui per latera longiora, velociores autem illis qui per latera breuiora. His igitur hoc pacto non perfunctione consideratis, facile ex proprijs causis, nō fallimur, hocce Aristotelicum & mirabile Problema soluitur.

Est



Esto enim Rhombus  $ABDC$ ,  
cuius diameter longior  $AD$  maior sit  
tum lateribus, tum etiam altera dia-  
metro  $BC$ . secent autem se inuicem  
diametrum  $E$ . Ducaturque ipsi  $AB$ ,  
 $CD$ , parallela  $FG$  secans longiorem  
diametrum  $AD$ , in  $H$ , breuiorem ve-  
ro  $BC$  in  $I$ . & per ipsi  $BD$   $AC$  paral-  
lela ducatur  $KIL$ . Cum ergo  $B$  mixto  
motu per diametrum  $BC$  erit in  $I$  &  
 $A$  per diametrum  $AD$ , mixto simili-  
ter motu erit in  $H$ , & quia motus mi-  
xti sunt per diametros, ut dictum est,

ut se habet  $AD$  ad  $BC$ , ita  $AE$  ad  $EB$ , per 15. propof. 5. elem.  
item ut  $AE$  ad  $EB$ , ita per 4. propof. 6.  $AH$  ad  $BI$ . est enim  
 $IH$  ipsi  $AB$  parallela. Longior est autem  $AH$  ipsa  $BI$ , quip-  
pe quod  $AE$  longior sit ipsa  $EB$ . motus igitur mixtus pun-  
cti  $A$  per diametrum  $AD$  usque ad  $H$  velocior est motu  $B$ ,  
per diametrum  $BC$  usque ad  $I$ . Mota igitur linea  $AB$  mo-  
uebuntur communia eius & diametrorum  $BC$ ,  $AD$  pun-  
cta, quibus secantur semper diametrorum proportione  
seruata. Quibus ita se habentibus, nil mirum est punctum  
 $A$  motum per  $AD$  velociorem esse mixto motu puncti  $B$ ,  
quod per minorem diametrum fertur  $BC$ . quod fuerat  
demonstrandum. quatenus vero ad secundam problema-  
tis partem pertinet, dicimus Propositionem non esse vni-  
uersalem. Si enim Rhombus detur, ex duobus æquilateris  
triangulis constans, breuior diameter lateribus erit æqua-  
lis, quare non mouebitur citius motu simplici punctum  
per latus ac faciat mixto per minorem diametrum, quod  
ut mirum proposuerat Aristoteles. Si autem latus ipsum  
breuiori diametro sit longius, nec mirum quoque erit sim-  
plici motu moueri velocius quam mixto, quippe quod, ut

dictum est, motus isti à proportionibus linearum, per quas mouentur, legem velocitatis atque tarditatis accipiant. Hæc igitur nos circa hoc mirabile Aristotelicum problema considerare sit satis.


## QVÆSTIO XXIV.

**M**irabilem aliam quæstionem proponit Aristoteles, quæ itidem ad mixtos motus pertinet.

*Dubitatio est, quam ob causam maior circulus æqualem minori circulo circumuoluitur lineam, quando circa idem centrum fuerint positi. Scorsum autem reuoluti quemadmodum alterius magnitudo ad alterius magnitudinem se habet, ita & illorum ad invicem fiunt lineæ: Præterea vno etiam & eodem utrisque existente centro. Aliquando quidem tanta sit linea, quam conuoluuntur, quantum minor per se conuoluitur circulus, quandoq; vero quantum maior.*

Hæc ille, qui ut probe maiorem circulum in sua rotatione maiorem lineam pertransire, minorem vero minorem; ait sensu cognosci angulum maioris circuli, id est, eius qui maiorem habet circumferentiam, esse maiorem, eius vero qui minorem, minorem. Ita autem se habere circumferentias ut se habent anguli, & eandem proportionem habere per quas tum maior, tum minor circulus circumuoluuntur. Ad quorum clariorem intelligentiam ea reuocare oportet in memoriam, quæ dixit de maiorum circulorum ad minores circulos nutu. Hic enim, quod ibi quoque fecerat, sectorem ipsum angulum appellauit, angulum vero maiorem maioris circuli sectorem, & minorem angulum minoris ipsius circuli sectorem dixit. Claudigitur dicens: quoniam circumferentiæ se habent ut anguli, hoc est, ut sectores, maior erit circumferentia maioris circuli, & ex consequenti maior linea, per quam circum-

cumuoluitur, ea per quam minor. Demonstrationem vero ex sensu petijt. Satautem erat si dixisset, ita se habere circumferentias vt se habent diametri seu semidiametri, & ideo lineas in rotatione descriptas inuicem se habere vt diametros. Obscuriusculè, hæc sua figura ostendit Aristoteles. Nos igitur claritatem amantibus, nostram aliquanto, ni fallimur, clariorem, proponemus.




Esto circulus maior ABCD, minor FGHI, circa idem, & commune cētrum E. Circumuoluatur maior ad partes D. Sint autē diametri, maioris quidē AEC, BED, minoris verò FEH, GEI, sitque CD, quadrans maioris,

HI vero minoris circuli. Moto igitur maiori circulo secundum absidem, cum D fuerit in K erit CK ipsi CD æqualis, fietq; DE ex puncto K perpendicularis ipsi CK, eritq; vbi KO, & quia punctum I est in linea DE, erit I facta quadrantis rotatione in linea KO vbi L, centrum vero E in ipsa KO, vbi O. Reuoluto igitur quadrante maioris, & confecto spatio CK minoris circuli quadrans HI conficiet spatium HL, quod ipsi CK spatium est æquale. quod autem in quadrantibus fit, in totis etiam fit circulis. Motus igitur minor circulus circa centrum E, vnica rotatione æquauit spatium rotationis maioris circuli. Mirabile itaque est minorem circulum eodem tempore & circa idem centrum circumuolutum, lineam pertransisse æqualem circumferentiæ maioris circuli. Nec secius admirationem facit ro-

tato minori circulo, maiorem vna circumuolutū lineam metiri circumferentiæ minoris circuli æqualem. Rotetur enim minoris circuli quadrans HL per rectam HL. erit igitur punctum I vbi M, æquali existente recta HM, ipsi curvæ HL. Tunc autem facto motu centrum E erit vbi P, existente EP, ipsi HM æquali, demittatur autem ex P per M, ipsis HL CK perpendicularis PMN. Et quoniam in eadem linea sunt DIE, vbi E fuerit in P erit in M, & D in N. quamobrem rotata quarta minoris circuli parte, maioris interim circuli quadrans confecit spatium CN æquale ipsi HM, hoc minus circuli quadranti HL, quod utique est admirabile.

Porro causam effectus huius mirifici diligenter quærit Philosophus, & inuentam accurate explicat. Occurrit autem primo absurdæ cuidam opinioni. Diceret enim quispiam, ideo tardius moueri maiorem circulum, ad motum minoris, quod interim dū minor moueretur, aliquas inter rotandum moras interponeret, minor vero ad innotum maioris spatia aliqua transiliret, & ita spatiorum fieri adæquationem. Porro demonstrationem aggressurus hæc assumit principia. Eandem æqualemue potentiam, aliquā magnitudinem tardius quidem mouere, aliquam vero celerius. quod autem natum est aptum moueri, tardius moueri, si simul cum non apto nato moueri, moueatur, quam si separatim moueretur, celerius autem si non simul



cum eo moueatur. Esto enim corpus A leue quidem & aptum natum moueri sursum, cui connectatur B, aptum natum moueri deorsum, Si quis igitur mouere conetur corpus A sursum difficilius mouebit, & tardius iunctū nempe ipsi B, quam si ab ipso esset seiunctum. Præterea quod non suo, sed alieno motu mouetur, impossibile esse plus eo moueri qui mouet



mouet, siquidem non suo, sed alieno motu mouetur. Moto igitur suo motu maiori circulo, minor non suo mouetur, sed motu maioris circuli, & ideo non plus mouetur quam ille moueatur, mouetur autem maiori spatio quam ex se moueretur, propterea quod maior sit maioris circuli, à quo simul deferretur, circumferentia. Item si minor suo motu circumuoluatur, maiorem feret secum, & ideo non plus in sua rotatione mouebitur maior, quam ipse minor circulus moueatur. Summa rei hæc est, alterum ferri ab altero & latum ad ferentis spatium moueri. Licet enim altero moto, alter interim moueatur, nihil refert. Est enim ac si is qui fertur, nullam habeat motionem, aut si eam habeat, ipsa nequaquam vratur. quod non sit si uterque separatum circa proprium centrum moueatur, tunc enim magnus magnus, paruus vero paruum spatium conficit. Hinc decipi ait Aristoteles illum, qui putat vtrumque circulum per se super idem centrum in rotatione moueri, licet enim videatur, re vera non est. Id enim vtique certum est, cum à maiori circulo minor fertur, circa maioris centrum motum fieri. Si vero maior à minori feratur circa minoris circuli centrum motum fieri. Hæc ferè Philosophi est niens, cuius solutionem esse certissimam, & ex veris causis non dubitamus.

Hinc ad aliam eamque certam assertionem transimus. Dicimus enim, nullam materialem rotam circa axem eidem affixum, dum rotatur, posse eundem locum seruire, nisi cauum fiat, quod axem ipsum recipiat, in transuersarijs quibus rota sustinetur & progressuum axis motum impediat.

Esto enim rota ABCD, cuius centrum E, diametri AEC, BED, esto alia minor rota GH, item minor KL, tum minor NO, & adhuc minor QR, circa idem centrum E. Rotetur itaque secundum ablidem integri quadrantis





spatium CD, eritque D, in F, item si ex rota GH, ex quadrante HT, erit T in I. Ex alijs item minoribus in M, P, S. erit itaq; longissimū spatium GF, breuissimū vero RS, Mota igitur rota circa circulū seu axem, QR, maior rota spatium mouebitur KS,

quod si intra QR, circa centrum E alij infiniti imaginentur circuli, quo propiores centro fuerint, eo maioris rotæ progressus erit minor, donec ad centrum deueniatur, vbi cum non sit circulus, nullus fiet progressus motus, sed circa ipsum centrum nulla facta loci mutatione rotabitur. At cum nulla materialis rota circa lineam punctumue imaginarium conuertere possit, ideo axi ferreo alteriusue materię circa quem & cum quo circumuoluatur rota, cauum semitotundum incidere oportet, in quo insertus axis dum conuertitur à loco in quo conuertitur, non recedat.

### QVÆSTIO XXV.

*Queritur, Cur lectulorum spondas secundum duplam faciant proportionem, hanc quidem sex pedum, vel paulo ampliore, illam vero trium. Item cur velles funesue non secundum diametrum extendantur?*

PRImam quæstionis partem ita diluit Philosophus, fortasse tantæ fieri solitos magnitudinis lectulos vt corporibus sint proportionem habentes, & ideo fieri secundum spondas dupli longitudine nempe cubitorum quatuor, latitudine vero duorum.

Nostra-


Nostrates alia vtuntur proportione, sesquialtera, videlicet, quam Græci Hemioliam dicunt, communiter enim pedes quatuor latos faciunt plus minusue, longos vero circiter sex. quod ideo fit vt in eis duo corpora commodius cubare possint. Læctuli autem, de quibus loquitur Philosophus, ad vnum tantummodo sustinendum facti videntur, quicquid tamen sit, nullam ferè habet res ex hac parte dubitationem.

Secunda quæstionis sectio ea erat, Cur non secundū diametros funes extendantur? Restium funiumue in læctulis muniendis vsus non est apud nos. etenim feretra tantum, seu sandapilas, quibus defunctorum corpora efferebantur, funibus ad ea sustinenda inteximus.

Cæterum læctos tabulis seu asseribus sternimus, quibus saccos paleis plenos imponimus, saccis vero culcitræ, & tormenta, ne tabularum durities cubantes offendat. Atqui in re facili multum laborasse videtur Aristoteles, tum etiam obscure & inuolute nimis quæstionem tractasse. Difficilem enim apud eum habet hæc explicationem, tum ea quam diximus de causa, tum etiam quod Græca læctio & Latina versio corrupta, vt apparet, præ manibus habeantur. Sane vt veritatem hoc loco vindicaret in lucem, egregie laborauit Picolomineus nec parum profecit. Cæterum currestes non secundum diametrum extrudantur, triplicem affert Philosophus rationem. Prima est vt spondarum ligna, minus distrahantur. Secunda, vt pōdus inde commodius sustineatur. Tertia, vt in ipsa textura minus restium funiumue absumatur.

Ad primam, cur extensis diametraliter funibus spondæ ipsæ distrahantur discindanturue, nec ille nec alij docent. Ego autem demonstrarem hoc pacto.

Esto sponda ABCD, cuius longitudo AB, crassitudo AC, in ea foramen vtrinque pertinens EF, restis per foramen



men inditus GFE, sitque E pars seu caput exterius, quod nodo in E distinetur. Sit autem sponda lignum iuxta longitudinem vt natura assolet scissile. Vis quædam, fune ita extento applicetur in G, quæ funem ipsum ad se violenter trahat, non discindetur idcirco sponda eo quod non diametraliter funis extendatur. Modo facta capitis G translatione in H, trahatur valide funis, fiet autem pressio valida in F. ibi enim impedimentum facit angulus, ne funis ipsa dum trahitur, rectitudinem assequatur. Itaque vi prævalente, ligno vero scissili, minus resistente, funis, asscuta rectitudine, fiet in HIE scissa sponda ad quætitatem trianguli FIE, quod fuerat demonstrandum.

Cur autem funes ab angulo in angulum extensæ minus commode pondus sustineant, satis patet. quo enim funis lōgior, eò debilior, & pressio quæ in medio fit, ea videlicet parte quæ ab extremis est remotissima, magis funem fatigat. Longiores autem funes sunt quæ diametraliter extenduntur.



Quatenus ad tertiã rationem pertinet, hoc pacto funes intexit Philosoph⁹. Esto lectulus cum suis spōdis AB CD, cuius sponda AD, sit pedum sex, AB vero triu, Diuidatur AD bifariam in E & BC in F. item AE in tres AG, GH, HE & in totidem ED, nempe EL, LM, MD. Similiter medietas alterius spōdæ BF in tres partes distinguatur BN, NO, OF, & FC

& FC similiter in tres FI, IK, KC, tum alterofunis capite inducto per foramen A, ibique probe firmato, indatur per F, inde per I, postea per GHK CE, & in E probe alligetur: Erunt igitur funis quatuor partes æquales AF, IG, HK, EC, quibus adijciuntur particulæ cadentes extra, quæ sunt FI, GH, KC. Post hæc alterius funis principium per foramen traijcitur, quod est in angulo B. Deinde per E, inde per L, N, O, M, D, F & in F probe vincitur, & nodo factò obfirmatur. Erunt igitur aliæ quatuor alterius funis partes, tum inter se, tum etiam supradictis æquales, nempe BE, NL, OM, FD, quibus illæ pariter adijciuntur particulæ, quæ cadunt extra, videlicet EL, NO, MD. quoniã igitur quadratis ex BA, AE æquale est quadratum BE, erit BE quadratum 18. cuius latus radixue  $4\frac{1}{2}$  quam proxime. Sunt autem huius longitudinis funes æquales octo. Earum igitur simul sumptarum longitudo erit pedum  $34\frac{1}{2}$  vel circiter, quibus si addantur pedes sex funium qui cadunt extra, erit restis totius longitudo expansa pedum  $40\frac{1}{2}$  plus minusue. Picolomineus vero ait  $34\frac{1}{2}$ , omisit enim particulas illas sex, quæ, ut diximus, cadunt extra. Idem rationem funium diametraliter extensarum in idem, ait esse longitudinis pedum  $40\frac{1}{2}$ . Hic autem eas quoque particulas prætermittit, quæ extra cadunt. Itaque his additis clare patet, plus restium in sumi diametraliter ipsis, quam lateraliter extensis. Cæterum ratio, qua Philosophus hæc probare conatur, adeo est mutila, inuoluta, obscura, ut Delio prorsus, ut aiunt, indigeat natatore. Huius loci inexplicabilem difficultatem, vidit Picolomineus, qui idcirco attestatus est, interpretes in hac exponenda fuisse hallucinatos. Certe Græca lectio versione ipsa Latina non est clarior. Nos interim ne inutilem ferè speculationem nimia diligentia, eaque fortasse frustranea prosequamur, alij difficultatem hanc dissoluendam aut ceu Gordij nodum

dum gladio scindendo relinquemus. Sed interim subit mirari, cur veteres vtiliori modo prætermisso, inutiliorē fuerint amplexati. Poterant enim reticulatim hoc per lineas lateribus æquidistantes intexere.



Est enim lectulus eiusdem dimensionis ABCD, in cuius latere AD sint foramina quinque E, F, G, H, I, totidem in latere opposito QP, ONM. Duo vero in latere breuiori AB, nempe

RS, & totidem in opposito KL incipiaturs extensio à foramine E, per QP, F, GON, HIM & in M funis obfirmetur, tum alterius funis caput indatur si libet per K, & inde per S, R, L & in L constringatur. Sunt autem omnes EQ, FP, GO, NN, IM, pedum quindecim, quibus si addantur KS, RL, singuli pedum sex erunt pedum xxvii. quibus adiectis particulis extra cadentibus QP, FG, ON, HI, & RS, est integra summa pedum xxxii. Vide igitur quantum hinc minus insumatur restium quam eo modo, quem probauit, & ceu vtiliorem proposuit Aristoteles. Præterea validissimum est hoc texturæ opus nec ex eo fit vera spondarum distractio scissioque, quibus haud parum obnoxia est ea ratio, quam præfert ipse Philosophus. Concludimus igitur, aut nos eius verba & sensum non intellexisse, aut veteres ipsos, quorum vsum ipse explicat, rei, quam nos proponimus, naturam & commoditatem (quod tamen vix credibile est) igno-

rare.

## QVÆSTIO XXVI.

*Proponitur à Philosopho examinandum, Cur difficilius sit, longa ligna ab extremo super humeros ferre, quam secundum medium, æquali existente pondere?*

**D**Vo hîc considerat, vibrationem, & pondus. Ait enim primo fieri posse, procora ligna vibratione impediēte, difficilius ferri. Quæreret autem quispiam, (ipse enim id reticet) cur vibratio hæc ferenti sit nocua. Nos itaque id explicare conabimur.



Esto igitur lignum oblongum, flexile, & vt ita dicam, vibrabile AB, imponatur humero, eique hæreat in C,


manu vero sustineatur facta compressione in B. Nutet igitur & vibretur, in ipsa vibratione, ad partem A. Sit autem centrum grauitatis eius D, Lignum igitur in ipsa vibratione descendet sua pressus grauitate in E, tum facta ligni constipatione in ea parte quæ est inferius inter C & D, & inde resistentia, eodem fere impetu quo descenderrat, repulsum per D, nec enim in sua rectitudine stabit, ascendet in F, facta iterum materiæ constipatione inter C & F. Mouebitur igitur lignum sua grauitate, motu frequentissimo, sursum deorsum, & is interim qui lignum humero fert, procedit antrorsum, impedit igitur motus iste, qui sic sursum deorsum lationem, quæ sit ad anteriora; Latorem ipsum quodammodo retrahens. Si autem medio ligno supponatur humerus, eo quod vibratio sit minor. breuiiores enim partes sunt, quæ à medio ad extrema minus à vibratione remorabitur ferens.

Quoniam autem non sola vibratio in hoc lationis modo, nempe ex ligni extremitate difficultatem facit, ait



Philosophus, forte id fieri, quoniam licet nihil insectatur, neque multam habeat longitudinem, difficilius tamē sit ad ferendum ab extremo, eo quod facilius eleuetur ex medio quam ab extremis, & ideo sic terre sit facilius. Cur autem ex medio facilius eleuetur, causam esse ait, quod eleuato medio ligno extrema sese inuicem suspendant, & altera pars alteram bene subleuet. Medium enim fieri velut centrum, vbi is supponit humerum qui eleuat aut fert. Extremorum autem interim altero depresso alterum sustolli. Nos interim Mechanicis principijs, quod ipse non fecit, rem clariorem efficiemus.

Esto enim oblongum lignum AB, cui humerus supponatur in B, manus vero premendo sustinens in B. sit autem ligni pars maxima AC, minima CB, maioris autem ad minorem proportio exempli gratia sit sexcupla. Ad hoc igitur ut fiat æquilibrium inter potentiam sustinentem in B, & pondus comprimens in A, ita se habere oportet potentiam in B, ad pondus in A, ut se habet pars ligni AC ad



partem CD. Esto igitur pondus in A, puta librarum sex. Erat igitur potentia quæ in B ad hoc ut sustineat librarum triginta sex, quas si addas pondus in A, fiet humerus in C

sustinens pondus librarum quadraginta duo. Si autem humerus medio ligno, hoc est, in D supponatur, ad hoc ut fiat æquilibrium, necesse erit potentiam in B esse æqualem ponderi in A, quod est sex, quare humerus sustinebit duodecim. Vnde patet, longe difficilius portari lignum ex C extremo, quam ex D medio; quod Mechanice fuerat demonstrandum.

Possumus & aliter idem ostendere. Intelligatur enim iisdem suppositis, veterem quidem esse AB, cuius fulcimentum



cimentum quidem B, pondus A, potentia sustinens in C, nempe inter fulcimentum & pondus. Res igitur ad eum vectis usum reducitur, de quo G. Vbaldus tractatu de Vecte, propos. 3. Quare ut ille ostendit, ita se habere oportet potentiam sustentem ad pondus, ut totus vectis ad partem eius quæ à potentia ad fulcimentum. Ita igitur se habebit pressio, quæ fit in C ad pondus in A, ut totus vectis AB ad partem eius CB, quæ à potentia ad fulcimentum. Erit igitur potentia septupla ponderi, & ideo sustinebit pondus librarum quadraginta duarum. quod fuerat ostendendum.

Hinc alia quaestio huic affinis soluitur, Cur hasta sarissæ solo iacens manu ad alteram extremitatū apprehensa difficillime extollatur?

Esto igitur sarissæ ha-



stæ iacens AB, cuius extremitati A manus ad sustollendum applicetur, sit

autem pars quæ digitis capitur AC, quaeritur cur pars reliqua CB difficillime sustollatur? Facile dubitatio ex praedemonstratis soluitur. Est enim C fulcimentum, supponitur enim loco, pugno ad sustollendum clauso, digitus index, potentia autem premens in A, ut superet gravitatem CB, est manus ipsius carpus, hoc est illa manus ipsius pars, qua pondus facta suppressione sustollitur. Est igitur AB vectis, cuius fulcimentum C, pondus B, potentia A, itaque quoniam maxima est proportio BA ad AC, maximam esse oportet potentiam pondus sustollentem in C.

Huc etiam illud pertinet, Cur hasta solo iacente, si alterum extremorum manu sustollatur, alterum vero velocissime sursum vibretur, & eodem tempore manus hastæ sic vibratæ supponatur, haud magna difficultate hastæ ad perpendiculum sit erectio.



Sitenim hasta AB, quæ manu ex B capta eleuetur in C, & fiat in AC, tum facta ex C partis A veloci vibratione, ipsa extremitas A transferatur in D, sitque vbi CD, tum veloci manus depressione extremitas C transferatur in E, fiatque EF horizonti perpendicularis; quod vbi factum fuerit, erunt


in eadem linea quæ ad centrum mundi, manus ipsa quæ sustinet, & grauitatis ipsius centrum G, quare manus ipsa facta vibratione tantum portat, quantum præcise ipsius est hastæ pondus.

#### QVÆSTIO XXVII.

*Dubatur, Cur si valde procerum fuerit idem pondus, difficilius super humeros gestatur, etiam si medium quispiam illud ferat quam si breuius sit?*

**Q**uæstio hæc superiori est affinis. At autem Philosophus, causam non esse id, quod in præcedenti quæstione dixerat, sed vibrationem: quo enim longiora sunt ligna, eo magis eorum extrema vibrantur, debiliora enim sunt & à medioremotiora, quare suo pte pondere facilius nutant. Si autem breuiora sint ea causa cessante minor sit aut nulla vibratio, quare breuiora feruntur facilius. Dupliciter autem vibratione ipsa, portans offenditur, tum ex causa quam in superiori quæstione considerauimus, nempe quod motus sursum deorsum assiduus, progredientis motum impediat, tum etiam quod duplici pressione grauetur ferentis humerus, quod Philosophus non animaduertit.

Sitenim oblongum lignum AB, quod humero medio



dio loco sustineatur in C.  
nutabunt ergo extrema AB,  
à centro C, valde remota,  
cadent autem simul A in D,

& B in E trahere secum conantes medium C, quare is qui  
in C sustinet, non modo ligni sustinet pondus ex grauita-  
tis centro quod est in C, sed impetum quoque in ipsa ex-  
tremorum depressione acquisitum ex ipsa violentia. Illud  
autem subtiliter consideramus, portantem ex vibratione  
per interualla deprimi & subleuari. fiat enim vibratum li-  
gnum ex contrario motu, vbi FCG. alleuiabit igitur eo  
casu portantem, siquidem impetus ex motu ipso acqui-  
situs, medium C trahat ad superiora. Itaque cum est in DCE  
portans plus sustinet in ACD, æqualè, in FCG minus,  
quod vtique demonstrandum fuerat. Est autem questio  
hæc illi familiaris, quam 16. loco explicauimus.

### QVÆSTIO XXVIII.

*Queritur, Cur iuxta puteos celonsa faciunt eo quo visuntur mo-  
do? Ligno enim plumbi adiungunt pondus, cum alioquin vas  
ipsum & plenum & vacuum pon-  
dus habeat.*

**R**esponder optime Philosophus, hauriendi opus duo-  
bus temporibus diuidi, nempe dum vas ipsum vacuum  
demittitur, dumque extrahitur plenum: Contingere au-  
tem, vacuum facile demitti, plenum autem difficulter ex-  
trahi. Expedire nihilominus tardius, hoc est difficilius di-  
mitti vt facilius extrahatur, plumbo nempe coadiuuante,  
& sane Philosophi solutio est lucidissima. Nos autem luci  
ipsi lucem aliquam adhuc asferre conabimur.

Esto Celonium (Latine Tolonenem appellant) ABC,  
cuius arrectarium BD, transuersum lignum AC, quod con-



conuertitur, circa pñctum seu fulcimentum B, pondus, plumbumue, vbi A, situla E, funi appensa CE. Dico rebus ita constitutis difficilem quidem esse vacuæ situlæ demissionem, facile vero eiusdem extractionem. Vectis diuisi, situlæ, ac ponderis, ad hoc vt fiat æquilibrium, ea debet esse propor-

tio, vt quemadmodum se habet AB ad BC, ita se habeat plenæ situlæ pondus E ad ipsum pondus A, superabit ergo pondus in A situlam vacuum in E nec fiet æquilibrium, itaque vt vacua situla demittatur, tanta vis adhibenda est quantum est ipsius aquæ, qua situla impletur pondus, quæ vis dum apponitur difficilem, vt dicebamus, efficit situlæ vacuæ demissionem. Plena vero situla sit æquilibrium, unde quantumuis pusilla vi adhibita, situla extrahitur, quasi ex semetipsa ponderis appensi virtute ascendens. Quantum igitur pondus dum vacua demittitur impedit, tantum plena dum extrahitur, adiuuat. Quæ cum ita sint, si paria sunt difficultas in demittendo, & facilitas in extrahendo, quæ ratio hoc in negotio utilitatis? Sane situla vacua, manu per funem facile demittitur, plena vero difficile extrahitur, vsu autem Celonij res permutatur. Corporis enim proprii pondere, dum premit, adiuuatur demittens, qui per funem simplicem extrahendo, ab eodem proprii corporis pondere impediabatur. quod quidem ex corporis pondere, auxilium, ingentem parit in extrahendo commoditatem.

Quippiam simile accidit, aquas è puteis extrahentibus vsu trochleæ. Sit enim trochlea puteo imminens ABCD, cuius centrum E suspensa quidem in A, funis, cui situla

litula suspenditur FCABG, litula vero G. Est igitur diameter CED, instar libræ, quare vt fiat æquilibrium necessesse est capiti funis F, potentiam applicare, quæ sit æqualis



pondere litulæ aqua plenæ, itaque extrahens proprijs viribus corporis pondus adijciens facile litula maqua plenam extrahit, ex qua re magna extrahentibus sit commoditas. Patet autem diuerso modo extrahentes iuuare Celonium. & Trochleam, ibi enim corporis mole adiuuatur demittens vacuum, hic vero qui extrahit plenam aqua litulam.

Cæterum Celonij partem BC, qui à fulcramento ad funem longe maiorem esse oportet, ipsa AB, vt litula in profundum possit demitti, quam ob rem ita se debet habere pondus in A, ad pondus litulæ plenæ, vt se habet brachium seu pars BC, ad partem BA. Tunc enim ex permutata proportionem efficitur æquilibrium.

Illud addimus, nouum non esse Architectis Mechanicisque, tum hominum tum animalium vt commodius machinas moueant, adhibere pondera corporum. Nec animalia ratione mouentur Rotæ illæ, quas ob hanc causam ambulatorias vocant; quarum vsus ad Mangana, ad extrahendas è puteis aquas, & ad farinarias quoque molas agitandas adhibetur.

Porro Tollenonem bellicam Machinam à Celonio tum forma tum potestate nihil differre, videre est apud veteres Mechanicos, Heronem Byzantium, & alios, apud neotericos vero hac de re agunt Daniel Barbarus in Vitruuium, & Iustus Lipsius in librum quem de bellicis machinis edidit, elegantissi-

mum.


X

QV AE.

## QVAESTIO XXIX.

*Dubitatnr, Cur quando super ligno, aut huiusmodi quopiam, duo portauerint homines, idem pondus non aqualiter premuntur, sed ille magis cui vicinior fuerit pondus?*

Soluit Aristoteles, inquit, lignum esse vectem, pondus vero fulcimentum; res quæ mouetur is qui pondere est proximior: mouens vero qui remotior. Itaque quo magis remotus est à pondere, hoc est, à fulcimento is qui mouet, eo violentius is premitur qui altera vectis parte eaque breuiori, mouetur.



Esto lignum AB, pondus C appensum in E, vicinior extremo B quam ipsi A, sit autem portatium alter quidem AF, alter vero BG, Imaginemur itaque locum E à pondere ita figi & deprimi, ut sursum quidem ferri nequaquam possit, circa vero punctum E, ceu circa centrum fulcimentum-

ne ipsum vectem conueriti. Lignum ergo AB vectis: mouens potentia A, pars vectis à potentia ad fulcimentum AE pars eiusdem quæ à fulcimento ad rem motam EB, & quoniam quanto longior est pars vectis EA ipsa EB, eo facilius potentia quæ est in A, operatur in id quod est in B, si res ad proportionem redigatur, erit potentia in A, ad id quod mouetur seu premitur in B, ut pars vectis EB ad partem EA, sed maior est AE ipsa EB, ergo maiorem partem sustinet ponderis, & plus premitur is qui in E, & qui mouet in A. Hæc fere Philosophi est sententia: Pico lominus vero Paraphrastes apposite duos vectes in vnico ligno

gno considerat, alterum AB, alterum BA, in primo A est mouens B, motum in secundo B, mouens A vero motum in quibus vectibus semper idem & commune fulcimentum E. Et quoniam in proposito diagrammate breuior est pars vectis EB, quæque à mouente ad fulcimentum, parte illa quæ ab eodem fulcimento ad rem motam, minus operatur B in A, quam A in B, & ideo qui in B mouetur plus premitur, contra vero quia maior est pars EA ipsa parte EB, magis operatur qui in A in ipsum B, quam econtra. Et sane consideratio hæc subtilis est & ingeniosa, & quæ si recte intelligatur, quatenus ad proportionales & effectum ipsum demonstrandum pertinet, à veritate ipsa non abhorret, Quicquid tamen sit, Mechanice magis hoc pacto quæstio diluatur. Dicimus enim, pondus quidem vere esse pondus, non autem fulcimentum, vt sibi fingebat Aristoteles: lignum vero vectem, duo autem qui pondus sustinent pro duplici fulcimento haberi, vtrisque enim vectis cum appenso pondere innititur. Potest etiam alter eorum pro potentia mouente, alter vero pro fulcimento, & sic vicissim. Est autem, quomodocunque res accipiat, pondus inter fulcimentum & potentiam. Quare ex ijs quæ demonstrauit G. Vbald. de hoc vectis genere loquens, vt se habet AE pars ad AB vectem totum, ita potentia quæ sustinet in B, ad pondus appensum in E, & vt BE ad BA ita potentia quæ sustinet in A ad pondus quod in E. At minor est proportio BE, ad BA, quam AE ad AB, quare magis superatur pondus in E à potentia quæ in A, quam à potentia quæ in B, & ideo plus ponderis sustinet ferens in B, quam ferens in A, quod fuerat demonstrandum.

Hinc colligimus, pondere in medio vecte appenso ferentes æqualiter sustinere, propterea quod totius vectis ad partes ipsas proportio sit eadem, vel æqualis.







num in K. Post hæc intelligatur pondus solutum quidem à puncto C, appensum vero ex puncto I. Stabit igitur ex definitione centri gravitatis nec situ suo movebitur. Dico autem partem A ipsa IB esse brevior, hoc est, punctum I cadere inter C & A. Si enim non cadat, vel cadet in C, aut inter C & B, cadat autem si fieri potest in C. Erigitur CHK horizonti perpendicularis, sed eadem perpendicularis AD. Erunt igitur BCK BAD anguli inter se æquales, sed ipsi BAD angulo æqualis est CIH, quare & BCH ipsi CIH æqualis erit. Producto igitur latere IC trianguli ICH erit exterior angulus æqualis interiori ex opposito, quod est absurdum. non ergo I cadet in C. Eadem autem ratione monstrabitur non cadere inter CB, cadet ergo inter CA, & ideo minor A ipsa IB. Itaque ut se habet BI ad BA, ita potentia in A ad pondus in I, sed maiorem proportionem habet BI ad BA, quam IA ad AB. Ergo minor potentia requiretur in B quam in A, & sane pars IB respondet potentia sustinenti in A, at IA potentia sustinenti in B, minor est autem A ipsa IB, ergo maior potentia requiritur in B, quam in A, quod fuerat demonstrandum.

Hoc item concludetur, si portantes statura quidem pares fuerint, sed per planum ambulent, horizonti acclive aut declive. Si enim pondus libere pendeat, vectis partiū proportio non mutabitur; si autem libere non pendeat, is magis laborabit qui in ascensu præbit, minus vero qui in descensu.

Hinc quoque Carrucarum ratio pendet, quæ duplici manubrio vtiç rota vulgo sunt in vñu, pro vecte enim habentur, cuius fulcimentum ad contactum plani & ro-

tz; potentiz vero ad extremitatem duplicis manubrij. Reducitur enim ad idem genus vectis, in quo pondus inter fulcimentum est & potentiam. quo igitur minor fuerit proportio partis vectis quæ à centro gravitatis ad ipsum fulcimentum, ad totum vectem eo facilius pondus eleuabitur.

Cur autem difficilime hæ per acclive horizonti planum pellantur, duplici fit de causa, tum quia gravitatis centrum ad ipsum portantem seu pellentem vergit, & ideo pars quæ à fulcimento ad centrum gravitatis ponderis fit maior, tum etiam quoniam ipsum graue contra sui naturam sursum pellitur ferturque.

Quærere ad hæc quispiam posset, Cur Baiuli magna ferentes pondera, curui incedant? Dixerit autem aliquis, ponderis gravitate eos deprimentis id fieri. Nos autem duplici item de causa id fieri putamus, tum ea quam considerauimus, tum etiam alia, nempe vt gravitatis centrum ipsius ponderis quod sustinent, in perpendiculari collocent, ne si extra ponatur is qui fert à centro extra fulcimentum posito, ad eam partem ad quam vergit trahatur, & pondere ipso opprimatur.


Eadem de causa fit quoque vt ij qui magna pondera sinistro ferunt humero, in dextram partem inclinentur, qui vero dextro, contrario modo se habeant, æquatur enim pondus eo pacto, & gravitatis centrum in ipsa perpendiculari collocatur.

### QVÆSTIO XXX.

*Cur assurgentes omnes fæmori tibiam ad acutum angulum constituamus & pectori thoracine similiter fæmur, quod nō fiat haudquaquam surgere poterunt?*

**A** It Philosophus, forte id fieri, quod æqualitas sit omnino quietis causa, rectum vero angulum quietis angulo-

angulum esse, & stationem facere, nec alia de causa stantem ipsi terræ esse perpendicularem, & ideo caput & pedes in eadem linea habere, sedentem vero non item. Tunc autem à sessione surrectionem fieri, cum caput & pedes in una linea collocantur, quod sane fit cum pectus & crura acutum cum ipso fœmore angulum faciunt.



Esto enim stans AB horizonti IBK perpendicularis, cuius caput A, pedes vero B, sedeat modo sitque eius cum capite Thorax CD, fœmur DE, crura EF, sintque CDE, DEF anguli recti, quibus ita constitutis non sunt in eadem linea caput C & pedes F. Surgere itaque non poterit sedens, propterea quod partes omnes corporis non sint horizonti perpendiculares. Ad

hoc autem ut surrectio fiat, necesse est ut sedens retrahat quidem pedes in H, & pectore inclinato acutum cum fœmore angulum constituat GDE, quo casu fient in eadem recta linea, eaque horizonti perpendiculari caput in G, & pedes in H, ex cuius situs natura commoda fiet ab ipso sedente surrectio. Hæc fere, licet alijs ab eo verbis explicata, ipsius est Philosophi sententia; quæ licet vera sit, non tamen ex proprijs, hoc est, Mechanicis principijs est petita. quod quidem nos facere conabimur.

Dicimus autem primo, sedentem non ideo quiescere, ut sentit Aristoteles, quod rectus angulus quietis sit causa, sed propterea quod eius thoracis tum etiam fœmorum pondus ab ipsa sede sustineantur; crura vero & pedes ideo non laborent, quod partim suspensa sint, partim solo ipsi innitantur. Quare cum corpus totum nec se susti-

sustineat, nec à pedibus sustineatur, sit quies & lassitudinis alleuatio. Natura autem ideo commodam hominibus sessionem facere voluisse inde apparet, quod clunes, quibus tota superior pars, & grauior nititur, carnosam fecerit, & cervicalis cuiusdam instar mollem & facilem. Sed nos ad quæstionem.



Esto enim stans AB, cuius caput A, Thorax AC, fœmora CD, crura DB, pedes vero B, centrum vero grauitatis in ipso Thorace E. Modo sedeat, sitque caput in F, Thorax FG, fœmora GH, crura HI, pedes I, grauitatis vero centrum vbi K. Producatur recta FG in L, sitque FL horizonti perpendicularis. Centrum ergo grauitatis K fulcitur puncto G, hoc est, puncto L, in quo posteriores pedes ipsius sedis solo hærent. efficit autem sedens duos rectos angulos FGH, GHI. Rebus

igitur ita dispositis seruatis rectis angulis, non fiet surrectio, & id quidem non ideo quod, vt ait Philosophus, æqualitas & rectitudo angulorum quietis sit causa, sed propterea quod centro grauitatis extra pedum fulcimentum constituto, non habet centrum stabilem locum cui in actu surrectionis hæreat, & fulciatur, vnde fit vt si sedenti subtrahatur sedes remoto prohibente, sedens prorsus corruat. Modo retrahat qui sedet crura, & pedes ponat in M, à puncto autem M, horizonti perpendicularis erigatur MN. erit ergo fulcimentum in M, sed adhuc surgere non poterit, centro grauitatis adhuc extra lineam MN, quæ per fulcimentum est, constituto. Reclinetur autem pedes ad anteriora, & cum fœmore acutum angulum faciat sitque vbi GO, erit igitur grauitatis centrum vbi P, hoc est, in ipsa perpendiculari NM, fiet igitur inde commoda surre-





cimentum BC. Stabit ergo qui ita inclinatur, nec corruet: si autem adhuc propendeat magis, fiatque in KE, centro grauitatis constituto in M, ducatur per M perpendicularis ML, quare quoniam linea ML extra pedis fulcimentum cadit, corruet qui eo pacto inclinatur nec sustinebitur. Cur igitur natura animalibus quę erecto corpore ambulant, pedes in anteriora porrectos fecerit, hinc clare patet.

Hinc etiam ceu confectarium habemus, cur homines si impellantur, magis ad casum in posteriora quam in anteriora sint proni. Nec non etiam cur simiæ, vrsi, & si quę cætera eiusmodi animalia diutius erecto corpore ambulare nequeant, nempe ideo quod eorum corporum moles valde in anteriora propendeat, nec ita commodo, vt humanis euenit corporibus, pedum ipsorum basibus fulciantur.

Quærere item haud importune possumus, Cur grallatores non stent erecti, nisi assidue moueantur? Solutio facilis. grallæ etenim duobus tantum punctis solum tangunt, nec porrecti beneficio, quod ambulantibus accidit, vti possunt. quamobrem grauitatis centrum fit extra fulcimentum, & ideo coguntur grallatores assiduo motu grauitatis centro fulcimentum supponere, quod dum fit, a casu prohibentur.


Potest autem id quod fulcitur, tripliciter fulciri, nempe aut puncto, aut linea, aut superficie.

Quod puncto fulcitur, nulla re impediēte ad quamuis partem cadere potest, centrum siquidem, motus, punctum est.

Quod linea fulcitur ad duas tantum partes, easque oppositas, habet casum. sit illud superficies, corpusue in latus constitutum.

Esto






Esto horizontis planum ABCD, cui ad rectos angulos insistat superficies EFGH, secundum latus FG. Sit autem ipsius superficiei gravitatis centrum I. à quo ad horizontis planum perpendicularis demittatur IK. Cadet autem in lineam FG. per propo. 38. vndecimi elem. & anguli IKG IKF recti erunt. Itaque superficiei EFGH circa lineam FKG ceu circa axem mota punctum I peripheriam describet LIM, & si quidem cadat ad partes CD, gravitatis centrum erit ubi M. Si vero ad partes AB, fiet ubi L. Sunt autem LKM puncta in recta LKM, quæ quidem communis sectio est plani horizontis, & plani per IKLM, transeuntis.



Idem quoque de corpore dicimus in latus collocato. Esto enim cubus LO, cuius gravitatis centrum R, latus vero quo fulcitur, NO. Si enim ita collocetur, ut interna superficies LNOQ ad rectos angulos horizonti sit constituta, demissa perpendicularis à puncto R, cadet in S, in ipsa linea NSO. Cadente igitur corpore fiet motus circa lineam NO, centro gravitatis interim peripheriam TRV. describente.

Hinc animadvertere licet, Cur providissima Natura nulli animantium unicum dederit pedem, sed aut quaternos, aut saltem binos, & binos quidem ipsos virtute quaternos, si quidem in quolibet animantium bipedum

pede duo saltem puncta considerantur, quibus ipsum animal fulcitur.




Sint enim humani pedis vestigia A, B, C, D, in utroque igitur duo puncta considerantur, A, B, C, D, illa quidem ad digitos, hæc autem ad calcaneum. Idem quoque in avium pedibus observatur, ex quibus concludimus, bipedum omnium fulcimentum esse quadruplex. Porro quadrupedia eo quod tota corporis mole ad inferiora vergant, quatuor ful-

cimenta, eaque distincta, & commode ab invicem remota eadem Natura præparavit.

Eadem quoque in artificialibus consideramus. Sit enim vas quodpiam ABC, cuius pes unicus, id est, rotundus BC, gravitatis vero centrum D. Quoniam igitur in pedis ipsius peripheria, infinita puncta intelligantur, dici quodammodo potest vas ipsum infinitis fere punctis, licet

pes unicus sit, sustineri. Nonnulla autem corpora artificialia quatuor pedibus sustententur, ut mensæ quædã, nonnulla etiam tribus, ut tripodes, qui nomen ab ipso pedum numero sortiuntur. Sit enim triangulum EFG, cuius centrum gravitatis H, nitatur autem tribus punctis I, K, L, stabit igitur. Si




autem duobus tantum; non stabit, ducta enim IK si punctis tantum IK innitatur, constituto gravitatis centro  
extra

extra fulcimentum IK, verget cedens versus partes, L, Si autem innitatur punctis IL, cadet ad partes K. Si vero ipsis KL, cadet ad partes I. Ex quibus apparet, inanimata corpora aut vnico pede plurium virtutem habente, aut saltem tribus actu, vt sustineantur, indigere.

Hinc etiam patet, cur senes, imbecilles, curui, & pedibus capti, baculi baculorumue fulcimento egeant, etenim cum hi debiles sint, & in anteriorem partem magnopere propendeant, ne grauitatis centrum extra fulcimentum fiat, baculo vel baculis indigent, quibus centrum ipsum fulciatur.

Cæterum cur duplici genu ingeniculati difficile in eo situ permaneant, ea causa est, quod grauitatis centrum in thorace constitutum, duobus genibus fulciatur, eo-que premat. quæ quidem genua eo quod natura apta nata non sint, veluti pedes, ad sustinendam corporis molem laborant, idque eo magis, quod cum ossa sint, cutem inter ossium & plani duritiem constitutam, accidit arctari, & ideo dolorem & molestiam ingeniculatis facere.

Si autem vnico tantum genu quispiam nitatur, difficultatem sentiet longe minorem. Triplici enim fulcimen-  
 A ————— B  
 α  

 mento eo casu ingeniculatus fulcitur. Sit enim ingeniculatus ABCDE, cuius grauitatis centrum F, dextrum verogenū, cui nititur D, sinistrum ve-

ro, quod eleuatur B. Tribus ergo fulcimentis ingeniculatus vt diximus, sustinetur, CDE. Diuiditur itaque pondus in tres partes, & ideo singula minus fatigantur. Magis tamen laborat punctum D, vt pote illud, cui ad perpendicularium F grauitatis centrum innititur.

Vtiq; illud quoque mirabile est, Aues dormientes vnico tantum pede fulciri, & quod magis mirum est, dor-

mientes posse, quod vel ipsis vigilantibus est difficile. Cur id Natura docente faciant, eam puto esse causam, quod dum dormiunt, caput sinistræ alæ, vt naturali calore iuuentur, supponunt, quâ propter ad eam partem declinantes, vt interim æquilibrium faciant, pedem subleuant, & eo casu ceu inutilem retrahunt atque suspendunt: addita item alia causa, nempe vt pedem ipsum dormientes natiuo calore confoueant.

Quæritur etiam, Cur ij qui inclinantur, vt rē quampiam à solo sustollant, alterum crurium ad anteriora, nēpe versus manum ipsam, quam porrigunt, extendant?




Esto enim quispiam ABCD, cuius crura BC, BD, grauitatis centrum E, velit autem quippiam à solo tollere quod sit in F, sit perpendicularis, quæ per grauitatis centrum GEH. Dum igitur ad anteriora inclinatur, centrum amouet à perpendiculari, quam obrem docente Natura, crus BC ad centrum ipsum fulciendum, ad anteriora, hoc est, versus rem

sustollendam porrigitur.

Huius quoque speculationis est inuestigare, Cur quadrupedia dum graduntur, pedes diametraliter moueant. Cuius rei verba fecit ipse quoque Philosophus lib. de animalium in cessu cap. 12. Nos autem ad maiorem declarationem, quod ipse Phisicis principijs fecit, mechanicis demonstrabimus.


Sint duæ in plano parallelæ AB, CD, in quibus quadrupedis pedes E, F, B, D, quorum EF, anteriores, BD vero posteriores. iungantur BDEF, eritque EBDF parallelogrammum altera parte longius, cuius diametri ducantur ED,



ED, BF, secantes sese in G, vbi & grauitatis centrum. Moto igitur posteriori sinistro pede B in K, si anteriorem E, eodem tempore moueret in L, stantibus interim DF, ceu fulcimentis, centrum G extra fulcimenta fieret ad partes BE. Caderet igitur ad partes BE. Si autem eodem tempore moueret dextros eodem pacto centrum extra fulcimenta positum caderet ad partes ipsas DF. Si autem moto pede B in K, & eodem tempore F in L, & D in H, E, in I, centrum erit in diametris HI, KL, hoc est, vbi M, solum quidem ab ipsis pedibus K, L, H, I. Hoc igitur pacto transfertur vicissim cum grauitatis centro simul translatis fulcimentis sese diametraliter respondentibus; quod vtique demonstrandum fuerat.

Sane & bipedia quoque alternatim gradiendo grauitatis centrum transferunt. Dum enim dextrum crus eleuatur, centrum sinistro fulcitur, & e contra.

Naturalia isthæ sunt; in artificialibus autem quæri posset, Cur Architecti, Arcium muros non ad perpendicularum erectos, sed introrsum inclinatos constituent?




Vtique hoc faciunt, vt minus sint ad ruinam proni. Est enim murus ad interiorem partem vergens ABCD, Cuius grauitatis centrum E basis BC erigatur à puncto B horizonti perpendicularis BF, & ad eundem à centro grauitatis E demittatur EM, tum BE iungatur. Post hæc à puncto B angulum cum linea horizontis BK faciens recto maiorem. Itaque murus hoc pacto constitutus ad interiorem partem suo pondere vergit, cadere autem non potest, vel quod viuz  
ru-

rupi, cui forte hæreret, fulciatur, vel antistatis, quos nostrates sperones & contra fortes appellant, innitatur. Sed nec in anteriora corruet, quandoquidem ruinam facturum, necesse est ut grauitatis centrum secum trahat in perpendiculari BF, & demum in eam quæ ultra perpendiculararem est BG, facta nempe circa B, seu circa centrum, conuersione. Moueatur autem & ex semidiametro BE centro B portio circuli describatur EH, quæ secet BG in H, & BF in I; Et quia EM semidiametro BK perpendicularis per B, centrum non transit, erit EM ipsa BK, hoc est, BI breuior. Abscindatur ex BI, ipsi EM æqualis LB. Erit igitur punctum L infra punctum I, hoc est, ipso I, mundi centro propius. Necesse igitur erit ad hoc ut murus corruat, centrum grauitatis E facta circa B, conuersione aliquando fieri in I, ut demum transferri possit in H, sed I remotius est à mundi centro ipsis E, L, ascendet igitur graue contra suam naturam ex E in I, at hoc est impossibile; quod fuerat demonstrandum.

Ex his iisdem principijs alia soluitur quæstio, Cur scilicet Campanaria turris quæ Pisis uisitur, nec non alia Bononiæ in foro prope Acellorum turrin, quam à nobili olim Carisendorum familia exstructam, Carisendam uocant, cuius meminit & Dantes Poëta summus in sua Comœdia. Propendet autem hæc in latus, & ita propendet ut perpendicularis, quæ à summo inclinatæ partis in solum demittitur, longe cadat ab ipsa, cui ninitur, basi, quod sane mirabile uidetur, muros nempe, in ruinam pronos, ruinam non facere.

Esto enim turris ABCD, basi fulta BC, horizontis planum BCF latera AB, DC, centrum uero grauitatis totius molis E. Propendat autem ad partes DC ex angulo DCF. Ita autem constituta intelligatur ut perpendicularis ab A, in planum horizontis demissa per grauitatis cen-

trum



trum E extra basim BC, non cadat, cadat autem in C. Quoniam igitur ABCD moles per E grauitatis centrum diuiditur, in partes secatur æque ponderantes, sed & centrum grauitatis extra fulcimentum non cadit, quare nec pars ACD, trahet partem ABC, nec centrum extra fulcimentum positum locum petet centro mundi viciniorem. Cur igitur Carisenda stet, & egregia illa turris campanaria quæ Pisis prope summum Templum marmoribus præclare exstructa videtur, licet ruinam minentur, stent æternum, nec cadant, ex his quæ considerauimus, liquido patet.

### QVÆSTIO XXXI.

*Cur facilius moueatur commotum quam manens, veluti currus commotos citius agitant, quam moueri incipientes?*  
*Hoc queritur.*

**P**ROblema hoc est mere Physicum; verumtamen quoniam ad localem motum pertinet, de quo ipse quoque Mechanicus agit, Hisce quæstionibus contemplatio hæc interfertur. Soluit autem Aristoteles inquiens, id fortasse ea de causa fieri, quod difficillimum sit pondus mouere, quod in contrarium mouetur. Demit enim quippiam de motoris potentia resistens, licet mouens ipso moto sit longe potentius atque velocius. necesse enim esse id tardius moueri quod repellitur. Hæc verba licet de ea potentia dicta videantur, quæ rem motam in contrariam partem repellit, nihilominus illi quoque aptantur quæ rem immobilem à principio mouere conatur. est enim resistentia rei quæ à statu ad motum transfertur ceu quidā



contrarius motus. Contra autem accidit illi qui rem motam mouet in ipso motu: eo enim casu mouens ab ipso rei motu magnopere iuuatur, cooperatur enim motus motori, in ipsam rem motam operanti. Auget autem res mota quodammodo mouentis potentiam. quod enim à mouente pateretur, ex se ipsa agit res quæ mouetur.



Esto horizontis planum AB, cui moles quædam insistat, CD. Modo potentia quædam applicetur vbi E, quæ molem in anteriora propellat, id

est, versus B. Primum igitur, quoniam à quiete ad motum fit transitus, resistit sua quiete corpus graue, potentia impellenti, superata demum resistantia moles quæ moueri cœpit, fertur in F & mouetur, quare potentia quæ à principio resistantiam rei non motæ superauerat, pellendo rem motam pergens facilius pellit: Duo enim sunt quodammodo motores, mouens videlicet ipse, & motus quo res mota mouetur. facilius ergo pelletur ex F in G, quam ex D in F, & ex G in B, quam ex F in G, & eo motus fiet in progressu faciliior atque in ipsa velocitate velocior, quo magis in ipsa motione mouetur.

Hinc soluitur ea quæstio apud Physicos difficillima, Cur nempe in motu naturali velocitas vsque augeatur; etenim ibi Natura mouens est, atque eadem inseparabilis à remota, urget igitur assidue, à principio quidem tardius, post hæc autem ea quam diximus, de causa vsque & vsque velocius. Motus ergo fit in motu, qui motus cum semper à motore, & motu ipso augeatur, crescit ex progressu in imensum. Certe ea causam velocitatis auctæ eam esse, quod potentia mouens rem motam in motu ipso moueat, nemo vt arbitror, inficias ibit, acquirit enim corpus motum pōderosi-

derositate quandam accidentalem, quæ cum ex motu perinde augeatur, ipsum motum faciliorem, eoque velociorem facit. Disputat hæc & Simplicius lib. 7. Physic. c. 11. Aristotelis de Natura libros exponens.

### QVÆSTIO XXXII.

*Quæritur hic, Cur ea quæ projiciuntur, cessent  
à latrone?*

**H**OC itidem problema est mere Physicum. Ad quod ea pertinent quæ à Philosopho tractantur libro Naturalium 8. & lib. 1. de Cælo. Tres autem affert subdubitando rationes, An quia impellens desinit potentia, vel propter retractionem, vel propter rei projectæ inclinationem, quando ea valentior fuerit quam projicientis vires?

Quicquid dicat Philosophus, id vti que exploratissimum est. Projecta ideo à motu cessare, propterea quod impressio, cuius impetu & virtute feruntur, non sit projectus quidem naturalis, sed mere accidentalis & violenta, at nullum accidentale & violentum quodque, non naturale est, perpetuum est. Cessat ergo accidentalis illa impressio, eaque paullatim cessante projecti motus elanguescit, donec quietem prorsus adipiscatur. Illud quoque notamus, quod à multis vidimus non observatum, nempe violentum motum violentia prævalente non differre à naturali, & ideo tardiozem esse à principio post hæc, in ipso motu fieri velociorem, remittente demum paullatim impressa violentia, tardiozem, donec impetus, & cum impetu motus evanescat, & res ipsa mota quietem adipiscatur. Vnde etiam experientia docemur, ictum ex projectis violentius fieri, si fiat paullo remotior à principio, & tunc demum esse innocentissimum, cum ibi sit, ubi projectum ex motu plene acquisito, summam adeptum est velocitatem.

rem. Hinc videmus, vel pueros ipsos, docente Natura cū  
 nuces, vel aliud quippiam, parieti allisum frangere conā-  
 tur, à pariete moderato aliquo spatio recedere. Si autem  
 eos interrogas, cur id faciant, respondebunt, vt inde ictus  
 valentius fiat atque efficacius. Eleganter ex Simplicij &  
 Alexandri Aphrodisiensis doctrina, quæ lucidissima est,  
 quæstionem hanc in sua Paraphrasi explicat Picolomi-  
 neus.

### QVÆSTIO XXXIII.

*Dubitatnr, Cur proiecta moueantur, licet impellens à projectis se-  
 paretur; vel vt verbis Philosophi vtar, Cur quippiam non pecu-  
 liarem sibi fertur lationem impulsore aliquoquin  
 non consequente:*

**S**oluit, inquit, an videlicet, quoniam primum, id est,  
 impellens ipse, id efficit vt alterum, nempe proiectum  
 ipsum impellat, illud verò (hoc est proiectum) alterum  
 impellat, hoc est, aërem ipsum mediumue, quod à proie-  
 cto repellatur. Cessare autem motum, cum res eo deue-  
 nit, vt motus eidem à proieciente impressus, non possit  
 amplius rem proiectam mouere, & itidem rem ipsam, aë-  
 rem videlicet non possit amplius repellere. Vel etiam  
 quando ipsius lati grauitas nutu suo declinat magis quam  
 impellentis in ante sit potentia. Vtrique res per se satis cla-  
 ra. etenim motus impressus accidentaliter est, quod vero la-  
 tioni violentæ resistit principium, naturale, & ab ipso mo-  
 to inseparabile, vincente igitur quod natura est, paulla-  
 tim remittitur quod ex accidenti est, & inde proiecti fit  
 quies. Est autem & hoc quoque Problema pure physicum,  
 & superiori, de quo immediate egimus, perquam familia-  
 re, quamobrem ex iisdem prorsus soluitur  
 principijs.

QVÆ

## QVÆSTIO XXXIV.


*Cur neque parua multum, neq; magna nimis longe projici queunt,  
sed proportionem quandam habere oportet proiecta ipsa ad  
eius vires qui projicit?*

**P**VLchre dubitationem diluit, inquit, An quia necesse est quod projicitur, & impellitur contraniti ei vnde impellitur. Quod autem magnitudine sua nihil cedit, aut imbecillitate nihil contranitur, non efficit projectionē neque impulsione. quod enim multo impellentis excedit vires, haudquaquam cedit. Quod vero est multo imbecillius, nihil contranitur, & impressionem non suscipit. Aliam quoque adiungit rationem, videlicet, Tantum ferri id quod fertur quantum aëris mouerit ad profundū (hoc est, ad eam partem aëris remotiorem, ad quam fertur) etenim proiectum à principio dum fertur aërem pellit, non pellit autem si nihil mouetur. Accidit igitur ut concludit Philosophus, proiecta isthæc contrarijs ex causis minus moueri. quod enim valde paruum est nihil mouet imbecillitate sua impediēte. quod vero valde magnum est, ex contraria causa nihil mouet, nempe quod ob magnitudinem suam nihil moueatur. Vnde fit proportionem inter proiectum & projicientem esse in primis ad motum, necessitatem. Hæc eadem præclare in sua Paraphrasi explicat Picolomineus.

Huic nos, de projectis quæstioni, hæc addimus.

Cur proiecta corpora non sibimet ipsis secundum partes & que grauiora, si fuerint irregularis figuræ in ipso motu, secundum grauiorem partem antrorsus inuiolento, & deorsum in naturali ferantur, & dum in latione conuertuntur, sonitum edant.

Esto pila ABCD, cuius centrum E concinnata ex dispari materia leui, nempe BCD, & graui ABD. non ergo




erit centrū grauitatis & centrum molis, sit autem grauitatis centrum F. Descendat corpus prohibente remoto per rectam AG. Et quoniam grauiora deorsum tendunt magis, si à principio motus grauior pars fuerit supra in ipso descensu conuertetur pila, & situm non seruiabit donec superior pars ea quæ grauior, deorsum fiat, vt videre est in

pila HIK, cuius centrum est G. pars grauior HIK. Si autem eadem pila, laterali motu violenter feratur versus N, ad eam quoque partem conuertetur pars grauior. factō enim molis seu magnitudinis centro vbi L, grauior pars fiet in MNO; quæcunque igitur sunt corpora ita cōstituta, vt in illis non sit idem molis & grauitatis centrum in ipsa latione conuertentur, & eorum pars grauior antrotrorsus fiet. Sonitus porro in ipso motu editi ea est causa, quod irregulare corpus à principio incipit conuerti, & in ipsa conuersione dum fertur aërem verberat, & ab eodem vicissim reuerberatur, ex qua reuerberatione fit corporis rotatio dum fertur, & ipse sonitus, quem Græci *ποιζον* Rhœzum appellant.

Ad hanc quoque speculationem pertinet, Cur lapides ad superficiem aquæ proiecti non statim demergantur, sed aliquot vicibus aquæ superficiem radentes, ab eadem resiliant.

Esto aquæ superficies AB, lapis proiectus C, tangens aquæ superficiem in D, & inde resiliens in E, mox iterum eandem tangens in F, & resiliens in G, donec violēto motu cessante demergatur. Vtique lapis C, proiectus in D,


nisi



nisi medio densiori, aqua videlicet, repelleretur, penetraret per D, in H. At eo resistente, & adhuc vigente impetu, fertur in E ad angulos fere pares. Dico autem fere,

siquidem maior est ADC ipso EDF, propterea quod vis non sit eadem, sed minor ea quæ ex D pellitur in E. Durante igitur impetu quo pellitur antrorsum, fiunt ipsæ resiliationes, & eo cessante, resiliationes cessant, & lapis suapte gravitate demergitur.

Huc quoque spectat, Cur pila lusoria in horizontis planum projecta ad pares resiliat, angulos nempe rectos?



Esto horizontis planum AB, in quod à puncto C per lineam perpendicularem CE cadat projiciatur pila DE, cuius gravitatis centrum F. Tangit autem planum in puncto E. Perpendicularis ergo EC, circulum DE per centrum secat, hoc est, in partes æquales & æqueponderantes, sed dum pila cadit projicitur,

agit in planum horizontis, vbi E, & in eodem puncto repetitur, quare cum cadens & agens diuidatur in partes æquales & æqueponderantes & item repatiens & resiliens diuidatur item in partes æquales & æqueponderantes, ita resilit repatiendo, vti egerat in cadendo, hoc est, ad angulos pares; quod fuerat demonstrandum. Modo sit planum aliquod ita ad horizontem inclinatum, vt GH, & in illud cadat projiciatur eadem pila. Dico etiam ab eodem inclinato plano ad pares angulos resilire, non tamen rectos.

Vti-

Vtrique pila cadens, planum non tanget in E. esset enim GH, ubi AB, Tangat autem in I, & à centro F ad contingentiam punctum I, recta ducatur FI. Erit igitur FI (prop. 18. lib. 3. elem.) ipsi GH plano perpendicularis. Ducatur item per I, ipsi EC, parallela IK, secans pilæ circumferentiam in K. Agit ergo & repatitur pila in puncto I non æqualiter inæquales. etenim sunt partes KDLEI, & IK, eo quod IK secet circulum non per centrum, repellitur ergo in repatiendo non æqualiter, sed iuxta inæqualitatem earundem partium. Ducatur autem recta in circulo LI æqualis ipsi IK. Erit igitur LEI, æqualis IK, & tota KDLEI æqualis toti IKDL. Ut igitur actio est per descensum iuxta rectam KI, ita est repassio per ascensum ex IL. Dico autem angulos KIH, LIG esse æquales & singulos recto minores. Connectantur FL, FK. Quoniam igitur IK portio æqualis est portioni IEL, & recta LI æqualis rectæ IK, & LF æqualis ipsi FK, & FI communis, triangulum LFI, æquale est triangulo IFK. Quare & angulus FLI æqualis angulo FIK, sed GIF, HIF recti sunt, ergo residui LIG, KIH æquales sunt inter se comparati, & recto minores; quod fuerat ostendendum.

Hinc colligimus, quo magis planum ab æquidistantia horizontis recesserit, eo pilam in eo proiectam in partes inæquales diuidi & ad minores ipsi plano angulos resilire. Nihil autem refert, utrum planum, in quod pila cadit, ad horizontem sit inclinatum, vel eodem horizonti æquedistante pila non ad perpendiculas, sed iuxta aliquod angulum in illud proijciatur. Hæc sane ita ex demonstratione fieri ostenduntur. Veruntamen quoniam projecta pila materialis est, & ideo nec æqualis, nec æque ponderans & sua gravitate resistens, non ad pares ex amulsi resilit angulos, sed minores aliquantulum in resilitione, remittente nimirum vi in ipsa reactione. Et sane fieri non potest,



potest, pilam à plano resilientem eo peruenire vnde à principio discesserat; Id enim si daretur, æterna quoque pilæ ipsius daretur resilitio, & paullatim vi & impetu remittente per parua interualla motus esset, donec res quæ mouebatur, omnino quiescat.

## QVÆSTIO XXXV.

*Quærit hoc ultimo Problemate Aristoteles, Cur ea quæ in vorticosis feruntur aquis, ad medium tandem agantur omnia?*

**T**RIBUS rationibus soluit; quarum prima est: Quicquid fertur, magnitudinem habet, cuius extrema in duobus sunt circulis, hoc in minori, illud in maiori. Et quoniam maior velocior est, magnitudo media, non æqualiter fertur, sed à maiori quidem pellitur, à minori vero retrahitur, vnde transuersus fit magnitudinis motus, & ipsa magnitudo ad interiorem propellitur circulum, itaque eodem pacto, è maiori in minorem propulsa in centrum, tantum fertur, & ibi quiescit.



Esto vortex AB, cuius centrum C, magnitudo quæ fertur AD, maior circulus AFB, minor DHEG. Velocitas igitur in A maior est velocitate quæ in D, magnitudinis ergo extremum A, velocius rapitur in A quam eiusdem extremum inferius D, in D. Velocitas igitur maioris circuli pellit A versus F, tarditas vero minoris circuli D retrahit ad partes G.

conuertitur itaque magnitudo inter pellentem & retrahentem circulum, donec ex-

cremitas A in circulo minori fuerit vbi H, D vero vbi I, & ita deinceps eadem ratione vbi KL, donec paulatim feratur in centrum C, facto nempe à maiori in minorem circulum transitu.

Secunda ratio ita habet, quia quod fertur, simili se habet modo ad omnes circulos propter centrum, hoc est, in quouis circulo, qui circa idem centrum fertur. Omnes autem circuli mouentur, centrum vero stat, necesse est à motu tandem id quod mouetur ad quietis locum, hoc est, in centrum ipsum peruenire.

Tertia, quoniam circularum, qui in vorticibus fiunt, velocitas, & ideo impetus non est æqualis, sed semper exterior est interiore velocior & violentior, Æqualis autem semper in mota magnitudine, grauitas, diuersimode se habet ad circulos, à quibus mouetur, & ideo modo vincitur, modo vincit: vincitur autem à velocioribus circularis, vincit autem tardiores. Itaque quoniam sua grauitate resistens, maioris circuli motum prorsus non sequitur, ad tardio rem reijcitur, hoc est, interiore, & sic deinceps, donec tandem centrum ipsum nanciscatur, in quo nec superans, nec superata quiescit.

Hæ sunt rationes, licet obscurissime propositæ, quibus, vt diximus, vtitur Aristoteles. ac utæ sane illæ quidē, attamen haudquaquam vltero admittendæ.

Primo enim falsum videtur, quod asserit, vortices circulos esse, & circa idem centrum fieri atque rotari. Spiræ enim potius sunt, quæ ab exteriori parte remotioreque incipientes spiraliter circumuolutæ, ad intimam tandem partem, quæ media est & centri vices gerit, deueniunt. qua veritate cognita, omnis prorsus difficultas tollitur, Cum enim ea quæ feruntur, ab aqua ferantur, aqua vero feratur spiraliter, ea quoque spiraliter ferri, est necessarium.



delati euanescent, fiunt etiam eiusmodi vortices nau-  
tis quidem valde formidabiles etiam in mari, de quibus  
Poëta libro *Æneidos* primo.

--- *ast illam ter fluctus ibidem*

*Torquet agens circum, & rapidus vorat aquore vortex.*

Sed & idem quoque de vorticibus, qui in fluminibus  
fiunt libro 7.

--- *hunc inter fluui Tiberinus amano*

*Vorticibus rapidis, & multa flauus arena*

*In mare prorumpit.*

Fiunt autem in mari partim occultis de causis, partim  
etiam ex violentia aquarum sibi inuicem obuiantium a-  
gitatione. Sed nos hisce explicatis commode ad ea quæ  
dixerat Aristoteles, reuertemur.

Dicimus igitur, primam eius rationem haud magni  
videri ponderis, siquidem non per circulos actu distinctos  
aqua circumfertur, sed ipsamet sua mole tota simul.




Esto enim vortex AB, cu-  
ius centrum C, semidiameter  
CA, fiat autem rotatio totius a-  
quæ CA ad partes D, in linea  
autem AC, sit corpus aliquod a-  
quæ rotatione circumlatū AE,  
inter circulos maiorem ADB,  
minorem EFG. velocius autem  
mouetur ADB, ipso EFG, citius  
ergo fertur pars superior ipsius  
corporis vbi A, quam inferior

vbi E. At id nec A repellit, nec E retrahit, siquidem eodem  
tempore quo A permeauit circulū ADB, eodem & E per-  
currit circulum EFG. Itaq; A reuerso in A & E, punctum  
reuerſum erit in E, nulla facta corporis E quoad ſitum,  
mutatione quod voluit Aristoteles.

Ad

Ad secundam vero dicimus, non ideo quod omnes circuli æqualiter circa centrum ferantur, nisi alia quæpiã extranea vis intercēsserit, quæ ea ab exterioribus circulis pellens agat in medium.



Tertia quoque ratio laborare videtur.

Esto enim vortex AB, cuius centrum C, sit autem corpus aliquod E, cuius natura apta sit rotationi aliquatenus resistere. Quoniam igitur eius resistantia aliquatulum ab aqua rapiente superatur in ipsa rotatione, partim aquæ impetum sequetur, partim suapte natura retardabitur. Quamobrem aqua quæ est in A, translata in H, corpus ipsum non erit in H, sed in G. Tardius igitur corpus quam aqua ipsa, rotationem complebit, non tamen propterea, nisi alia quæpiam adsit causa, feretur in medium.

Cæterum horum vorticum effectum & causam observare licet, si vase quopiam aqua pleno aquam ipsam baculo manuue circulariter agitauerimus, fier enim vortex, & si quippiam quod leve sit, in aquam motam proiecerimus, ea quam diximus de causa in motum ipsum, hoc est, vorticis spiræ, centrum feretur.

Hæc nos, ut vera proponimus, & fortasse decipimur. Certe Philosopho tantæ auctoritatis contradicere, magnæ videtur audaciæ, aut potius insanix. Quicquid tamen sit, propulcherrima veritate laborasse, à parte aliqua laudis non fuerit prorsus, ut arbitror, alicnum.

## APPENDIX.

**M**Odum inueniendarum duarum mediarum proportionalium non tantum utilem esse, sed prorsus necessarium, illi norunt, qui in Mechanicis disciplinis vel parū fuerint versati. Nulla enim alia ratio est, qua corporeę magnitudines seruata figura & similitudine augeri proportionaliter imminuiue possint. Quamobrem factum est vt in his inueniendis tum vetustissimo tum etiam inferiori æuo, clarissimi Viri magnopere laborauerint. Plato etenim, Eudoxus (cuius modum repudiauit Eutocius) Heron Alexandrinus, Philon Byzantius, Apollonius, clarissimi Geometrę, Diocles, Pappus, Sporus, Menæchmus, Archytas Tarentinus, Platoni æqualis: Eratosthenes, & Nicomedes ad has inueniendas varias rationes excogitarūt, quorum omnium modos, & instrumenta, demonstrationesq; diligentissime collegit, & in illos Cōmentarios coniecit idemmet Eutocius, quos elegantissimos in Archimedis libros de Sphæra & Cylindro scripsit. Nos autem his omnibus accurate perspectis, & diligentissime ponderatis, inuenimus eos fere omnes tentando negotium absolueret, quod sane laboriosum valde est & operantibus per molestum. Itaque cum modum proximue inuenissemus, ex qua is qui operatur tutissime & facillime ad quę sitas ipsas medias manuducitur, hunc pulcherrimę huius facultatis studiosis inuidere nefarium iudicauimus. Quod si quispiā dixerit, Ballistarum, Catapultarum, Scorpionum, & ceterarum eiusmodi Machinarum vsum, olim apud nos desuisse, & ideo Problema hoc videri superuacaneum, Respondemus, nulla alia ratione æneorum tormentorum pilas augeri imminuiue seruata ponderis ratione posse, innumeraque esse, quę vt ritē perficiantur, hæc penitus indigent speculatione. Nos rem Mechanicis utilem, Mechanicis






interim regulæ latere ON amoto à puncto L, idque donec punctum P, obuians incidat in lineam KM, puta ubi Q extremum vero O inueniatur in R. notato igitur in linea EK puncto R habebitur, quod quærebatur. Erunt igitur AB prima, RK secunda, QL tertia, BG quarta.

Hæc praxis ijsdem principijs demonstratur, quibus suam ex Conchoide ostendit Nicomedes. Conficit ille instrumentum, ex quo describit Conchoidē, ex qua postea duas medias venatur. Nos autem nec instrumentum construimus nec Conchoidem describimus, & duabus fere lineis rem absoluius, ut nemo fere non dixerit, hoc istud quod docemus, à Nicomede a praxi esse prorsus alienum.

Sed nos, ut eius, quam ostendimus, operationis demonstratio habeatur, ipsius Nicomedis ex Pappi libro 3. propos. 5. desumptam in medio afferemus, quippe quod isthæc ea quam in suis in Archimedem commentarijs refert Eutocius, sit lucidior.

Datis duabus rectis lineis CD, DA; duæ mediæ in continua proportionē hoc modo assumuntur.

Compleatur ABCD parallelogrammum, & utraq; ipsarum AB, BC, bifariam secetur in punctis L, E, iunctaque LD producat; & occurrat productæ CB, in G, ipsi vero BC ad rectos angulos ducatur EF, & CF iungatur, quæ sit æqualis AL. Iungatur præterea FG & ipsi parallela sit CH, eritque angulus KCH, æqualis angulo CGF. Tum à dato puncto F ducatur FHκ, quæ faciat κH æqualem ipsi AL vel CF. Hoc enim per lineam Conchoidem fieri posse ostendit Nicomedes, & iuncta κD producat, occurratque ipsi BA, productæ in puncto M. Dico ut DC ad Cκ ita Gκ ad MA & MA ad AD. Quoniam enim BC bifariam secta est in E, & ipsi adijcitur Cκ. Rectangulum BκC per 6. secundi: una cum quadrato ex CE, æquale est quadra-



quadrato ex  $EK$ . commune apponatur ex  $EF$  quadratum,  
 ergo rectangulum  $BKC$  vna cum quadrato  $CF$  æquale  
 est quadratis ex  $KE, EF$ , hoc est, quadrato ex  $FK$ . Et quo-  
 niam vt  $MA$  ad  $AB$ , ita est  $MD$  ad  $DK$ , vt autem  $MD$  ad  
 $DK$  per 2. sexti, ita  $BC$  ad  $CK$  erit vt  $MA$  ad  $AB$ , ita  $BC$   
 ad  $CK$ . Atque est ipsius  $AB$  dimidia  $AL$ , & ipsius  $BC$ , du-  
 pla  $CG$ , est igitur vt  $MA$  ad  $AL$ , ita  $GC$  ad  $CK$ . Sed vt  $GC$   
 ad  $CK$ , ita  $FH$  ad  $HK$  propter lineas parallelas  $GF, CH$ .  
 quare & componendo vt  $ML$ , ad  $LA$ , ita  $FK$  ad  $KH$ , sed  
 $AL$  ponitur æqualis  $HK$ , quoniam & ipsi  $CF$ , ergo &  $ML$   
 per 9. lib. 5. æqualis erit  $FK$ , & quadratum ex  $ML$ , æquale  
 quadrato ex  $FK$ . est autem quadrato ex  $ML$ , æquale re-  
 ctangulum  $BMA$  vna cum quadrato ex  $AL$  & quadrato  
 ex  $FK$  æquale ostensum est rectangulum  $BKC$  vna cum  
 quadrato

quadrato ex CF, quorum quidem quadratum ex AL æquale est quadrato ex CF, ponitur enim AL, ipsi CF æqualis, ergo reliquum BMA rectangulum æquale est reliquo BkC. Vt igitur MB ad Bk, ita Ck ad MA. Sed ut MD ad Bk, ita DC ad Ck. quare ut DC ad Ck, ita est Ck ad MA. ut autem MD ad Bk, ita MA, ad AD. Ergo ut DC, prima, ad Ck secundam, ita Ck secunda ad MA tertiam, & MA tertia ad AD quartam, quod fuerat demonstrandum. Hæc Pappus. Quod autem in nostra Praxi diximus, QL esse tertiam, ea ratio est, quod LR ut in prima figura est, sit æqualis ipsi LM secundæ figuræ, in demonstratione Pappi, ex quibus demptis QR & LA, quæ sunt æquales, reliqua QL primæ figuræ æqualis est AM secundæ figuræ, hoc est, ipsi tertiæ proportionali: Est igitur, ut in prima figura dicehamus, AR prima, kR secunda, QL tertia, BC quarta.


Vides igitur tu qui legis, nos ex Nicomedis demonstratione (quatenus ad praxin pertinet) superflua rescasse, & absque Conchoidis instrumento lineæ uerem ipsam confecisse, idque non tentantes, ut alij, sed progredientes, & quasi manu ductos quæ situm inuestigasse.

F I N I S.













U. B. L.